

ପୂରବୀ

ଶ୍ରୀରବୀନ୍ଦ୍ରନାଥ ଠାକୁର



ବିପ୍ଳବରତୀ ଗ୍ରନ୍ଥାଳୟ
୧୦ନଂ କର୍ଣ୍ଣଘାଟିସ ଷ୍ଟ୍ରିଟ, କଲିକାତା ।

বিশ্বভারতী গ্রন্থালয়

প্রকাশক—শ্রীকরণাবিন্দু বিশ্বাস। ১০ কর্ণওয়ালিস স্ট্রীট, কলিকাতা।

পূর্ববর্তী

কবিতাগুলি লেখার তারিখ অনুসারে সাজানো হইয়াছে। ১৩২৪ হইতে ১৩৩০ সালের মধ্যে লেখা কবিতাগুলি “পূর্ববর্তী” অংশে এবং ১৩৩১ সালে যুরোপ ও দক্ষিণ আমেরিকা ভ্রমণের সময় লেখা কবিতা “পশ্চিম” অংশে দেওয়া হইল। অনেক পুর্বানো কবিতা এতদিন কোনো বইতে গ্রথিত হয় নাই, সেগুলি “সঙ্কিতা” অংশে ছাপানো হইয়াছে।

প্রত্যেকটি কবিতার নীচে লেখার তারিখ দেওয়া হইয়াছে। যেখানে তারিখ ঠিক জানা নাই অথচ মোটামুটি ভাবে নির্ধারণ করা যায় সেখানে একটি *—চিহ্ন দেওয়া হইল। যেখানে লেখার তারিখ জানিবাব কোনোরূপে যায় নাই সেখানে “প্র”—চিহ্ন দ্বারা নির্দেশ করিয়া প্রথম প্রকাশের তারিখ দেওয়া হইয়াছে।

শব্দের প্রথমে এককের “্য”—উচ্চারণ দেখাইবার জন্ত রবীন্দ্র নাথের নির্দেশ অনুসারে “ে”—চিহ্ন ব্যবহার করা হইয়াছে। যথা—‘দেখো’ (দেখও) আর ‘দেখো’ (দ্যাখো—দেখহ); ‘ফেলো’ (ফেলিও) আর ‘ফেলো’ (ফ্যালো—ফেলহু) প্রভৃতি।

অঙ্কের ও-ধ্বনি ’-চিহ্ন (ইলেক চিহ্ন) দ্বারা নির্দেশ করা হইছে। যেমন—“কবে” আর “ক’রে” (কোরে—করিয়া অর্থে); “দলে” (দলন করে) আর “দ’লে” (দলন করিয়া)।

উপরোক্ত চিহ্নগুলি যথাসম্ভব ব্যবহারের চেষ্টা করা হইয়াছে, কিন্তু ছাপার ক্রটিতে বইখানির সকল স্থানে ঠিক মত ব্যবহৃত হয় নাই।


কলিকতা, ১৩৩২

প্র—

মূল্য—২২; বাধাই—২৫; মোটা এন্টিক কাগজে—২৫ ও ৩০।

ইউ, রায় এণ্ড সন্স প্রেসে ত্রীকান্তিকচন্দ্র বসু কর্তৃক মুদ্রিত।

১০০ গড়পার রোড, কলিকাতা।



উৎসর্গ



বিজয়ার করকমলে —



সূচি

পূরবী

বিষয়	পৃষ্ঠা
১। পূরবী ...	১
২। বিজয়ী ...	৩
৩। মাটির ডাক ...	৫
৪। পঁচিশে বৈশাখ ...	১১
৫। সত্যেন্দ্রনাথ দত্ত ...	১৬
৬। শিলংয়ের চিঠি ...	২১
৭। যাত্রা ..	২৬
৮। তপোভঙ্গ ..	২৯
৯। ভাঙা মন্দির ...	৩৬
১০। আগমনী ...	৪০
১১। উৎসবের দিন ...	৪৪
১২। গানের সাজি ...	৪৭
১৩। লীলা-সঙ্গিনী ...	৫০
১৪। শেষ অর্ঘ্য ...	৫৫
১৫। বেঠিক পথেব পথিক ...	৫৬
১৬। বকুল-বনের পাখী ...	৫৯

পথিক

১। সাবিত্রী ...	৬৩
২। পূর্ণতা ...	৬৭
৩। আহ্বান ..	৭০
৪। ছবি ...	৭৭

	বিষয়	পৃষ্ঠা
৫।	লিপি ...	৭৯
৬।	কণিকা ...	৮৪
৭।	খেলা ...	৮৭
৮।	অপরিচিতা ...	৯০
৯।	আন্-মনা ...	৯৩
১০।	বিস্মরণ ...	৯৫
১১।	আশা ...	৯৭
১২।	বাতাস ...	১০০
১৩।	স্বপ্ন ...	১০২
১৪।	সমুদ্র ...	১০৫
১৫।	মুক্তি ...	১০৮
১৬।	ঝড় ...	১১১
১৭।	পদধ্বনি ...	১১৭
১৮।	প্রকাশ ...	১২১
১৯।	শেষ ..	১২৪
২০।	দোসর ...	১২৭
২১।	অবসান ...	১২৯
২২।	তারা ...	১৩১
২৩।	কৃতজ্ঞ ...	১৩৪
২৪।	দুঃখ-সম্পদ ...	১৩৬
২৫।	মৃত্যুর আহ্বান ...	১৩৭
২৬।	দান ...	১৩৯
২৭।	সমাপন ...	১৪১

বিষয়	পৃষ্ঠা
২৮। ভাবীকাল ...	১৪২
২৯। অতীতকাল ...	১৪৩
৩০। বেদনার লীলা...	১৪৪
৩১। শীত ...	১৪৫
৩২। কিশোর প্রেম ...	১৪৭
৩৩। প্রভাত ...	১৪৯
৩৪। বিদেশী ফুল ...	১৫১
৩৫। অতিথি ...	১৫৪
৩৬। অসুস্থিহিতা ...	১৫৫
৩৭। আশঙ্কা ...	১৫৯
৩৮। শেষ বসন্ত ...	১৬১
৩৯। বিপাশা ...	১৬৪
৪০। চাবি ...	১৬৭
৪১। বৈতরণী ...	১৬৯
৪২। প্রভাতী ...	১৭১
৪৩। মধু ...	১৭৪
৪৪। তৃতীয়া ...	১৭৬
৪৫। অদেখা ...	১৭৯
৪৬। চঞ্চল ...	১৮১
৪৭। প্রবাহিণী ...	১৮৩
৪৮। আকন্দ ...	১৮৫
৪৯। কঙ্কাল ...	১৮৯
৫০। চিঠি ...	১৯১

বিষয়	পৃষ্ঠা
৫১। বিরহিনী	১৯৭
৫২। না-পাওয়া	১৯৮
৫৩। সৃষ্টিকর্তা	২০১
৫৪। বীণা-হাবা	২০২
৫৫। বনম্পতি	২০৬
৫৬। পথ	২০৮
৫৭। মিলন	২১২
৫৮। অন্ধকাব	২১৫
৫৯। প্রাণগন্ধা	২১৯
৬০। বদল	২২১
৬১। ইটালিয়া	২২৩

সঙ্কিত

১। অবসান	২২৫
২। অস্তিম প্রেম	২২৬
৩। পত্র	২২৭
৪। বসন্তের দান	২৩০
৫। প্রাশয়	২৩১
৬। সাগরসঙ্গম	২৩২
৭। সাগর-মহন	২৩৫
৮। শিবাজী-উৎসব	২৩৬
৯। হুর্দ্দিন	২৪৫
১০। নমস্কার	২৪৭
১১। স্মৃতিভাত	২৫১

পুরবী

যারা আমার সাঁঝ-সকালের গানের দীপে জ্বালিয়ে দিলে আলো
আপন হিয়ার পরশ দিয়ে ; এই জীবনের সকল সাদা কালো
যাদের আলো-ছায়ার লীলা ; সেই যে আমার আপন মানুষগুলি
নিজের প্রাণের স্রোতের পরে আমার প্রাণের বরণা নিলো তুলি' ;
তাদের সাথে একটি ধারায় মিলিয়ে চলে, সেই তো আমার আয়ু,
নাই সে কেবল দিন-গণনার পঁজির পাতায়, নয় সে নিশাস-বায়ু ।
তাদের বাঁচায় আমার বাঁচা আপন সীমা ছাড়ায় বহু দূরে ;
নিমেষগুলির ফল পেকে যায় নানা দিনের সুখার রসে পূরে ;
অতীত কালের আনন্দরূপ বর্তমানের বৃন্ত-দোলায় দোলে,—
গর্ভ হ'তে মুক্ত শিশু তবুও যেন মায়ের বক্ষে কোলে
বন্দী থাকে নিবিড় প্রেমের বাঁধন দিয়ে । তাই তো যখন শেষে
একে একে আপন জনে সূর্য্য-আলোর অন্তরালের দেশে
আঁখির নাগাল এড়িয়ে পালায়, তখন রিক্ত শীর্ণ জীবন মম
শুষ্ক রেখায় মিলিয়ে আসে বর্ষাশেষের নির্ঝরিণী সম

শূন্য বালুর একটি প্রান্তে ক্লান্ত বাবি শ্রান্ত অবহেলায়।
 তাই যারা আজ বইলো পাশে এই জীবনের অপরাহ্ন বেলায়
 তাদের হাতে হাত দিয়ে তুই গান গেয়ে নে থাকতে দিনের আলো,—
 ব'লে নে ভাই, “এই যা দেখা এই যা ছোঁওয়া, এই ভালো এই ভালো।
 এই ভালো আজ এ সঙ্কমে কান্নাহাসিব গঙ্গা-যমুনায়
 ঢেউ খেয়েছি, ডুব দিয়েছি, ঘট ভরেছি, নিয়েছি বিদায়।
 এই ভালো রে প্রাণেব বঙ্গে এই আসক্ত সকল অঙ্গে মনে
 পুণ্য ধরার ধূলো মাটি ফল হাওয়া জল তৃণ তরুর সনে।
 এই ভালো বে ফুলেব সঙ্গে আলোয় জাগা, গান গাওয়া এই ভাষায়,
 তবাব সাথে নিশীথ বাতে ঘুমিয়ে পড়া নূতন প্রাতের আশায়।”

(প্র—জ্যৈষ্ঠ, ১৩২৪।)

বিজয়ী

তখন তা'রা দৃপ্ত-বেগের বিজয়-রথে
ছুটছিল বীর মস্ত অধীর, রক্ত ধূলির পথ বিপথে ।
তখন তাদের চতুর্দিকেই রাত্রিবেলার প্রহর যত
স্বপ্নে-চলার পথিক-মতো
মন্দ-গমন ছন্দে লুটায় মস্তুর কোন্ ক্রান্ত বায়ে ;
বিহঙ্গ-গান শাস্ত তখন অন্ধ রাতের পক্ষ-ছায়ে ।

মশাল তাদের রক্তজ্বালায় উঠলো জ্বলে,—
অন্ধকারের উর্দ্ধতলে
বহ্নিদলের রক্তকমল ফুটলো প্রবল দম্ভভরে ;
দূর-গগনের স্তব্ধ তারা মুগ্ধ ভ্রমর তাহার পরে ।
ভাবলো পথিক, এই যে তাদের মশাল-শিখা,
নয় সে কেবল দণ্ড-পলের মরীচিকা ।

ভাবলো তা'রা, এই শিখাটাই ঋবজ্যোতির তারার সাথে
মৃত্যুহীনের দখিন হাতে

জন্মে বিপুল বিশ্বতলে ।

ভাবলো তা'রা, এই শিখারই ভীষণ বলে
বাত্রি-রাণীর দুর্গ-প্রাচীর দক্ষ হবে,
অঙ্ককারের রুদ্ধ কপাট দীর্ঘ ক'রে ছিনিয়ে লবে
নিত্যকালের বিস্তরাশি ;
ধরিত্রীকে করবে আপন ভোগের দাসী ।

ঐ বাজে রে ঘণ্টা বাজে ।

চম্কে উঠেই হঠাৎ দেখে অন্ধ ছিল তন্দ্রামাঝে ।
আপ্নাকে হায় দেখছিল কোন্ স্বপ্নাবেশে
যক্ষপুরীর সিংহাসনে লক্ষমণির বাজাব বেশে ;
মহেশ্বরের বিশ্ব যেন লুণ্ঠ করেছে অটু হেসে ।

শূণ্ঠে নবীন সূর্য্য জাগে ।

ঐ যে তাহার বিশ্বচেতন কেতন-আগে
জল্ছে নূতন দীপ্তিরতন তিমির-মথন শুভ্ররাগে ;
মশাল-ভস্ম লুপ্তি-ধূলায় নিত্যদিনের সুপ্তি মাগে ।
আনন্দলোক দ্বার খুলেছে, আকাশ পুলকময়,
জয় ভুলোকের, জয় দুলোকের, জয় আলোকের জয় ।

মাটির ডাক

১

শালবনের ঐ অঁচল ব্যেপে
যেদিন হাওয়া উঠতো ক্ষেপে
ফাগুন-বেলার বিপুল ব্যাকুলতায়,
যেদিন দিকে দিগন্তরে
লাগতো পুলক কি মন্তরে
কাঁচ পাতার প্রথম কল-কথায়,
সেদিন মনে হ'তো কেন
ঐ ভাষারি বাণী যেন
লুকিয়ে আছে হৃদয়-কুঞ্জ-ছায়ে ;
তাই অমনি নবীন রাগে
কিশলয়ের সাড়া লাগে
শিউরে-ওঠা আমার সারা গায়ে ।

আবার যেদিন আশ্বিনেতে
 নদীর ধারে ফসল-ক্ষেতে
 সূর্য্য-ওঠার রাঙা-রঙীন বেলায়
 নীল আকাশের কূলে কূলে
 সবুজ সাগর উঠতো ছলে
 কচি ধানের খাম-খেয়ালি খেলায়
 সেদিন আমার হ'তো মনে
 ঐ সবুজের নিমন্ত্রণে
 যেন আমার প্রাণের আছে দাবী ;
 তাই তো হিয়া ছুটে পালায়
 যেতে তা'রি যজ্ঞশালায়,
 কোন্ ভুলে হায় হারিয়েছিল চাবি !

২

কার কথা এই আকাশ বেয়ে
 ফেলে আমার হৃদয় ছেয়ে,
 বলে দিনে, বলে গভীর রাতে,
 “যে জননীর কোলের পরে
 জন্মেছিলি মর্ন্তঘরে,
 প্রাণ ভরা তোর যাহার বেদনাতে,

তাহার বন্ধ হ'তে তোরে
 কে এনেছে হরণ ক'রে,
 ঘিরে তোরে রাখে নানান পাকে ।
 বাঁধন-ভেঁড়া তোর সে নাড়ী
 সহবে না এই ছাড়াছাড়ি,
 ফিরে ফিরে চাইবে আপন মাকে ।”
 শুনে আমি ভাবি মনে,
 তাই ব্যথা এই অকারণে,
 প্রাণের মাঝে তাই তো ঠেকে ফাঁকা,
 তাই বাজে কার করুণ সুরে—
 “গেছিস দূরে, অনেক দূরে,”
 কি যেন তাই চোখের পরে ঢাকা ।
 তাই এতদিন সকল খানে
 কিসের অভাব জাগে প্রাণে
 ভালো ক'রে পাইনি তাহা বুঝে ;
 ফিরেছি তাই নানামতে
 নানান হাটে, নানান পথে
 হারানো কোল কেবল খুঁজে খুঁজে ।

৩

আজকে খবর পেলেম খাঁটি—
 মা আমার এই শ্যামল মাটি,
 অগ্নে ভরা শোভার নিকেতন;
 অশ্রুভেদী মন্দিরে তা'র
 বেদী আছে প্রাণ-দেবতার,
 ফুল দিয়ে তা'র নিত্য আরাধন।
 এইখানে তা'র অঙ্ক-মাঝে
 প্রভাত-রবির শঙ্খ বাজে,
 আলোর ধারায় গানের ধারা মেশে,
 এইখানে সে পূজার কালে
 সঙ্ক্যারতির প্রদীপ জ্বালে
 শাস্ত্র মনে ক্লান্ত দিনের শেষে।
 হেথা হ'তে গেলেম দূরে
 কোথা যে ইট-কাঠের পুরে
 বেড়া-ঘেরা বিষম নিক্বাসনে,
 তৃপ্তি যে নাই কেবল নেশা,
 ঠেলাঠেলি, নাই তো মেশা,
 আবর্জনা জমে উপার্জনে।

যন্ত্র-জাঁতায় পরাণ কাঁদায়,
 ফিরি ধনের গোলক-ধাঁধায়,
 শূন্যতারে সাজাই নানা সাজে ;
 পথ বেড়ে যায় ঘুরে ঘুরে,
 লক্ষ্য কোথায় পালায় দূরে,
 কাজ ফলে না অবকাশের মাঝে ।

৪

যাই ফিবে যাই মাটির বুক,
 যাই চ'লে যাই মুক্তি-সুখে,
 ইটের শিকল দিই ফেলে দিই টুটে,
 আজ ধবণী আপন হাতে
 অন্ন দিলেন আমাব পাতে,
 ফল দিয়েছেন সাজিয়ে পত্রপুটে ।
 আজকে মাঠের ঘাসে ঘাসে
 নিঃশ্বাসে মোর খবর আসে
 কোথায় আছে বিশ্বজনের প্রাণ,
 ছয় ঋতু ধায় আকাশতলায়,
 তা'র সাথে আর আমার চলায়
 আজ হ'তে না রইলো ব্যবধান ।

যে দূতগুলি গগন-পারের,
 আমার ঘরের রুদ্ধ দ্বারের
 বাইরে দিয়েই ফিরে ফিরে যায়,
 আজ হয়েছে খোলাখুলি
 তাদের সাথে কোলাকুলি,
 মাঠের ধারে পথতরুর ছায়।
 কি ভুল ভুলেছিলেম, আহা,
 সব চেয়ে যা নিকট, তাহা
 সুদূর হ'য়ে ছিল এতদিন,
 কাছেকে আজ পেলেম কাছে—
 চারদিকে এই যে-ঘর আছে
 তা'র দিকে আজ ফিরলো উদাসীন ॥

(২৩ ফাল্গুন, ১৩২৮)

পাঁচিশে বৈশাখ

বাহি হ'ল ভোর ।
আজি মোর
জন্মের স্মরণপূর্ণ বাণী,
প্রভাতের রৌদ্রে লেখা লিপিখানি
হাতে ক'রে আনি',
দ্বারে আসি দিল' ডাক
পাঁচিশে বৈশাখ ।

দিগন্তে আরক্ত রবি ;
অরণ্যের ম্লান ছায়া বাজে যেন বিষণ্ণ ভৈরবী ।
শাল তাল শিরীষের মিলিত মর্ম্মরে
বনাস্তুর ধ্যান ভঙ্গ করে ।
রক্তপথ শুষ্ক মাঠে,
যেন তিলকেব রেখা সম্মাসীর উদার ললাটে ।

এই দিন বৎসরে বৎসবে
 নানা বেশে ফিরে আসে ধরণীর পরে,—
 আতাত্র আত্রে বনে ক্ষণে ক্ষণে সাড়া দিয়ে,
 তরুণ তালের গুচ্ছে নাড়া দিয়ে,
 মধ্যদিনে অকস্মাৎ শুষ্কপত্রে তাড়া দিয়ে,
 কখনো বা আপনারে ছাড়া দিয়ে
 কাল-বৈশাখীর মত্ত মেঘে
 বন্ধহীন বেগে ।
 আর সে একান্তে আসে
 মোর পাশে
 পীত উত্তরীয়-তলে ল'য়ে মোর প্রাণ-দেবতাব
 স্নহস্তে সজ্জিত উপহার—
 নীলকান্ত আকাশের থালা,
 তা'রি পরে ভুবনের উচ্ছলিত সুধাব পিয়াল।

এই দিন এল আজ প্রাতে
 যে অনন্ত সমুদ্রের শঙ্খ নিয়ে হাতে,
 তাহার নিঘোষ বাজে
 ঘন ঘন মোব বক্ষ-মাঝে ।

জন্ম-মরণের

দিব্বলয়-চক্ররেখা জীবনেরে দিয়েছিল ঘের,
সে আজি মিলালো ।

শুভ্র আলো

কালের বাঁশরী হ'তে উচ্ছসি যেন রে
শূন্য দিল' ভ'রে ।

আলোকের অসীম সঙ্গীতে
চিস্ত মোর বঙ্করিছে সুরে সুরে রণিত তন্ত্রীতে ।

উদয়-দিক্‌প্রান্ত-তলে নেমে এসে

শাস্ত হেসে

এই দিন বলে আজি মোর কানে,
“অগ্নান নূতন হয়ে অসংখ্যের মাঝখানে
একদিন তুমি এসেছিলে
এ নিখিলে

নব মল্লিকার গন্ধে,

সপ্তপর্ণ-পল্লবের পবন-হিল্লোল-দোল-ছন্দে,
শ্রামলের বৃকে,
নির্নিমেষ নীলিমার নয়ন-সম্মুখে ।

সেই যে নূতন তুমি,
তোমাতে ললাট চুমি'
এসেছি জাগাতে
বৈশাখের উদ্দীপ্ত প্রভাতে ।

হে নূতন,
দেখা দিক আরবার জন্মের প্রথম শুভক্ষণ ।
আচ্ছন্ন করেছে তা'রে আজি
শীর্ণ নিমেষের যত ধূলিকীর্ণ জীর্ণ পত্ররাজি ।
মনে রেখো, হে নবীন,
তোমার প্রথম জন্মদিন
ক্ষয়হীন ; —
যেমন প্রথম জন্ম নিব্বরের প্রতি পলে পলে ;
তরঙ্গে তরঙ্গে সিঙ্কু যেমন উছলে
প্রতিক্ষণে
প্রথম জীবনে ।
হে নূতন,
হোক তব জাগরণ
ভস্ম হ'তে দীপ্ত হতাশন ।

হে নূতন,
 তোমার প্রকাশ হোক কুণ্ডলিকা করি' উদঘাটন
 সূর্য্যের মতন ।
 বসন্তের জয়ধ্বজা ধরি',
 শূন্য শাখে কিশলয় মুহূর্ত্তে অরণ্য দেয় ভরি'—
 সেই মতো, হে নূতন,
 রিক্ততার বক্ষ ভেদি' আপনারে করো উন্মোচন ।
 ব্যক্ত হোক জীবনের জয়,
 ব্যক্ত হোক, তোমা মাঝে অনন্তের অক্লান্ত বিশ্বয় ।”

উদয়-দিগন্তে ঐ শুভ্র শব্দ বাজে ।
 মোর চিত্ত-মাঝে
 চির-নূতনেরে দিল' ডাক
 পঁচিশে বৈশাখ ।

(২৫ বৈশাখ, ১৩২২)

সত্যেন্দ্রনাথ দত্ত

বর্ষার নবীন মেঘ এলো ধরণীর পূর্বদ্বাবে,
বাজাইল বজ্রভেরী । হে কবি, দিবে না সাড়া তা'রে
তোমার নবীন ছন্দে ? আজিকার কাজরী গাথায়
ঝুলনের দোলা লাগে ডালে ডালে পাতায় পাতায় ;
বর্ষে বর্ষে এ দোলায় দিত' তাল তোমার যে বাণী
বিহ্বাৎ-নাচন গানে, সে আজি ললাটে কর হানি'
বিধবার বেশে কেন নিঃশব্দে লুটায় ধূলি-পবে ?
আস্থিনে উৎসব-সাজে শবৎ সুন্দর শুভ্র কবে
শেফালিব সাজি নিয়ে দেখা দিবে তোমার অঙ্গনে ;
প্রতি বর্ষে দিত' সে যে গুরুবাত্তে জ্যোৎস্নার চন্দনে
ভালে তব বরণেব টীকা ; কবি, আজ হ'তে সে কি
বারে বাবে আসি' তব শূন্যক্ষে, তোমারে না দেখি'
উদ্দেশে ঝবায়ে যাবে শিশির-সিঞ্চিত পুষ্পগুলি
নীরব-সঙ্গীত তব দ্বারে ?

জানি তুমি প্রাণ খুলি'

এ সুন্দরী ধরণীতে ভালোবেসেছিলে । তাই তা'রে
সাজায়েছ দিনে দিনে নিত্য নব সঙ্গীতেব হাবে ।

অগ্নায় অসত্য যত, যত কিছু অত্যাচার পাপ
 কুটিল কুৎসিত ফ্রুয়, তা'র পরে তব অভিশাপ
 বর্ষিয়াছ ক্ষিপ্ৰবেগে অর্জুনের অগ্নিবাণ সম,
 তুমি সত্যবীর, তুমি সুকঠোর, নিশ্চল, নিশ্চল,
 করুণ, কোমল । তুমি বঙ্গ-ভারতীর তন্ত্রী-পরে
 একটি অপূর্ব তন্ত্র এসেছিলে পরাবার তরে ।
 সে তন্ত্র হয়েছে বাঁধা , আজ হ'তে বাণীর উৎসবে
 তোমার আপন সুর কখনো ধ্বনিবে মন্দ্ররবে,
 কখনো মঞ্জুল গুঞ্জরণে । বঙ্গের অঙ্গনতলে
 বর্ষা-বসন্তের নৃত্যে বর্ষে বর্ষে উল্লাস উথলে ;
 সেথা তুমি এঁকে গেলে বর্ণে বর্ণে বিচিত্র রেখায়
 আলিম্পন ; কোকিলের কুহুরবে, শিখীর কেকায়
 দিয়ে গেলে তোমার সঙ্গীত ; কাননের পল্লবে কুসুমের
 রেখে গেলে আনন্দের হিল্লোল তোমার । বঙ্গভূমে
 যে তরুণ যাত্রীদল রুদ্ধদ্বার-রাত্রি অবসানে
 নিঃশঙ্কে বাহির হবে নব জীবনের অভিযানে
 নব নব সঙ্কটের পথে পথে, তাহাদের লাগি'
 অন্ধকার নিশীথিনী তুমি, কবি, কাটাইলে জাগি'
 জয়মাল্য বিরচিয়া, রেখে গেলে গানের পাথেয়
 বহিতেজে পূর্ণ করি' ; অনাগত যুগের সাথেও
 ছন্দে ছন্দে নানাসূত্রে বেঁধে গেলে বন্ধুত্বের ডোর,
 গ্রন্থি দিলে চিন্ময় বন্ধনে, হে তরুণ বন্ধু মোর,
 সত্যের পূজারি ।

আজো যারা জন্মে নাই তব দেশে,
 দেখে নাই যাহারা তোমারে, তুমি তাদের উদ্দেশে
 দেখার অতীত রূপে আপনারে ক'রে গেলে দান
 দূরকালে। কিন্তু যারা পেয়েছিলো প্রত্যক্ষ তোমায়
 অনুক্ষণ, তা'রা যা হারালো তা'র সন্ধান কোথায়,
 কোথায় সাস্তুনা ? বন্ধু-মিলনের দিনে বারম্বার
 উৎসব-রসের পাত্র পূর্ণ তুমি করেছো আমার
 প্রাণে তব, গানে তব, প্রেমে তব, সৌজন্তে, শ্রদ্ধায়,
 আনন্দের দানে ও গ্রহণে। সখা, আজ হ'তে, হায়,
 জানি মনে, ক্ষণে ক্ষণে চমকি' উঠিবে মোর হিয়া
 তুমি আসো নাই ব'লে, অকস্মাৎ রহিয়া রহিয়া
 করুণ স্মৃতির ছায়া ম্লান করি' দিবে সভাতলে
 আলাপ আলোক হাশ্ব প্রচ্ছন্ন গভীর অশ্রুজলে।

আজিকে একেলা বসি' শোকের প্রদোষ-অন্ধকারে,
 মৃত্যুতরঙ্গিণীধারা-মুখরিত ভাঙনের ধাবে
 তোমারে শুধাই,—আজি বাধা কি গো ঘুচিল চোখের,
 সুন্দর কি ধরা দিলো অনিন্দিত নন্দন-লোকের
 আলোকে সম্মুখে তব, উদয়-শৈলের তলে আজি
 নবসূর্য্য-বন্দনায় কোথায় ভরিলে তব সাজি
 নব ছন্দে, নূতন আনন্দগানে ? সে গানের সুর
 লাগিছে আমাব কানে অশ্রুসাথে মিলিত মধুর
 প্রভাত-আলোকে আজি ; আছে তাহে সমাপ্তির ব্যথা,
 আছে তাহে নবতন আরম্ভের মঙ্গল-বারতা ;

আছে তাহে ভৈরবীতে বিদায়ের বিষম মূর্ছনা,
আছে ভৈরবের সুরে মিলনের আসন্ন অর্চনা ।

যে খেয়ার কর্ণধার তোমারে নিয়েছে সিঙ্কুপারে
আষাঢ়ের সজল ছায়ায়, তা'র সাথে বারে বারে
হয়েছে আমার চেনা ; কতবার তা'রি সারি-গানে
নিশাস্তুর নিজা ভেঙে ব্যথায় বেজেছে মোর প্রাণে
অজানা পথের ডাক, সূর্যাস্তপারের স্বর্ণরেখা
ইঙ্গিত করেছে মোরে । পুনঃ আজ তা'র সাথে দেখা
মেঘে-ভরা বৃষ্টিঝরা দিনে । সেই মোরে দিলো আনি'
ঝ'রে-পড়া কদম্বের কেশর-সুগন্ধি লিপিখানি
তব শেষ বিদায়ের । নিয়ে যাবো ইহার উত্তর
নিজ হাতে কবে আমি, ওই খেয়া-পরে করি' ভর,
না জানি সে কোন্ শাস্ত শিউলি-ঝরার গুরুরাতে ;
দক্ষিণের দোলা-লাগা পাখী-জাগা বসন্ত-প্রভাতে ;
নব মল্লিকার কোন্ আমন্ত্রণ-দিনে ; শ্রাবণের
ঝিল্লিমন্ত্র-সঘন সঙ্কায় ; মুখরিত প্লাবনের
অশাস্ত নিশীথ রাত্রে ; হেমন্তের দিনান্ত বেলায়
কুহেলি-গুণ্ঠনতলে ?

ধরনীতে প্রাণের খেলায়
সংসারের যাত্রাপথে এসেছি তোমার বহু আগে,
সুখে দুঃখে চলেছি আপন মনে ; তুমি অমুরাগে
এসেছিলে আমার পশ্চাতে, বাঁশিখানি ল'য়ে হাতে
মুক্ত মনে, দীপ্ত তেজে, ভারতীর বরমাল্য মাথে ।

আজ তুমি গেলে আগে ; ধরিত্রীব রাত্রি আর দিন
তোমা হ'তে গেল খসি', সর্ব্ব আবরণ করি' লীন
চিবন্তন হ'লে তুমি, মর্ত্য কবি, মুহূর্ত্তেব মাঝে ।
গেলে সেই বিশ্বচিত্তলোকে, যেথা সুগম্ভীর বাজে
অনন্তের বীণা, যার শব্দ-হীন সঙ্গীত-ধারায়
ছুটেছে রূপের বহা গ্রহে সূর্য্যে তারায় তারায় ।
সেথা তুমি অগ্রজ আমার ; যদি কভু দেখা হয়,
পাবো তবে সেথা তব কোন্ অপকৃপ পরিচয়
কোন্ ছন্দে, কোন্ কাপে ? যেমনি অপূর্ব্ব হোক নাকো,
তবু আশা কবি যেন মনের একটি কোণে বাখো
ধরণীর ধূলির স্মরণ, লাজে ভয়ে দুঃখে সুখে
বিজড়িত,—আশা কবি, মর্ত্যজন্মে ছিলো তব মুখে
যে বিনম্র স্নিগ্ধ হাস্য, যে স্বচ্ছ সতেজ সরলতা,
সহজ সত্যের প্রভা, বিরল সংযত শাস্ত কথা,
তাই দিয়ে আববার পাই যেন তব অভ্যর্থনা
অমর্ত্যলোকেব দ্বাবে,—ব্যর্থ নাহি হোক এ কামনা ।

(আষাঢ়, ১৩২২)

৭৫ ১৭ M. ১৭ ৭ ৬১

(১০ ১০ ০০

National Library
Calcutta-27,

৪

৪৭১.৭৭১

৭৭৭৭৭
৫৮

শিলংয়ের চিঠি

শ্রীমতী শোভনা দেবী ও শ্রীমতী নলিনী দেবী—

কল্যাণীয়াশু ।

ছন্দে লেখা একটি চিঠি চেয়েছিলে মোর কাছে,
ভাবছি ব'সে, এই কলমের আর কি তেমন জোর আছে।
তরুণ বেলায় ছিলো আমার পদ্য লেখার বদ্-অভ্যাস,
মনে ছিলো হঠ বুঝি বা বাল্মীকি কি বেদব্যাস,
কিছু না হোক 'লঙ্কেলো'দের হবো আমি সমান তো,
এখন মাথা ঠাণ্ডা হ'য়ে হ'য়েছে সেই ভ্রমাস্ত্র।
এখন শুধু গদ্য লিখি, তাও আবার কদাচিৎ,
আসল ভালো লাগে খাটে থাকতে প'ড়ে সদা চিৎ।
যা-হোক একটা খ্যাতি আছে অনেক দিনের তৈরি সে,
শক্তি এখন কম প'ড়েছে তাই হ'য়েছে বৈরি সে ;
সেই সেকালের নেশা তবু মনের মধ্যে ফির্ছে তো,
নতুন যুগের লোকের কাছে বড়াই রাখার ইচ্ছে তো।
তাই বসেছি ডেস্কে আমার, ডাক দিয়েছি চাকরকে,
“কলম লে আও, কাগজ লে আও, কালী লে আও ধাঁ কর্কে।”

ভাবছি যদি তোমরা ছু'জন বছর তিরিশ পূর্বেতে
 গরজ ক'রে আস্তে কাছে, কিছু তবু স্মর পেতে।
 সেদিন যখন আজকে দিনের বাপ-খুড়ো সব নাবালক,
 বর্তমানের সুবুদ্ধিরা প্রায় ছিলো সব হাবা লোক,
 তখন যদি ব'লতে আমায় লিখতে পয়ার মিল ক'রে,
 লাইনগুলো পোকার মতো বেরতো পিল্প-পিল্প ক'রে।
 পঞ্জিকাটা মানো না কি, দিন দেখাটায় লক্ষ্য নেই ?
 লগ্নিটি সব বইয়ে দিয়ে আজ এসেছো অক্ষণেই।
 যা হোক তবু যা পারি তাই জুড়বো কথা ছন্দেতে,
 কবিত্ব-ভূত আবার এসে চাপুক আমার স্কন্ধেতে।
 শিলংগিরির বর্ণনা চাও ? আচ্ছা না হয় তাই হবে,
 উচ্চদরের কাব্যকলা না যদি হয় নাই হবে ;—
 মিল বাঁচাবো, মেনে যাবো মাত্রা দেবার বিধান তো ;
 তা'র বেশী আব ক'রলে আশা ঠক্বে এবার নিতান্ত।

* * *

গর্শ্মি যখন ছুটলো না আর পাখার হাওয়ায় সর্ব্বতে,
 ঠাণ্ডা হ'তে দৌড়ে এলুম শিলঙ নামক পর্ব্বতে।
 মেঘ-বিছানো শৈলমালা গহন ছায়া অরণ্যে
 ক্লান্ত জনে ডাক দিয়ে কয়, “কোলে আমার শরণ নে।”
 ঝরণা ঝরে কল্কলিয়ে আঁকাবাঁকা ভঙ্গীতে,
 বৃকের মাঝে কয় কথা যে সোহাগ-ঝরা সঙ্গীতে।

বাতাস কেবল ঘুরে বেড়ায় পাইন্ বনের পল্লবে,
 নিঃশ্বাসে তা'র বিষ নাশে আর অবল মানুষ বল লভে ।
 পাথর-কাটা পথ চলেছে বাঁকে বাঁকে পাক দিয়ে,
 নতুন নতুন শোভার চমক দেয় দেখা তা'র ফাঁক দিয়ে ।
 দার্জিলিঙের তুলনাতে ঠাণ্ডা হেথায় কম হবে,
 একটা খদর চাদর হ'লেই শীত-ভাঙানো সম্ভবে ।
 চেরাপুঞ্জি কাছেই বটে, নামজাদা তা'র বৃষ্টিপাত ;
 মোদের পরে বাদল মেঘের নেই ততদূর দৃষ্টিপাত ।

এখানে খুব লাগলো ভালো গাছের ফাঁকে চন্দ্রোদয়,
 আর ভালো এই হাওয়ায় যখন পাইন্-পাতার গন্ধ বয় ;
 বেশ আছি এই বনে বনে, যখন-তখন ফুল তুলি,
 নাম-না-জানা পাখী নাচে, শিষ দিয়ে যায় বুলবুলি ।
 ভালো লাগে ছপূর বেলায় মন্দমধুর ঠাণ্ডাটি,
 ভোলায় রে মন দেবদারু-বন, গিরিদেবের পাণ্ডাটি ।
 ভালো লাগে আলো-ছায়ার নানারকম আঁক কাটা,
 দিব্যি দেখায় শৈলবুকে শস্ত্র-ক্ষেতের থাক কাটা ।
 ভালো লাগে রোজ যখন পড়ে মেঘের ফন্দীতে,
 রবির সাথে ইন্দ্র মেলেন নীল সোনালীর সন্ধিতে ।
 নয় ভালো এই গুর্খাদলের কুচ্-কাওয়াজের কাণ্ডটা,
 তা ছাড়া ঐ ব্যাঙ্গপাইপ নামক বাত-ভাণ্ডটা ।
 ঘন ঘন বাজায় শিঙা—আকাশ করে সর্গরম,
 গুলিগোলার ধড়ধড়ানি, বৃকের মধ্যে থরথরম্ ।

আর ভালো নয় মোটর-গাড়ির ঘোর বেসুরো হাঁক দেওয়া,
 নিরপরাধ পদাতিকের সর্বদেহে পাঁক দেওয়া ।
 তা'ছাড়া সব পিস্তুল মাছি কাশি হাঁচি ইত্যাদি,
 কখনো বা খাওয়ার দোষে রুখে দাঁড়ায় পিস্তাদি ;
 এমনতরো ছোটখাটো একটা কিস্বা অঙ্কটা
 যৎসামান্য উপভবেব নাই বা দিলাম ফর্দটা ।
 দোষ গাইতে চাই যদি তো তাল কবা যায় বিন্দুকে ,
 মোটের উপর শিলঙ ভালোই যাই না বলুক নিন্দুকে ।
 আমার মতে জগৎটাতে ভালোটাই প্রাধান্য,—
 মন্দ যদি তিন-চল্লিশ, ভালোব সংখ্যা সাতান্ন ।
 বর্ণনাটা ক্ষান্ত কবি, অনেকগুলো কাজ বাকি,
 আছে চায়েব নেমস্তন্ন, এখনো তা'ব সাজ বাকি ।

* * * *

ছড়া কিস্বা কাব্য কভু লিখবে পবেব ফব্‌মাসে
 রবীন্দ্রনাথ ঠাকুর জেনো নয়কো তেমন শর্মা সে ।
 তথাপি এই ছন্দ ব'চে ক'রেছি কাল নষ্ট তো ;
 এইখানেতে কারণটি তা'র ব'লে বাখি স্পষ্টত,—
 তোমরা ছ'জন বয়সেতে ছোট-ই হবে বোধ করি,
 আর আমি তো পরমায়ুর ষাট দিয়েছি শোধ করি' ।

তবু আমার পক কেশের লম্বা-দাড়ির সম্মুখে
 আমাকে যে ভয় করোনি দুর্বাসা কি যম ভ্রমে,
 মোর ঠিকানায় পত্র দিতে হয়নি কলম কম্পিত,
 কবিতাতে লিখতে চিঠি ছকুম এলো লক্ষিত,
 এইটে দেখে মনটা আমার পূর্ণ হ'লো উৎসাহে,
 মনে হ'লো, বুদ্ধ আমি মন্দ লোকের কুৎসা এ।
 মনে হ'লো আজো আছে কম বয়সের রঙ্গিমা,
 জরার কোপে দাড়ি-গোঁপে হয়নি জবড়-জঙ্গিমা।
 তাই বুঝি সব ছোটো যারা তা'রা যে কোন্ বিশ্বাসে
 এক-বয়সী ব'লে আমায় চিনেছে এক নিশ্বাসে।
 এই ভাবনায় সেই হ'তে মন এম্নিতরো খুশ্ আছে,
 ডাকছে ভোলা “খাবার এলো” আমার কি আর হুঁশ আছে?
 জান্লা দিয়ে বৃষ্টিতে গা ভেজে যদি ভিজুক তো,
 ভুলেই গেলাম লিখতে নাটক আছি আমি নিযুক্ত।
 মনকে ডাকি “হে আশ্রাম, ছুটুক তোমার কবিত্ব,
 ছোট ছোট মেয়ের কাছে ফুটুক রবির রবিত্ব।”

(শিলং, ২৬ জ্যৈষ্ঠ, ১৩৩০)

যাত্রা

আগ্নিনের রাত্রিশেষে ঝরে-পড়া শিউলি-ফুলের
আগ্রহে আকুল বনতল ; তা'রা মরণকূলের
উৎসবে ছুটেছে দলে দলে ; শুধু বলে, “চলো চলো !”
অশ্রুবাষ্প-কুহেলিতে দিগন্তের চক্ষু ছলছল,
ধরিত্রীর আর্দ্রবক্ষে তৃণে তৃণে কম্পান সঞ্চারে,
তবু ওই প্রভাতের যাত্রীদল বিদায়ের দ্বারে
হাস্তমুখে উর্দ্ধপানে চায়, দেখে অরুণ-আলোর
তরণী দিয়েছে খেয়া, হংস-শুভ্র মেঘের ঝালর
দোলে তা'র চন্দ্রাতপতলে ।

ওরে, এতক্ষণে বুঝি
তার-ঝরা নির্ঝরের স্রোতঃপথে পথ খুঁজি' খুঁজি'
গেছে সাত ভাই চম্পা ; কেতকীর রেণুতে রেণুতে
ছেয়েছে যাত্রার পথ ; দিগধুর বেণুতে বেণুতে
বেজেছে ছুটির গান ; ভাঁটার নদীর ঢেউগুলি
মুক্তির কল্লোলে মাতে, নৃত্যবেগে উর্দ্ধে বাহু তুলি'
উচ্ছলিয়া বলে, “চলো, চলো ।” বাউল উত্তরে-হাওয়া

ধেয়েছে দক্ষিণ মুখে, মরণের রুদ্রনেশা-পাওয়া ;
 বাজায় অশাস্ত ছন্দে তাল-পল্লবের করতাল,
 ফুকারে বৈরাগ্যমন্ত্র ; স্পর্শে তা'র হ'য়েছে মাতাল
 প্রাস্তরের প্রাস্তে প্রাস্তে কাশের মঞ্জরী, কাঁপে তা'রা
 ভয়কুণ্ঠ উৎকণ্ঠিত স্নেহে,—বলে, বস্তু-বন্ধহারা
 যাবো উদ্দামের পথে, যাবো আনন্দিত সর্বনাশে,
 রিক্তবৃষ্টি মেঘ সাথে, সৃষ্টিছাড়া ঝড়ের বাতাসে,
 যাবো, যেথা শঙ্করের টলমল চরণ-পাতনে
 জাহ্নবীতরঙ্গমল্ল-মুখরিত তাণ্ডব-মাতনে
 গেছে উড়ে জটাজিহ্ব ধুতুরার ছিন্নভিন্ন দল,
 কক্ষচ্যুত ধূমকেতু লক্ষ্যহারা প্রলয়-উজ্জল
 আত্মঘাত-মদমত্ত আপনারে দীর্ণ কীর্ণ করে
 নিশ্চয় উল্লাস-বেগে, খণ্ড খণ্ড উদ্ধাপিণ্ড ঝরে,
 কণ্টকিয়া তোলে ছায়াপথ ।”

ওরা ডেকে বলে, “কবি,
 সে তীর্থে কি তুমি সঙ্গে যাবে, যেথা অন্তগামী রবি
 সন্ধ্যা-মেঘে রচে বেদী নক্ষত্রের বন্দনা-সভায়,
 যেথা তা'র সর্বশেষ রশ্মিটির রক্তিম জ্বায়
 সাজায় অস্তিম অর্ঘ্য ; যেথায় নিঃশব্দ বেণু-পরে
 সঙ্গীত স্তম্ভিত থাকে মরণের নিস্তর্র অধরে ?”

কবি বলে, “যাত্রী আমি, চলিব রাত্রির নিমন্ত্রণে
 যেখানে সে চিরন্তন দেয়ালের উৎসব-প্রাক্ষণে
 মৃত্যুদূত নিয়ে গেছে আমার আনন্দ দীপগুলি,
 যেথা মোর জীবনের প্রত্যাষের স্মৃগন্ধি শিউলি
 মাল্য হ’য়ে গাঁথা আছে অনন্তের অঙ্গদে কুণ্ডলে,
 ইন্দ্রাণীর স্বয়ম্বর-বরমাল্য সাথে ; দলে দলে
 যেথা মোর অকৃতার্থ আশাগুলি, অসিদ্ধ সাধনা,
 মন্দির-অঙ্গনদ্বারে প্রতিহত কত আরাধনা
 নন্দন-মন্দারগন্ধ-লুপ্ত যেন মধুকর-পাঁতি,
 গেছে উড়ি’ মর্ত্যের দুর্ভিক্ষ ছাড়ি’ ।

আমি তব সাথী,
 হে শেফালি, শরৎ-নিশির স্বপ্ন, শিশির-সিঞ্চিত
 প্রভাতের বিচ্ছেদ-বেদনা, মোর স্মৃতিসঞ্চিত
 অসমাপ্ত সঙ্গীতের ডালিখানি নিয়ে বক্ষতলে,
 সমর্পিব নির্বাকের নির্বাণ বাণীর হোমানলে ।”

(এই আশ্বিন, ১৩৩০)

তপোভঙ্গ

যৌবন-বেদনা-রসে উচ্ছল আমার দিনগুলি,
হে কালের অধীশ্বর, অস্থ-মনে গিয়েছো কি ভুলি',
হে ভোলা সন্ন্যাসী ?

চঞ্চল চৈত্রের রাতে
কিংক-মঞ্জরী মাথে
শূণ্যের অকূলে তা'রা অযত্নে গেলো কি সব ভাসি' ?
আশ্বিনের বৃষ্টি-হারা শীর্ণ-শুভ্র মেঘের ভেলায়
গেলো বিস্মৃতির ঘাটে স্বেচ্ছাচারী হাওয়ার খেলায়
নির্মম হেলায় ?

একদা সে দিনগুলি তোমার পিঙ্গল জটাজালে
শ্বেত রক্ত নীল পীত নানা পুষ্পে বিচিত্র সাজালে,
গেছে কি পাসরি' ?

দস্যু তা'রা হেসে হেসে
হে ভিক্ষুক, নিলো শেষে
তোমার ডম্বরু শিক্ষা, হাতে দিলো মঞ্জিরা, বাঁশরী ।

গন্ধ-ভারে আমত্বের বসন্তের উদ্গাদন রসে
ভরি' তব কমণ্ডলু নিমজ্জিল নিবিড় আলসে
মাধুর্য্য-রভসে ।

সেদিন তপস্বী তব অকস্মাৎ শূন্যে গেলো ভেসে
 গুরু-পত্রে ঘূর্ণ-বেগে গীত-রিক্ত হিম-মরুদেশে,
 উত্তরের মুখে ।

তব ধ্যান - মন্ত্রটিরে
 আনিল বাহির তীরে
 পুষ্প-গন্ধে লক্ষ্য-হারা দক্ষিণের বায়ুর কোতুকে ।
 সে মস্ত্রে উঠিল মাতি' সেঁউতি কাঞ্চন করবিকা,
 সে মস্ত্রে নবীন-পত্রে জ্বালি' দিলো অরণ্যবীথিকা
 শ্যাম বহিঃশিখা ।

বসন্তের বগ্না-শ্রোতে সন্ন্যাসের হ'লো অবসান ;
 জটিল জটীর বন্ধে জাহ্নবীর অশ্রু-কলতান
 গুনিলে তন্ময় ।

সেদিন ঐশ্বর্য্য তব
 উন্মেষিল নব নব,
 অন্তরে উদ্বেল হ'লো আপনাতে আপন বিস্ময় ।
 আপনি সন্ধান পেলে আপনার সৌন্দর্য্য উদার,
 আনন্দে ধরিলে হাতে জ্যোতির্ম্ময় পাত্রটি সুধার
 বিশ্বের ক্ষুধার ।

সেদিন, উন্মত্ত তুমি, যে নৃত্যে ফিরিলে বনে বনে
সে নৃত্যের ছন্দে-লয়ে সঙ্গীত রচিলু ক্ষণে ক্ষণে
তব সঙ্গ ধ'রে ।

ললাটের চন্দ্রালোকে
নন্দনের স্বপ্ন-চোখে
নিত্য-নৃতনের লীলা দেখেছিছু চিত্ত মোর ভ'রে ।

দেখেছিছু সুন্দরের অন্তর্লীন হাসির রঙ্গিমা,
দেখেছিছু লজ্জিতের পুলকের কুণ্ঠিত ভঙ্গিমা,
রূপ-তরঙ্গিমা ।

সেদিনের পান-পাত্র, আজ তা'র ঘুচালে পূর্ণতা ?
মুছিলে, চুষন-রাগে চিহ্নিত বক্ষিম রেখা-লতা
রক্তিম অঙ্কনে ?

অগীত সঙ্গীত-ধার,
অশ্রুর সঞ্চয়-ভার
অযত্নে লুপ্তিত সে কি ভগ্নভাণ্ডে তোমার অঙ্কনে ?
তোমার তাণ্ডব নৃত্যে চূর্ণ চূর্ণ হ'য়েছে সে ধূলি ?
নিঃস্ব কাল-বৈশাখীর নিশ্বাসে কি উঠিছে আকুলি'
লুপ্ত দিনগুলি ?

নহে নহে, আছে তা'রা ; নিয়েছো তা'দের সংহরিয়
নিগূঢ় ধ্যানের রাত্রে, নিঃশব্দের মাঝে সম্বরিয়া
রাখো সঙ্গোপনে ।

তোমার জটায় হারা
গঙ্গা আজ শাস্ত-ধারা,
তোমার ললাটে চন্দ্র গুপ্ত আজি সুপ্তির বন্ধনে ।
আবার কি লীলাচ্ছলে অকিঞ্চন সেজেছো বাহিরে ।
অন্ধকারে নিঃস্বনিছে যত দূবে দিগন্তে চাহি রে—
“নাহি রে ! নাহি রে !”

কালের রাখাল তুমি, সঙ্ক্যায় তোমার শিক্ষা বাজে,
দিন-ধেমু ফিরে আসে স্তব্ধ তব গোষ্ঠগৃহ-মাঝে,
উৎকণ্ঠিত বেগে ।

নির্জ্জন প্রান্তর-তলে
আলোয়ার আলো জ্বলে,
বিদ্যুৎ-বহির সর্প হানে ফণা যুগান্তের মেঘে ।

চঞ্চল মুহূর্ত্ত যত অন্ধকারে দুঃসহ নৈরাশে
নিবিড় নিবন্ধ হ'য়ে তপস্কার নিরুদ্ধ নিঃশ্বাসে
শাস্ত হ'য়ে আসে ।

জানি জানি, এ তপস্যা দীর্ঘরাত্রি করিছে সন্ধান
চঞ্চলের নৃত্যশ্রোতে আপন উন্মত্ত অবসান
দুরন্ত উল্লাসে ।

বন্দী যৌবনের দিন
আবার শৃঙ্খলহীন
বারে বারে বাহিরিবে ব্যগ্র বেগে উচ্চ কলোচ্ছ্বাসে ।
বিজ্রোহী নবীন বীর, স্থবিরের শাসন-নাশন,
বারে বারে দেখা দিবে ; আমি রচি তা'রি সিংহাসন,
তা'রি সম্ভাষণ ।

তপোভঙ্গ দূত আমি মহেশ্বের, হে ঋজু সন্ন্যাসী,
স্বর্গের চক্রান্ত আমি । আমি কবি যুগে যুগে আসি
তব তপোবনে ।

হুর্জয়ের জয়-মালা
পূর্ণ করে মোর ডালা,
উদ্দামের উতরোল বাজে মোর হৃন্দের ক্রন্দনে ।
ব্যথার প্রলাপে মোর গোলাপে গোলাপে জাগে বানী,
কিশলয়ে কিশলয়ে কৌতুহল-কোলাহল আনি'
মোর গান হানি' ।

হে গুরু বঙ্কলধারী বৈরাগী, ছলনা জানি সব,
সুন্দরের হাতে চাও আনন্দে একান্ত পরাভব
ছদ্ম-রণ-বেশে ।

বারে বারে পঞ্চশরে
অগ্নিতেজে দক্ষ ক'রে
দ্বিগুণ উজ্জ্বল করি' বাবে বারে বাঁচাইবে শেষে ।

বারে বারে তা'রি তূণ সম্মোহনে ভরি' দিব ব'লে
আমি কবি সঙ্গীতের ইন্দ্রজাল নিয়ে আসি চ'লে
মৃত্তিকার কোলে ।

জানি জানি, বারম্বার প্রেয়সীর পীড়িত প্রার্থনা
শুনিয়া জাগিতে চাও আচম্বিতে, ওগো অশ্রু-মনা,
নূতন উৎসাহে ।

তাই তুমি ধ্যানচ্ছলে
বিলীন বিরহ - তলে,
উমাকে কাঁদাতে চাও বিচ্ছেদের দীপ্তদুঃখ-দাহে ।

ভগ্ন - তপস্তার পরে মিলনের বিচিত্র সে ছবি
দেখি আমি যুগে যুগে, বীণা-তন্ত্রে বাজাই ভৈরবী,
আমি সেই কবি ।

আমারে চেনে না তব শ্মশানের বৈরাগ্য-বিলাসী,
 দারিদ্র্যের উগ্র দর্পে খলখল ওঠে অট্টহাসি
 দেখে মোর সাজ ।

হেন কালে মধুমাসে
 মিলনের লগ্ন আসে,
 উমার কপোলে লাগে স্নিতহাস্য-বিকশিত লাজ ।
 সেদিন কবিরে ডাকে। বিবাহের যাত্রা-পথ-তলে,
 পুষ্প-মালা-মাকুল্যের সাজি ল'য়ে, সপ্তর্ষির দলে
 কবি সঙ্গে চলে ।

ভৈরব, সেদিন তব প্রেতসঙ্গীদল রক্ত-আঁখি
 দেখে তব শুভ্রতনু রক্তাংগকে রহিয়াছে ঢাকি,
 প্রাতঃসূর্য্য-রুচি ।

অস্থি-মালা গেছে খুলে
 মাধবী-বল্লরী মূলে,
 ভালে মাখা পুষ্পরেণু, চিতাভস্ম কোথা গেছে মুছি' ।
 কোতুকে হাসেন উমা কটাক্ষে লক্ষ্মিয়া কবি পানে ;
 সে হাস্তে মন্জিল বাঁশি সুন্দরের জয়ধ্বনি-গানে
 কবির পরাণে ।

(* কাঙ্ক্ষিক, ১৩৩০)

ভাঙা মন্দির

(১)

পুণ্য-লোভীর নাই হ'লো ভীড়
শূন্য তোমার অঙ্গনে,
জীর্ণ হে তুমি দীর্ঘ দেবতালয় ।

অর্ঘ্যের আলো নাই বা সাজালো
পুষ্প প্রদীপে চন্দনে,
যাত্রীবা তব বিস্মৃত-পরিচয় ।

সম্মুখ পানে দেখো দেখি চেয়ে,
ফাক্তনে তব প্রাঙ্গণ ছেয়ে
বন-ফুলদল ঐ এলো ধেয়ে
উল্লাসে চারিধারে ।

দক্ষিণ বায়ে কোন্ আহ্বান
শূন্যে জাগায় বন্দনা গান,
কি খেয়া-তরীর পায় সন্ধান
আসে পৃথ্বীর পারে ?

গন্ধের থালি বর্ণের ডালি
 আনে নির্জন অঙ্গনে,
 জীর্ণ হে তুমি দীর্ণ দেবতালয়,
 বকুল শিমুল আকন্দ ফুল
 কাঞ্চন জবা রঙ্গনে
 পূজা-তরঙ্গ ছলে অম্বর-ময় ।

(২)

প্রতিমা না হয় হ'য়েছে চূর্ণ,
 বেদীতে না হয় শূন্যতা,
 জীর্ণ হে তুমি দীর্ণ দেবতালয়,
 না হয় ধূলায় হ'লো লুপ্তিত
 আছিলো যে চূড়া উন্নতা,
 সজ্জা না থাকে কিসের লজ্জা ভয় ?
 বাহিরে তোমার ঐ দেখো ছবি,
 ভগ্ন-ভিত্তি-লগ্ন মাধবী,
 নীলাম্বরের প্রাঙ্গণে রবি
 হেরিয়া হাসিছে স্নেহে ।

বাতাসে পুলকি' আলোকে আকুলি'
 আন্দোলি' উঠে মঞ্জরী গুলি,
 নবীন প্রাণের হিল্লোল তুলি'
 প্রাচীন তোমার গেহে ।

সুন্দর এসে ঐ হেসে হেসে
 ভরি' দিলো তব শূন্যতা,
 জীর্ণ হে তুমি দীর্ণ দেবতালয় ।
 ভিত্তি রক্তে বাজে আনন্দে
 ঢাকি' দিয়া তব ক্ষুধতা
 রূপের শব্দে অসংখ্য জয় জয় ।

(৩)

সেবার গ্রহরে নাই আসিল রে
 যত সন্ন্যাসী সজ্জনে,
 জীর্ণ হে তুমি দীর্ণ দেবতালয়,
 নাই মুখরিল পার্বণ-ক্ষণ
 ঘন জনতার গর্জনে,
 অতিথি-ভোগের না রহিল সঞ্চয় ।

পূজার মঞ্চে বিহঙ্গ-দল
 কুলায় বাঁধিয়া করে কোলাহল,
 তাই তো হেথায় জীব-বৎসল
 আসিছেন ফিরে ফিরে ।

নিত্য সেবার পেয়ে আয়োজন
 তৃপ্ত পরাণে করিছে কুজন,
 উৎসব-রসে সেই তো পূজন
 জীবন - উৎস তীরে ।

নাইকো দেবতা ভেবে সেই কথা
 গেলো সন্ন্যাসী সজ্জনে,
 জীর্ণ হে তুমি দীর্ণ দেবতালয় ।

সেই অবকাশে দেবতা যে আসে,—
 প্রসাদ - অমৃত - মজ্জনে
 স্থলিত ভিত্তি হ'লো যে পুণ্যময় ॥

(* মাঘ, ১৩৩০)

আগমনী

মাঘের বকে সকৌতুকে কে আজি এলো, তাহা
বুঝিতে পারো তুমি ?
শোনোনি কানে, হঠাৎ গানে কহিল, “আহা, আহা,”
সকল বনভূমি ?
শুষ্ক জরা পুষ্প-ঝরা ,
হিমের বায়ে কাঁপন-ধরা
শিথিল মস্তুর ;
“কে এলো” বলি’ তরাসি’ উঠে শীতের সহচর ।
গোপনে এলো, স্বপনে এলো, এলো সে মায়া-পথে,
পায়ের ধ্বনি নাহি ।
ছায়াতে এলো, কায়াতে এলো, এলো সে মনোরথে
দখিন-হাওয়া বাহি’ ।

অশোক-বনে নবীন পাতা
 আকাশ পানে তুলিল মাথা,
 কহিল, “এসেছো কি ?”
 মর্ম্মরিয়া থরথর কাঁপিল আমলকী ।

কাহারে চেয়ে উঠিল গেয়ে দোয়েল চাঁপা-শাখে
 “শোনো গো, শোনো শোনো ।”
 শামা না জানে প্রভাতী-গানে কি নামে তা’রে ডাকে
 আছে কি নাম কোনো ?
 কোকিল শুধু মুহুমুহু
 আপন মনে কুহরে কুহু
 ব্যথায় ভরা বাণী ।
 কপোত বুঝি শুধায় শুধু, “জানি কি, তা’রে জানি ?”
 আমারে বোলে কী কলরোলে সুবাস ওঠে মাতি’
 অসহ উচ্ছ্বাসে ।
 আপন মনে মাধবী ভণে কেবলি দিবারাতি,
 “মোরে সে ভালোবাসে !”
 অধীর হাওয়া নদীর পারে
 ক্ষ্যাপার মতো কহিছে কা’রে
 “বলো তো কী যে করি ?”
 শিহরি’ উঠি’ শিরীষ বলে, “কে ডাকে মরি, মরি !”

কেন যে আজি উঠিল বাজি' আকাশ-কাঁদা বাঁশী

জানিস তাহা নাকি ?

বউন যত মেঘেব মতো কী যায় মনে ভাসি'

কেন যে থাকি' থাকি' ?

অবুঝ তোবা, তাহাবে বুঝি

দূবেব পানে ফিবিস খুঁজি' ;

বাহিবে আঁখি বাঁধা,

প্রাণেব মাঝে চাহিস না যে তাই তো লাগে ধাঁধা ।

পুলকে-কাঁপা কনক-চাঁপা বৃকেব মধু-কোষে

পেয়েছে দ্বাব নাড়া,

এমন ক'রে কুঞ্জ ভ'বে সহজে তাই তো সে

দিয়েছে তা'বি সাড়া ।

সহসা বন-মল্লিকা যে

পেয়েছে তা'বে আপন মাঝে,

ছুটিয়া দলে দলে

“এই যে তুমি, এই যে তুমি” আঙুল তুলে বলে ।

পেয়েছে তা'বা, গেয়েছে তা'বা জেনেছে তা'বা সব

আপন মাঝখানে,

তাই এ শীতে জাগালো গীতে বিপুল কলরব

দ্বিধা-বিহীন তানে ।

ওদের সাথে জাগ্ রে কবি,
 হ্রৎকমলে দেখ্ সে ছবি,
 ভাঙ্ক মোহ-ঘোর ।
 বনের তলে নবীন এলো, মনের তলে তোর ।
 আলোতে তোরে দিক না ভ'রে ভোরের নব রবি,
 বাজ্ রে বীণা, বাজ্ ।
 গগন-কোলে হাওয়ার দোলে ওঠ্ রে ছলে, কবি,
 ফুরালো তোর কাজ ।
 বিদায় নিয়ে যাবার আগে
 পড়ুক টান ভিতর বাগে,
 বাহিরে পাস ছুটি ।
 প্রেমের ডোরে বাঁধুক তোরে বাঁধন যাক টুটি' ॥

(* মাঘ, ১৩৩০)

উৎসবের দিন

ভয় নিত্য জেগে আছে প্রেমের শিয়র-কাছে,
মিলন-সুখের বক্ষোমাঝে ।
আনন্দেরে হৃৎস্পন্দনে আন্দোলিছে ক্ষণে-ক্ষণে
বেদনার রুদ্র দেবতা যে !
তাই আজ উৎসবের ভোর-বেলা হ'তে
বাষ্পাকুল অরুণের করুণ আলোতে
উল্লাস-কল্লোলতলে ভৈরবী রাগিণী কেঁদে বাজে
মিলন-সুখের বক্ষোমাঝে ।

নবীন পল্লব-পুটে মর্শ্বরি' মর্শ্বরি' উঠে
দূর বিরহের দীর্ঘশ্বাস ;
ঊষার সীমন্তে লেখা উদয়-সিন্দূর-রেখা
মনে আনে সন্ধ্যার আকাশ ।

আত্মের মুকুল-গন্ধে ব্যাকুল কী সুর
 অরণ্য-ছায়ার হিয়া করিছে, বিধুর ;
 অশ্রুর অশ্রুত-ধ্বনি ফাস্কনের মর্মে করে বাস,
 দূর বিরহের দীর্ঘশ্বাস ।

দিগন্তের স্বর্ণদ্বারে কতবার বারে বারে
 এসেছিলো সৌভাগ্য-লগন ।
 আশার লাভণ্যেভরা জেগেছিলো বসুন্ধরা,
 হেসেছিলো প্রভাত-গগন ।
 কত না উৎসুক-বুকে পথ-পানে ধাওয়া,
 কত না চকিতচক্ষে প্রতীক্ষার চাওয়া
 বারেবারে বসন্তেরে ক'রেছিলো চাঞ্চল্যে-মগন,
 এসেছিলো সৌভাগ্য-লগন ।

আজ উৎসবের সুরে তা'রা মরে ঘুরে ঘুরে,
 বাতাসেরে করে যে উদাস ।
 তা'দের পরশ পায়, কি মায়াতে ভ'রে যায়
 প্রভাতের স্নিগ্ধ অবকাশ ।
 তা'দের চমক লাগে চম্পক-শাখায়,
 কাঁপে তা'রা মোমাছির গুঞ্জিত পাখায়,
 সেতারের তারে তারে মূর্ছনায় তা'দের আভাস
 বাতাসেরে করিল উদাস ।

কালশ্রোতে এ অকূলে আলোচ্ছায়া ছলে ছলে
 চলে নিত্য অজানার টানে।
 বাঁশি কেন রহি' রহি' সে আহ্বান আনে বহি'
 আজি এই উল্লাসের গানে ?
 চঞ্চলেরে শুনাইছে স্তব্ধতার ভাষা,
 যার রাত্রি-নীড়ে আসে যত শঙ্কা আশা।
 বাঁশি কেন প্রশ্ন কবে, “বিশ্ব কোন্ অনন্তের পানে
 চলে নিত্য অজানার টানে ?”

যায় যাক, যায় যাক, আশুক দূরের ডাক,
 যাক ছিঁড়ে সকল বন্ধন।
 চলার সংঘাত-বেগে সঙ্গীত উঠুক জেগে
 আকাশের হৃদয়-নন্দন।
 মুহূর্তের নৃত্য-চ্ছন্দে ক্ষণিকের দল
 যাক পথে মত্ত হ'য়ে বাজায়ে মাদল ;
 অনিত্যের শ্রোত বেয়ে যাক ভেসে হাসি ও ক্রন্দন,
 যাক ছিঁড়ে সকল বন্ধন।

(ফাল্গুন, ১৩৩০)

গানের সাজি

গানের সাজি এনেছি আজি
ঢাকাটি তা'র লও গো খুলে
দেখো তো চেয়ে কী আছে।
যে থাকে মনে স্বপন-বনে
জায়ার দেশে ভাবের কূলে
সে বুঝি কিছু দিয়াছে।
কী যে সে তাহা আমি কী জানি,
ভাষায় চাপা কোন্ সে বাণী
সুরের ফুলে গন্ধ খানি
ছন্দে বাঁধি' গিয়াছে,
সে ফুল বুঝি হ'য়েছে পুঁজি,
দেখো তো চেয়ে কী আছে।

দেখো তো, সখি, দিয়েছে ও কি
 সুখের কাঁদা ছুখের হাসি,
 ছুরাশা-ভরা চাহনি ?
 দিয়েছে কি না ভোরের বীণা,
 দিয়েছে কি সে রাতের বাঁশি
 গহন-গান-গাহনি ?
 বিপুল ব্যথা ফাণ্ডন-বেলা,
 সোহাগ কভু, কভু বা হেলা,
 আপন মনে আণ্ডন-খেলা
 পরাণমন-দাহনি,---
 দেখো তো ডালা, সে স্মৃতি-ঢালা
 আছে আকুল চাহনি ?

ডেকেছ কবে মধুর রবে
 মিটালে কবে প্রাণের ক্ষুধা
 তোমার কর-পরশে,
 সহসা এসে করুণ হেসে
 কখন চোখে ঢালিলে সুধা
 ক্ষণিক তব দরশে,—

বাসনা জাগে নিভুতে চিতে
 সে সব দান ফিরায়ে দিতে
 আমার দিন-শেষের গীতে ;
 সফল তা'রে করো সে !
 গানের সাজি খোলো গো আজি
 করুণ কর-পরশে ।

রসে বিলীন সে সব দিন
 ভ'রেছে আজি বরণ ডালা
 চরম তব বরণে ।
 সুরের ডোরে গাঁথনি ক'রে
 রচিয়া মম বিরহ মালা
 রাখিয়া যাবো চরণে ।
 একদা তব মনে না র'বে,
 স্বপনে এরা মিলাবে কবে,
 তাহারি আগে মরুক তবে
 অমৃতময় মরণে
 ফাগুনে তোরে বরণ ক'রে
 সকল শেষ বরণে ॥

(ফাগুন, ১৩৩০)

লীলা-সঙ্গিনী

ছয়ার-বাহিরে যেমনি চাহি বে
মনে হ'লো যেন চিনি,—
কবে, নিকপমা, ওগো প্রিয়তমা,
ছিলে লীলা-সঙ্গিনী ?
কাজে ফেলে মোরে চ'লে গেলে কোন দূরে,
মনে প'ড়ে গেলো আজি বুঝি বন্ধুবে ?
ডাকিলে আবার কবেকাল চেনা স্মুবে—
বাজাইলে কিঙ্কিনী ।
বিস্মরণের গোধূলি-ক্ষণেব
আলোতে তোমারে চিনি ।

এলোচুলে ব'হে এনেছো কি মোহে

সেদিনের পরিমল ?

বকুল-গন্ধে আনে বসন্ত

কবেকার সম্বল ?

চৈত্র-হাওয়ায় উতলা কুঞ্জ-মাঝে

চারু চরণের ছায়া-মঞ্জীর বাজে,

সে-দিনের তুমি এলে এ-দিনের সাজে

ওগো চিরচঞ্চল ।

অঞ্চল হ'তে ঝরে বায়ুশ্রোতে

সেদিনের পরিমল ।

মনে আছে সে কি সব কাজ, সখি,

ভুলায়েছো বারে বারে ।

বন্ধ ছয়ার খুলেছো আমার

কঙ্কণ - ঝঙ্কারে ।

ইসারা তোমার বাতাসে বাতাসে ভেসে

ঘুরে ঘুরে যেতো মোর বাতায়নে এসে,

কখনো আমার নব মুকুলের বেশে,

কভু নব মেঘ-ভারে ।

চকিতে চকিতে চল-চাহনিতে

ভুলায়েছো বারে বারে ।

নদী কূলে কূলে কল্লোল তুলে
 গিয়েছিলে ডেকে ডেকে ।
 বনপথে আসি' করিতে উদাসী
 কেতকীর রেণু মেখে ।
 বর্ষা-শেষের গগন কোণায় কোণায়,
 সন্ধ্যা-মেঘের পুঞ্জ সোণায় সোণায়
 নির্জ্বল ক্ষণে কখন অত্ন-মনায়
 ছুঁয়ে গেছো থেকে থেকে ।
 কখনো হাসিতে কখনো বাঁশিতে
 গিয়েছিলে ডেকে ডেকে ।

কি লক্ষ্য নিয়ে এসেছো এ বেলা
 কাজেব কক্ষ-কোণে ?
 সাথী খুঁজিতে কি ফিরিছো একেলা
 তব খেলা-প্রাঙ্গণে ?
 নিয়ে যাবে মোবে নীলাশ্বরের তলে
 ঘর-ছাড়া যত দিশা-হারাদের দলে,
 অযাত্রা পথে যাত্রী যাহারা চলে
 নিষ্ফল আয়োজনে ?
 কাজ ভোলাবারে ফেরো বারে বারে
 কাজের কক্ষ-কোণে !

আবার সাজাতে হবে আভরণে
 মানস প্রতিমাগুলি ?
 কল্লনা-পটে নেশার বরণে
 বুলাবো রসের তুলি ?
 বিবাগী মনের ভাবনা ফাগুন-প্রাতে
 উড়ে চ'লে যাবে উৎসুক বেদনাতে,
 কল-গুঞ্জিত মৌমাছিদের সাথে
 পাখায় পুষ্পধূলি ।
 আবার নিভুতে হবে কি রচিতে
 মানস প্রতিমাগুলি ?

দেখো না কি, হায়, বেলা চ'লে যায়—
 সারা হ'য়ে এলো দিন ।
 বাজে পূরবীর ছন্দে রবির
 শেষ রাগিণীর বীণ ।
 এত দিন হেথা ছিনু আমি পরবাসী,
 হারিয়ে ফেলেছি সে-দিনের সেই বাঁশি,
 আজ সন্ধ্যায় প্রাণ ওঠে নিঃশ্বাসি'
 গানহারা উদাসীন ।
 কেন অবেলায় ডেকেছে খেলায়,
 সারা হ'য়ে এলো দিন ।

এবার কি তবে শেষ খেলা হবে
 নিশীথ-অঙ্ককারে ?
 মনে মনে বৃষ্টি হবে খোঁজাখুঁজি
 অমাবস্তার পারে ?
 মালতী-লতায় যাহারে দেখেছি প্রাতে
 তারায় তারায় তা'রি লুকাচুরি রাতে ?
 সুর বেজেছিলো যাহার পরশ-পাতে
 নীরবে লভিব তা'রে ?
 দিনের ছুরাশা স্বপনের ভাষা
 রচিবে অঙ্ককারে ?

যদি রাত হয়—না করিব ভয়,—
 চিনি যে তোমারে চিনি।
 চোখে নাই দেখি, তবু ছলিবে কি,
 হে গোপন-রঙ্গিনী ?
 নিমেষে অঁচল ছুঁয়ে যায় যদি চ'লে
 তবু সব কথা যাবে সে আমায় ব'লে,
 তিমিরে তোমার পরশ-লহরী দোলে
 হে রস-তরঙ্গিনী !
 হে আমার প্রিয়, আবার ভুলিয়ো,
 চিনি যে তোমারে চিনি।

(ফাল্গুন, ১৩৩০)

শেষ অর্ঘ্য

যে তারা মহেন্দ্রক্ষেপে প্রত্যাষ বেলায়
প্রথম গুনালো মোরে নিশান্তের বাণী
শান্তমুখে ; নিখিলের আনন্দ মেলায়
স্নিগ্ধকণ্ঠে ডেকে নিয়ে এলো ; দিলো আনি'
ইন্দ্রাণীর হাসিখানি দিনের খেলায়
প্রাণের প্রাক্ষণে ; যে সুন্দরী, যে ক্ষণিকা
নিঃশব্দ চরণে আসি', কম্পিত পরশে
চম্পক অঙ্গুলি-পাতে তন্দ্রা-যবনিকা
সহাস্ত্রে সরায়ে দিলো, স্বপ্নের আলসে
ছোঁয়ালো পরশমণি জ্যোতির কণিকা ;
অন্তরের কণ্ঠহারে নিবিড় হরষে
প্রথম ছুলায়ে দিলো রূপের মণিকা ;
এ-সন্ধ্যার অন্ধকারে চলিছু খুঁজিতে,
সঙ্কিত অশ্রুর অর্ঘ্যে তাহারে পূজিতে ।

(ফাল্গুন, ১৩৩০)

বেঠিক পথের পথিক

বেঠিক পথের পথিক আমার
অচিন সে জন রে।
চকিত চলার ক্বচিৎ হাওয়ায়
মন কেমন করে।
নবীন চিকন অশথ পাতায়,
আলোর চমক কানন মাতায়,
যে রূপ জাগায় চোখের আগায়
কিসের স্বপন সে।
কী চাই, কী চাই, বচন না পাই
মনের মতন রে।

অচিন বেদন আমার ভাষায়
 মিশায় যখন রে
 আপন গানের গভীর নেশায়
 মন কেমন করে।
 তরল চোখের তিমির তারায়
 যখন আমার পরাণ হারায়
 বাজায় সেতার সেই অচেনার
 মায়ার স্বপন যে।
 কী চাই, কী চাই, স্মর যে না পাই
 মনের মতন রে।

হেলায় খেলায় কোন অবেলায়
 হঠাৎ মিলন রে।
 স্মৃতির দুখের দুয়ের মেলায়
 মন কেমন করে।
 বাঁধুর বাহুর মধুর পরশ
 কায়ায় জাগায় মায়ার হরষ,
 তাহার মাঝার সেই অচেনার
 চপল স্বপন যে,
 কী চাই, কী চাই, বাঁধন না পাই
 মনের মতন রে।

প্রিয়ার হিয়ার ছায়ায় মিলায়
 অচিন সে জন যে ।
 ছুঁই কি না ছুঁই বৃষ্টি না কিছুই
 মন কেমন করে ।
 চরণে তাহার পরাণ বুলাই
 অরূপ দোলায় রূপেরে ছুলাই ;
 আঁখির দেখায় আঁচল ঠেকায়
 অধরা স্বপন যে ।
 চেনা অচেনায় মিলন ঘটায়
 মনেব মতন রে ।

(ফাল্গুন, ১৩৩০)

বকুল-বনের পাখী

শোনো শোনো ওগো, বকুল-বনের পাখী,
দেখো তো, আমায় চিনিতে পারিবে না কি ?
নই আমি কবি, নই জ্ঞান-অভিমানী,
মান অপমান কি পেয়েছি নাহি জানি,
দেখেছো কি মোর দূরে-যাওয়া মনখানি,
উড়ে-যাওয়া মোর আঁখি ?
আমাতে কি কিছু দেখেছো তোমারি সম,
অসীম - নীলিমা - তিয়াষী বন্ধু মম ?

শোনো শোনো ওগো, বকুল-বনের পাখী,
কবে দেখেছিলে মনে পড়ে সে কথা কি ?
বালক ছিলাম, কিছু নহে তা'র বাড়া,
রবির আলোর কোলেতে ছিলাম ছাড়া,
চাঁপার গন্ধ বাতাসের প্রাণ-কাড়া
যেতো মোরে ডাকি' ডাকি' ।
সহজ রসের ঝরনা-ধারার পরে
গান ভাসাতেম সহজ সুখের ভরে ।

শোনো শোনো, ওগো বকুল-বনের পাখী,
 কাছে এসেছিছু ভুলিতে পারিবে তা কি ?
 নগ্ন পরাণ ল'য়ে আমি কোন সুখে
 সারা আকাশের ছিনু যেন বুকে বুকে,
 বেলা চ'লে যেতো অবিরত কোঁতুকে
 সব কাজে দিয়ে ফাঁকি।
 শ্রামলা ধরার নাড়ীতে যে তাল বাজে
 নাচিত আমাব অধীর মনের মাঝে।

শোনো শোনো, ওগো বকুল-বনের পাখী,
 দূরে চ'লে এলু, বাজে তা'র বেদনা কি ?
 আষাঢ়ের মেঘ রহে না কি মোরে চাহি' ?
 সেট নদী যায় সেই কলতান গাহি',—
 তাহার মাঝে কি আমার অভাব নাহি ?
 কিছু কি থাকে না বাকি ?
 বালক গিয়েছে হারায়, সে কথা ল'য়ে
 কোনো আঁখিজল যায়নি কোথাও বয়ে ?

শোনো শোনো, ওগো বকুল-বনের পাখী,
 আর বার তা'রে ফিরিয়া ডাকিবে না কি ?

যায়নি সে-দিন যে-দিন আমারে টানে,
 ধরার খুসিতে আছে সে সকল খানে ;
 আজ বেঁধে দাও আমার শেষের গানে
 তোমার গানের রাখী ।
 আবার বারেক ফিরে চিনে লও মোরে,
 বিদায়ের আগে লও গো আপন ক'রে ।

শোনো শোনো, ওগো বকুল-বনের পাখী,
 সে-দিন চিনেছো, আজিও চিনিবে না কি ?
 পার-ঘাটে যদি যেতে হয় এইবার,
 খেয়াল-খেয়ায় পাড়ি দিয়ে হবো পার,
 শেষের পেয়ালা ভ'রে দাও, হে আমার
 সুরের সুরার সাকী ।
 আর কিছু নই, তোমারি গানের সাথী,
 এই কথা জেনে আসুক ঘুমের রাতি ।

শোনো শোনো, ওগো বকুল-বনের পাখী,
 মুক্তির টীকা ললাটে দাও তো আঁকি' ।
 যাবার বেলায় যাবো না ছদ্মবেশে,
 খ্যাতির মুকুট খ'সে যাক নিঃশেষে,

কর্মের এই বর্ষ যাক না ফেঁসে,
কীর্ত্তি যাক না ঢাকি'।
ডেকে লও মোরে নাম-হারাদের দলে
চিহ্ন-বিহীন উধাও পথের তলে।

শোনো শোনো, ওগো বকুল-বনের পাখী,
যাই যবে যেন কিছুই না যাই বাখি'।
ফুলের মতন সাঁঝে পড়ি যেন ঝ'রে,
তারার মতন যাই যেন রাত ভোরে,
হাওয়ার মতন বনের গন্ধ হ'বে
চ'লে যাই গান হাঁকি'।
বেণুপল্লব - মর্ম্মর - রব সনে
মিলাই যেন গো সোনার গোধূলি-থনে ॥

(ফাস্তন, ১৩৩০)

সাবিত্রী

ঘন অশ্রুবাশ্পে ভরা মেঘের দুর্ঘ্যোগে খড়্গা হানি'
ফেলো, ফেলো টুটি' ।
হে সূর্য্য, হে মোর বন্ধু, জ্যোতির কনক পদ্মখানি
দেখা দিক ফুটি' ।
বহি-বীণা বক্ষে ল'য়ে, দীপ্ত কেশে, উদ্বোধিনী বাণী
সে পদ্মের কেন্দ্রমাঝে নিত্য রাজে, জানি তা'রে জানি ।
মোর জন্ম-কালে
প্রথম প্রত্যাষে মম তাহারি চুস্বন দিলে আনি'
আমার কপালে ।

সে চুস্বনে উচ্ছলিল জ্বালাব তরঙ্গ মোর প্রাণে,
অগ্নির প্রবাহ ।
উচ্ছসি উঠিল মল্লি' বারম্বার মোর গানে গানে
শাস্তিহীন দাহ ।
ছন্দের বস্ত্রায় মোর রক্ত নাচে সে চুস্বন লেগে,
উন্মাদ সঙ্গীত কোথা ভেসে যায় উদ্দাম আবেগে,
আপনা-বিস্মৃত ।
সে চুস্বন-মস্ত্রে বক্ষে অজানা ক্রন্দন উঠে জেগে
ব্যথায় বিন্মিত ॥

তোমার হোমাগ্নি মাঝে 'আমাব সত্যের আছে' ছবি,
 তা'রে নমো নমঃ ।
 তমিস্র সুপ্তিব কূলে যে বংশী বাজাও, আদি কবি,
 ধ্বংস করি' তমঃ ,
 সে বংশী আমারি চিত্ত, বস্ত্রে তা'রি উঠিছে গুঞ্জরি'
 মেঘে মেঘে বর্ণচ্ছটা, কুঞ্জে কুঞ্জে মাধবী মঞ্জরী,
 নির্ঝরে কল্লোল ।
 তাহারি ছন্দের ভঙ্গে সর্ব অঙ্গে উঠিছে সঞ্চরি'
 জীবন হিল্লোল ॥

এ প্রাণ তোমারি এক ছিন্ন তান, সুবেব তরণী ;
 আয়ুশ্রোত-মুখে
 হাসিয়া ভাসায়ে দিলে লীলাচ্ছলে,—কৌতুকে ধরণী
 বেঁধে নিলো বৃকে ।
 আশ্বিনের রৌদ্রে সেই বন্দী প্রাণ হয় বিক্ষুরিত
 উৎকণ্ঠার বেগে, যেন শেফালির শিশির-চ্ছুরিত
 উৎসুক আলোক ।
 তরঙ্গ - হিল্লোলে নাচে রশ্মি তব, বিশ্বয়ে পূরিত
 করে মুগ্ধ চোখ ॥

তেজের ভাণ্ডার হ'তে কি আমাতে দিয়েছো যে ভ'রে
 কেই-বা সে জানে ?
 কি জাল হ'তেছে বোনা স্বপ্নে স্বপ্নে নানা বর্ণডোরে
 মোর গুপ্ত-প্রাণে ?
 তোমার দূতীরা আঁকে ভুবন-অঙ্গনে আলিঙ্গনা ;
 মুহূর্তে সে ইন্দ্রজাল অপরূপ রূপের কল্পনা
 মুছে যায় স'রে ।
 তেমনি সহজ হোক হাসি কান্না ভাবনা বেদনা,
 না বাঁধুক মোরে ॥

তা'রা সবে মিলে থাক অরণ্যের স্পন্দিত পল্লবে,
 শ্রাবণ বর্ষণে ;
 যোগ দিক নির্ঝরার মঞ্জীর - গুঞ্জন - কলরবে
 উপল ঘর্ষণে ।
 ঝঙ্কার মদিরা-মত্ত বৈশাখের তাণ্ডব লীলায়
 বৈরাগী বসন্ত যবে আপনাব বৈভব বিলায়,
 সঙ্গে যেন থাকে ।
 তা'র পরে যেন তা'রা সর্বহারা দিগন্তে মিলায়,
 চিহ্ন নাহি রাখে ॥

হে রবি, প্রাক্‌গে তব শরতের সোনার বাঁশিতে
 জাগিল মূর্ছনা ।
 আলোতে শিশিরে বিশ্ব দিকে দিকে অশ্রুতে হাসিতে
 চঞ্চল উদ্মনা ।
 জানি না কি মত্ততায়, কি আস্থানে আমার রাগিণী
 ধেয়ে যায় অত্মমনে শূণ্যপথে হ'য়ে বিবাগিনী,
 ল'য়ে তা'র ডালি ।
 সে কি তব সভাস্থলে স্বপ্নাবেশে চলে একাকিনী
 আলোর কাঙালী ?

দাও, খুলে দাও দ্বার, ওই তা'র বেলা হ'লো শেষ,
 বুকে লও তা'রে ।
 শান্তি-অভিষেক হোক, ধৌত হোক সকল আবেশ
 অগ্নি-উৎস-ধারে ।
 সীমন্তে, গোধূলি-লগ্নে দিয়ো এঁকে সন্ধ্যার সিন্দূর,
 প্রদোষের তারা দিয়ে লিখো রেখা আলোক-বিন্দুর
 তা'র স্নিগ্ধ ভালে ।
 দিনান্ত - সঙ্গীত - ধ্বনি সুগম্ভীর বাজুক সিঙ্কুর
 তরঙ্গের তালে ॥

হারুনা-মারু জাহাজ,
 ২৬ সেপ্টেম্বর, ১৯২৪ ।

পূর্ণতা

১

সুন্দরিতে একদিন
নিজ্জাহীন
আবেগের আন্দোলনে তুমি
ব'লেছিলে নতশিরে
অশ্রুণীরে
ধীরে মোর করতল চুমি,—
“তুমি দূরে যাও যদি,
নিরবধি
শূন্যতার সীমামূহুর্তে
সমস্ত ভুবন মম
মরুসম
কল্প হ'য়ে যাবে একেবারে ।
আকাশ-বিস্তীর্ণ ক্লাস্তি
সব শাস্তি
চিস্ত হ'তে করিবে হরণ,—
নিরানন্দ নিরালোক
সুন্দরশোক
মরণের অধিক মরণ ” ॥

শুনে, তোর মুখখানি
 বন্ধে আনি'
 ব'লেছিছু তোরে কানে কানে,—
 “তুই যদি যাস দূরে
 তোরি সুরে
 বেদনা-বিজ্যৎ গানে গানে
 ঝলিয়া উঠিবে নিত্য,
 মোর চিত্ত
 সচকিবে আলোকে আলোকে ।
 বিরহ, বিচিত্র খেলা
 সারা বেলা
 পাতিবে আমার বন্ধে চোখে ।
 তুমি খুঁজে পাবে, প্রিয়ে,
 দূরে গিয়ে
 মর্শ্বের নিকটতম দ্বার,—
 আমার ভুবনে তবে
 পূর্ণ হবে
 তোমার চরম অধিকার” ॥

৩

দু'জনের সেই বাণী,
 কানাকানি,
 শুনেছিলো সপ্তর্ষির তারা ;
 রজনী-গন্ধার বনে
 ক্ষণে ক্ষণে
 ব'হে গেলো সে বাণীর ধারা ।
 তা'র পরে চুপে চুপে
 মৃত্যুরূপে
 মধ্যে এলো বিচ্ছেদ অপার ।
 দেখা শুনা হ'লো সারা,
 স্পর্শহারা
 সে অনন্তে বাক্য নাহি আর ।
 তবু শূন্য শূন্য নয়,
 ব্যথাময়
 অগ্নিবাস্পে পূর্ণ সে গগন ।
 একা-একা সে অগ্নিতে
 দীপ্তগীতে
 সৃষ্টি করি স্বপ্নের ভুবন ॥

হারুনা-মারু জাহাজ,
 ১লা অক্টোবর, ১৯২৪ ।

আহ্বান

আমারে যে ডাক দেবে, এ জীবনে তা'রে বারম্বার
ফিরেছি ডাকিয়া ।
সে নারী বিচিত্র বেশে মূঢ় হেসে খুলিয়াছে দ্বার
থাকিয়া থাকিয়া ।
দীপখানি তুলে ধ'রে, মুখে চেয়ে, ক্ষণকাল থামি'
চিনেছে আমারে ।
তা'রি সেই চাওয়া, সেই চেনার আলোক দিয়ে আমি
চিনি আপনারে ॥

সহস্রের বন্যাস্রোতে জন্ম হ'তে মৃত্যুর অঁধারে
চ'লে যাই ভেসে ।
নিজেরে হারিয়ে ফেলি অম্পষ্টের প্রচ্ছন্ন পাথারে
কোন্ নিরুদ্দেশে ।

নামহীন দীপ্তিহীন তৃপ্তিহীন আত্ম-বিস্মৃতির
 তমসার মাঝে
 কোথা হ'তে অকস্মাৎ করো মোরে খুঁজিয়া বাহির
 তাহা বুঝি না যে।
 তব কণ্ঠে মোর নাম যেই শুনি, গান গেয়ে উঠি—
 “আছি, আমি আছি।”
 সেই আপনার গানে লুপ্তির কুয়াশা ফেলে টুটি',
 বাঁচি, আমি বাঁচি।
 তুমি মোরে চাও যবে, অব্যক্তের অখ্যাত আবাসে
 আলো উঠে জ্বলে,
 অসাড়ের সাড়া জাগে, নিশ্চল তুষার গ'লে আসে
 নৃত্য-কলরোলে ॥

নিঃশব্দ চবণে উষা নিখিলের স্পৃহিব ছয়া
 দাঁড়ায় একাকী,
 বক্ত-অবগুণ্ঠনেব অন্তরালে নাম ধরি' কাবে
 চ'লে যায় ডাকি'।
 অমনি প্রভাত তা'ব বীণা হাতে বাহিরিয়া আসে,
 শূন্য ভরে গানে,
 ঐশ্বর্য ছড়ায়ে দেয় মুক্ত হস্তে আকাশে আকাশে,
 ক্লান্তি নাহি জানে ॥

কোন্ জ্যোতির্ময়ী হোথা অমরাবতীর বাতায়নে
 রচিতেছে গান
 আলোকের বর্ণে বর্ণে ; নির্ণিমেষ উদ্দীপ্ত নয়নে
 করিছে আহ্বান ।
 তাই তো চাঞ্চল্য জাগে মাটির গভীর অন্ধকারে ;
 রোমাঞ্চিত তৃণে
 ধরণী ক্রন্দিয়া উঠে, প্রাণস্পন্দ ছুটে চারিধারে
 বিপিনে বিপিনে ॥

তাই তো গোপন ধন খুঁজে পায় অকিঞ্চন ধূলি
 নিরুদ্ধ ভাণ্ডারে ।
 বর্ণে গন্ধে রূপে রসে আপনার দৈন্ত্য যায় ভুলি'
 পত্রপুষ্প-ভারে ।
 দেবতার প্রার্থনায় কার্পণ্যের বন্ধ মুষ্টি খুলে,
 রিজুতারে টুটি'
 রহস্ত-সমুদ্র-তল উন্মথিয়া উঠে উপকূলে
 রঙ্গ মুঠি মুঠি ॥

তুমি সে আকাশ-ভ্রষ্ট প্রবাসী আলোক, হে কল্যাণী,
 দেবতার দূতী ।
 মর্ত্যের গৃহের প্রান্তে বহিয়া এনেছে তব বাণী
 স্বর্গের আকৃতি ।

ভঙ্গুর মাটির ভাঙে গুপ্ত আছে যে অমৃত-বারি
 মৃত্যুর আড়ালে
 দেবতার হ'য়ে হেথা তাহারি সন্ধানে তুমি, নারী,
 ছ'বাহু বাড়ালে ॥

তাই তো কবির চিন্তে কল্পলোকে টুটিল' অর্গল
 বেদনাব বেগে ;
 মানস-তরঙ্গ-তলে বাণীর সঙ্গীত-শতদল
 নেচে ওঠে জেগে ।
 স্মৃতির তিমির বন্ধ দীর্ঘ করে তেজস্বী তাপস
 দীপ্তির কুপাণে ;
 বীরের দক্ষিণ হস্ত মুক্তিমস্ত্রে বজ্র করে বশ,
 অসত্যেরে হানে ॥

হে অভিসারিকা, তব বহুদূর পদধ্বনি লাগি',
 আপনার মনে,
 বাণীহীন প্রতীক্ষায় আমি আজ একা ব'সে জাগি,
 নিৰ্জ্জন প্রাঙ্গণে ।
 দীপ চাহে তব শিখা, মৌনীর বীণা ধেয়ায় তোমার
 অঙ্গুলি-পরশ ।
 তারায় তারায় খোঁজে তুম্বায় আতুর অন্ধকার
 সঙ্গ-সুধারস ॥

নিজাঙ্গীন বেদনায় ভাবি, কবে আসিবে পরাণে
 চরম আস্থান ?
 মনে জানি, এ জীবনে সাজ হয় নাই পূর্ণ তানে
 মোব শেষ গান ।
 কোথা তুমি, শেষবার যে ছোঁয়াবে তব স্পর্শমণি
 আমার সঙ্গীতে ?
 মহা-নিস্তব্ধের প্রান্তে কোথা ব'সে বয়েছো, রমণী,
 নীরব নিশীথে ?

মহেশ্বের বজ্র হ'তে কালো চক্রে বিদ্যুতের আলো
 আনো, আনো ডাকি',
 বর্ষণ-কাঙাল মোব মেঘেব অন্তবে বহি জ্বালো,
 হে কাল-বৈশাখী ।
 অশ্রুভাবে ক্লান্ত তা'ব স্তব্ধ মূক অবকদ্ধ দান
 কালো হ'য়ে উঠে ।
 বহ্নাবেগে মুক্ত কবো, রিক্ত কবি' কবো পরিত্রাণ,
 সব লও লুটে ॥

তা'ব পরে যাও যদি যেয়ো চলি'; দিগন্ত-অঙ্গন
 হ'য়ে যাবে স্থিৰ ।
 বিরহের শুভ্রতায় শূন্যে দেখা দিবে চিরন্তন
 শান্তি সুগম্ভীর ।

স্বচ্ছ আনন্দের মাঝে মিলে যাবে সর্বশেষ লাভ,
 সর্বশেষ ক্ষতি ;
 হুঃখে সুখে পূর্ণ হবে অরূপ-সুন্দর আবির্ভাব,
 অশ্রুধৌত জ্যোতি ॥

ওরে পান্থ, কোথা তোর দিনান্তের যাত্রা-সহচরী ?
 দক্ষিণ পবন
 বহুক্ষণ চ'লে গেছে অরণ্যের পল্লব মর্ম্মরি ;
 নিকুঞ্জ-ভবন
 গন্ধের ইঙ্গিত দিয়ে বসন্তের উৎসবের পথ
 করে না প্রচার ।
 কাহারে ডাকিস তুই, গেছে চ'লে তা'র স্বর্ণরথ
 কোন সিদ্ধপার ॥

জানি জানি আপনার অন্তরের গহন-বাসীবে
 আজিও না চিনি ।
 সন্ধ্যারতি লগ্নে কেন আসিলে না নিভৃত মন্দিরে
 শেষ পূজারিণী ?
 কেন সাজালে না দীপ, তোমার পূজার মন্ত্র গানে
 জাগায়ে দিলে না
 তিমির রাত্রির বাণী, গোপনে যা লীন আছে প্রাণে
 দিনের অচেনা ॥

অসমাপ্ত পরিচয়, অসম্পূর্ণ নৈবেদ্যের থালি
 নিতে হ'লো তুলে।
 রচিয়া রাখেনি মোর প্রেয়সী কি বরণের ডালি
 মরণের কূলে?
 সেখানে কি পুষ্পবনে গীতহীনা রজনীর তারা
 নব জন্ম লভি'
 এই নীরবের বক্ষে নব ছন্দে ছুটাবে ফোয়ারা
 প্রভাতী ভৈরবী ॥

হাকন-মাক জাহাজ,

১ অক্টোবর, ১৯৪২।

ছবি

ক্ষুর চিহ্ন এঁকে দিয়ে শান্ত সিন্ধুবুকে
তরী চলে পশ্চিমের মুখে ।
আলোক-চুম্বনে নীল জল
কবে ঝলমল ।
দিগন্তে মেঘের জালে বিজড়িত দিনান্তের মোহ,
পূর্য্যান্তের শেষ সমারোহ ।
উর্ধ্বে যায় দেখা
তৃতীয়াব শীর্ণ শশিলেখা ।
যেন কে উলঙ্গ শিশু কোথায় এসেছে জানে না সে,
নিঃসঙ্কোচে হাসে ।
বহে মন্দ মন্ত্রর বাতাস
সঙ্গশূন্য সায়াহ্নের বৈরাগ্য নিঃশ্বাস ।
স্বর্গস্থে ক্লান্ত কোন্ দেবতার বাঁশির পূরবী
শূন্যতলে ধরে এই ছবি ।
ক্ষণকাল পরে যাবে ঘুচে,
উদাসীন বজ্রনীর কালো কেশে সব দেবে মুছে ॥

এমনি রঙের খেলা নিত্য খেলে আলো আর ছায়া,
 এমনি চঞ্চল মায়া
 জীবন-অম্বতলে ;
 দুঃখে সুখে বর্ণে বর্ণে লিখা
 চিহ্নহীন পদচারী কালের প্রান্তরে মবীচিকা ।
 তা'র পরে দিন যায়, অস্তে যায় রবি ;
 যুগে যুগে মুছে যায় লক্ষ লক্ষ রাগ-রক্ত ছবি ।
 তুই হেথা, কবি,
 এ বিশ্বের মৃত্যুর নিঃশ্বাস
 আপন বাঁশিতে ভবি' গানে তা'বে বাঁচাইতে চাস ।

হাকনা-মারু জাহাজ,

২ অক্টোবর, ১৯২৪ ।

লিপি

হে ধরণী, কেন প্রতিদিন
তৃপ্তিহীন
এক-ই লিপি পড়ে ফিরে ফিরে ?
প্রত্যাষে গোপনে ধীরে ধীরে
আঁধারের খুলিয়া পেটিকা,
স্বর্ণবর্ণে লিখা
প্রভাতের মর্মবাণী
বক্ষে টেনে আনি'
গুঞ্জরিয়া কত সুরে আবৃত্তি করো যে মুগ্ধ মনে ॥

বহুযুগ হ'য়ে গেলো কোন্ শুভক্ষণে
বাপের গুণন-খানি প্রথম পড়িল যবে খুলে,
আকাশে চাহিলে মুখ তুলে ।
অমর জ্যোতির মূর্তি দেখা দিলো আঁখির সম্মুখে ।
রোমানকিত বৃকে
পরম বিন্ময় তব জাগিল তখনি ।

নিঃশব্দ বরণ-মন্ত্রধ্বনি
 উচ্ছৃসিল পর্বতের শিখরে শিখরে ।
 কলোল্লাসে উদ্দোষিল নৃত্য-মত্ত সাগরে সাগরে
 জয়, জয়, জয় ।
 ঝঞ্ঝা তা'র বন্ধ টুটে ছুটে ছুটে কয়
 “জাগো রে, জাগো রে,”
 বনে বনান্তবে ॥

প্রথম সে দর্শনের অসীম বিশ্বয়
 এখনো যে কাঁপে বক্ষোময় ।
 তলে তলে আন্দোলিয়া উঠে তব ধূলি,
 তুণে তুণে কণ্ঠ তুলি'
 উর্ধ্বে চেয়ে কয়—
 জয়, জয়, জয়, ।
 সে বিশ্বয় পুষ্পে পর্ণে গন্ধে বর্ণে ফেটে ফেটে পড়ে ;
 প্রাণেব ছবন্ত ঝড়ে,
 রূপের উন্মত্ত নৃত্যে, বিশ্বনয়
 ছড়ায় দক্ষিণে বামে সৃজন প্রলয় ;
 সে বিশ্বয় সুখে দুঃখে গর্জি' উঠি' কয়,—
 জয়, জয়, জয় ॥

তোমাদের মাঝখানে আকাশ অনন্ত ব্যবধান ;
 উর্দ্ধ হ'তে তাই নামে গান ।
 চির-বিরহের নীল পত্রখানি পরে
 তাই লিপি লেখা হয় অগ্নির অক্ষরে ।
 বক্ষে তা'রে রাখো,
 শ্রাম আচ্ছাদনে ঢাকো ;
 বাক্যগুণ্ডল
 পুষ্পদলে রেখে দাও তুলি',—
 মধুবিন্দু হ'য়ে থাক নিভৃত গোপনে ;
 পদ্মের রেণুর মাঝে গন্ধের স্বপনে
 বন্দী করো তা'রে ;
 তরুণীর প্রেমাবিষ্ট আঁখির ঘনিষ্ঠ অন্ধকারে
 রাখো তা'রে ভরি' ;
 সিঙ্কুর কল্লোলে মিলি', নারিকেল পল্লবে মর্ম্মরি',
 সে বাগী ধ্বনিতে থাক তোমার অন্তরে ;
 মধ্যাহ্নে শোনো সে বাগী অরণ্যের নির্জনে নির্ঝরে ॥

বিরহিণী, সে-লিপির যে-উত্তর লিখিতে উদ্মনা
 আজো তাহা সাক্ষ হইল না ।

যুগে যুগে বারম্বার লিখে লিখে
 বারম্বার মুছে ফেলো ; তাই দিকে দিকে
 সে ছিন্ন কথার চিহ্ন পুঞ্জ হ'য়ে থাকে ;
 অবশেষে একদিন জ্বলজ্বটা ভীষণ বৈশাখে
 উন্নত ধূলিব ঘূর্ণিপাকে
 সব দাও ফেলে
 অবহেলে,
 আত্ম-বিদ্রোহের অসন্তোষে ।
 তা'র পরে আর বার ব'সে ব'সে
 নূতন আগ্রহে লেখো নূতন ভাষায় ।
 যুগযুগান্তব চ'লে যায় ॥

কত শিল্পী, কত কবি তোমার সে লিপির লিখনে
 ব'সে গেছে একমনে ।
 শিখিতে চাহিছে তব ভাষা,
 বুঝিতে চাহিছে তব অন্তবেব আশা ।
 তোমার মনের কথা আমাবি মনের কথা টানে,
 চাও মোর পানে ।
 চকিত ইঙ্গিত তব, বসন প্রান্তের ভঙ্গীখানি
 অঙ্কিত করুক মোর বাণী ।

শরতে দিগন্ত-তলে
 ছলছলে
 তোমার যে অশ্রুর আভাস,
 আমার সঙ্গীতে তা'রি পড়ুক নিঃশ্বাস ।
 অকারণ চাঞ্চল্যের দোলা লেগে
 ক্ষণে ক্ষণে ওঠে জেগে
 কটিতটে যে-কলকিঙ্কিণী,
 মোর ছন্দে দাও ঢেলে তা'রি রিনিরিনি,
 ওগো বিরহিণী ।
 দূর হ'তে আলোকের বরমাল্য এসে
 খসিয়া পড়িল তব কেশে,
 স্পর্শে তা'রি কভু হাসি কভু অশ্রুজলে
 উৎকণ্ঠিত আকাজক্ষায় বন্ধতলে
 ওঠে যে ক্রন্দন,
 মোর ছন্দে চিরদিন দোলে যেন তাহারি স্পন্দন ।
 স্বর্গ হ'তে মিলনের সুধা
 মর্ত্যের বিচ্ছেদ-পাত্রে সঙ্গোপনে রেখেছো, বসুধা ;
 তা'রি লাগি' নিত্যক্ষুধা,
 বিরহিণী অয়ি,
 মোর সুরে হোক জ্বালাময়ী ॥

হারুনা-মারু জাহাজ,

৪ অক্টোবর, ১৯২৪ ।

কণিকা

খোলো, খোলো হে আকাশ, স্তব্ধ তব নীল যবনিকা,—
খুঁজে নিতে দাও সেই আনন্দের হারানো কণিকা।
কবে সে যে এসেছিলো আমার হৃদয়ে যুগান্তরে,
গোধূলি-বেলার পাস্থ জনশূন্য এ মোর প্রান্তরে,
ল'য়ে তা'র ভীৰু দীপশিখা।
দিগন্তের কোন্ পারে চ'লে গেলো আমার কণিকা ॥

ভেবেছিলাম গেছি ভুলে; ভেবেছিলাম পদচিহ্নগুলি
পদে পদে মুছে নিলো সর্বনাশী অবিশ্বাসী ধূলি।
আজ দেখি সেদিনের সেই ক্ষীণ পদধ্বনি তা'র
আমার গানের ছন্দ গোপনে ক'রেছে অধিকার;
দেখি তা'রি অদৃশ্য অঙ্গুলি
স্বপ্নে অশ্রু-সরোবরে ক্ষণে ক্ষণে দেয় ঢেউ তুলি' ॥

বিরহের দূতী এসে তা'র সে স্তিমিত দীপখানি
চিন্তের অজানা কক্ষে কখন রাখিয়া দিল' আনি' ।
সেখানে যে বীণা আছে অকস্মাৎ একটি আঘাতে
মুহূর্ত্ত বাজিয়াছিল ; তা'র পরে শব্দহীন রাতে
বেদনা-পদ্মের বীণাপাণি
সন্ধান করিছে সেই অন্ধকারে-থেমে-যাওয়া বাণী ॥

সেদিন ঢেকেছে তা'রে কি এক ছায়ার সঙ্কোচন,
নিজের অধৈর্য্য দিয়ে পারেনি তা করিতে মোচন ।
তা'র সেই ব্রহ্ম আঁখি, সুনিবিড় তিমিরের তলে
যে-রহস্য নিয়ে চ'লে গেলো, নিত্য তাই পলে পলে
মনে মনে করি যে লুপ্তন ।
চিরকাল স্বপ্নে মোর খুলি তা'র সে অবগুপ্তন ॥

হে আত্মবিশ্বৃত, যদি দ্রুত তুমি না যেতে চমকি',
 বারেক ফিরায়ে মুখ পথ-মাঝে দাঁড়াতে থমকি',
 তা হ'লে পড়িত ধরা রোমাঞ্চিত নিঃশব্দ নিশায়
 দুজনের জীবনের ছিল যা চরম অভিপ্রায় ।

তা হ'লে পরম সপ্নে, সখি,
 সে ক্ষণকালের দীপে চিরকাল উঠিত আলোকি' ॥

হে পান্থ, সে পথে তব ধূলি আজ করি যে সন্ধান ;—
 বঞ্চিত মূর্ত্তখানি প'ড়ে আছে, সেই তব দান ।
 অপূর্ণের লেখাগুলি তুলে দেখি, বুঝিতে না পারি,
 চিহ্ন কোনো রেখে যাবে, মনে তাই ছিল কি তোমারি ?
 ছিন্ন ফুল, এ কি মিছে ভাণ ?
 কথা ছিল শুধাবার, সময় হ'লো যে অবসান ॥

গেলো না ছায়ার বাধা ; না-বোঝার প্রদোষ-আলোকে
 স্বপ্নের চঞ্চল মূর্ত্তি জাগায় আমার দীপ্ত চোখে
 সংশয়-মোহের নেশা ;—সে মূর্ত্তি ফিরিছে কাছে কাছে
 আলোতে আঁধারে মেশা,—তবু সে অনন্ত দূরে আছে
 মায়াচ্ছন্ন লোকে ।
 অচেনার মরীচিকা আকুলিছে ক্লণিকার শোকে ॥

খোলো, খোলো, হে আকাশ, স্তব্ধ তব নীল যবনিকা ।
 খুঁজিব তারার মাঝে চঞ্চলের মালার মণিকা ।
 খুঁজিব সেথায় আমি যেথা হ'তে আসে ক্লণতরে
 আশ্বিনে গোধূলি আলো, যেথা হ'তে নামে পৃথ্বী পরে
 শ্রাবণের সায়াহ্ন-যুথিকা ;
 যেথা হ'তে পরে ঝড় বিদ্যুতের ক্লণদীপ্ত টীকা ॥

হারুনা মারু জাহাজ,
 ৬ অক্টোবর, ১৯২৪ ।

খেলা

সন্ধ্যাবেলায় এ কোন খেলায় ক'রলে নিমন্ত্রণ,
ওগো খেলার সাথী ?
হঠাৎ কেন চ'ম্কে তোলে শূন্য এ প্রাঙ্গণ
রঙীন শিখার বাতি ?
কোন্ সে ভোরের রঙের খেয়াল কোন্ আলোতে ঢেকে
সমস্ত দিন বৃকের তলায় লুকিয়ে দিলে রেখে,
অরুণ আভাস ছানিয়ে নিয়ে পদ্মবনের থেকে
রাঙিয়ে দিলে রাতি ?
উদয় ছবি শেষ হবে কি অস্ত-সোনায় এঁকে
জ্বালিয়ে সাঁঝের বাতি ॥

হারিয়ে-ফেলা বাঁশি আমার পালিয়েছিল' বুঝি
লুকোচুরির ছলে ?
বনের পারে আবার তা'রে কোথায় পেলে খুঁজি'
শুকুনো পাতার তলে ?
যে-সুর তুমি শিখিয়েছিলে ব'সে আমার পাশে
সকাল বেলায় বটের তলায় শিশির-ভেজা ঘাসে,
সে আজ ওঠে হঠাৎ বেজে বৃকের দীর্ঘশ্বাসে,
উছল্ চোখের জলে,—
কাঁপতো যে-সুর ক্ষণে ক্ষণে ছুরন্ত বাতাসে
শুকুনো পাতার তলে ॥

মোর প্রভাতের খেলার সাথী আনতো ভ'রে সাজি
 সোনার চাঁপা ফুলে ।
 অন্ধকারে গন্ধ তা'রি ঐ যে আসে আজি
 এ কি পথের ভুলে ?
 বকুল-বীথির তলে তলে আজ কি নতুন বেশে
 সেই খেলাতেই ডাক্তে এলো আবার ফিরে এসে ?
 সেই সাজি তা'র দখিন হাতে, তেমনি আকুল কেশে
 চাঁপার গুচ্ছ ছলে ।
 সেই অজানা হ'তে আসে এই অজানাব দেশে
 এ কি পথের ভুলে ॥

আমার কাছে কী চাও তুমি, ওগো খেলার গুরু,
 কেমন খেলার ধারা ?
 চাও কি তুমি যেমন ক'রে হ'লো দিনের সুরু,
 তেমনি হবে সাবা ?
 সে-দিন ভোরে দেখেছিলাম প্রথম জেগে উঠে
 নিরুদ্দেশের পাগল হাওয়ায় আগল গেছে টুটে,
 কাজ-ভোলা সব ক্ষ্যাপাব দলে তেমনি আবার জুটে
 ক'রবে দিশেহারা ।
 স্বপন - মৃগ ছুটিয়ে দিয়ে পিছনে তা'র ছুটে
 তেমনি হবো সারা ॥

বাঁধা পথের বাঁধন মেনে চ'লতি কাজের শ্রোতে
চ'লতে দেবে নাকো ?

সঙ্ক্যাবেলায় জোনাক-জ্বালা বনের আঁধার হ'তে
তাই কি আমায় ডাকো ?

সকল চিন্তা উধাও ক'রে অকারণের টানে
অবুঝ ব্যথার চঞ্চলতা জাগিয়ে দিয়ে প্রাণে,
ধ্বংসরিয়ে কাপিয়ে বাতাস ছুটির গানে গানে
দাঁড়িয়ে কোথায় থাকো ?

না-জেনে পথ পড়বো তোমার বকেরি মাঝখানে
তাই আমারে ডাকো ॥

জানি জানি, তুমি আমার চাওনা পূজার মালা,
ওগো খেলার সাথী ।

এই জনহীন অঙ্গনেতে গন্ধ-প্রদীপ জ্বালা,—
নয় আরতির বাতি ।

তোমার খেলায় আমার খেলা মিলিয়ে দেবো তবে
নিশীথিনীর স্তব্ধ সভায় তারার মহোৎসবে,
তোমার বীণার ধ্বনির সাথে আমার বাঁশির রবে
পূর্ণ হবে রাতি ।

তোমার আলোয় আমার আলো মিলিয়ে খেলা হবে,
নয় আরতিব বাতি ॥

শাকনা-মারু জাহাজ,
৭ অক্টোবর, ১৯২৪ ।

অপরিচিতা

পথ বাকি আর নাই তো আমার, চ'লে এলাম একা ;
তোমার সাথে কই হ'লো গো দেখা ?
কুয়াশাতে ঘন আকাশ, ম্লান শীতের ক্ষণে
ফুল-ঝরাবার বাতাস বেড়ায় কাঁপন-লাগা বনে ।
সকল শেষের শিউলিটি যেই ধূলায় হবে ধূলি,
সঙ্গিনীহীন পাখী যখন গান যাবে তা'র ভুলি'
হয়-তো তুমি আপন-মনে আসবে সোনার রথে
শুকনো পাতা ঝরা ফুলের পথে ॥

পুলক লেগেছিলো মনে পথের নূতন বাঁকে
হঠাৎ সেদিন কোন্ মূহুরের ডাকে ।
দূরের থেকে ক্ষণ-ক্ষণে বঙের আভাস এসে
গগন-কোণে চমক হেনে গেছে কোথায় ভেসে ;
মনের ভুলে ভেবেছিলাম তুমিই ব'ঝি এলে,
গন্ধরাজের গন্ধে তোমার গোপন মায়া মেলে ।
হয়-তো তুমি এসেছিলে, যায়নি আড়ালখানা,
চোখের দেখায় হয়নি প্রাণের জানা ॥

হয়-তো সেদিন তোমার আঁখির ঘন তিমির ব্যোপে
 অশ্রুজলের আবেশ গেছে কেঁপে ।
 হয়-তো আমায় দেখেছিলে বাঁকিয়ে বাঁকা ভুরু,
 বন্ধ তোমার ক'রেছিলো ক্ষণেক ছুরু ছুরু ;
 সেদিন হ'তে স্বপ্ন তোমার ভোরের আধো-ঘুমে
 রঙিয়েছিলো হয়-তো ব্যথার রক্তিম কুঙ্কুমে ;
 আধেক চাওয়ায় ভুলে যাওয়ায় হ'য়েছে জাল-বোনা,
 তোমায় আমায় হয়নি জানা-শোনা ॥

তোমার পথের ধারে ধারে তাই এবারের মতো
 রেখে গেলাম গান গাঁথিলাম যত ।
 মনের মাঝে বাজ্‌লো যে-দিন দূর চরণের ধ্বনি
 সে-দিন আমি গেয়েছিলাম তোমার আগমনী ;
 দখিন বাতাস ফেলেছে শ্বাস রাতের আকাশ ঘেরি'
 সে-দিন আমি গেয়েছি গান তোমার বিরহেরি ;
 ভোরের বেলায় অশ্রুভরা অধীর অভিমান
 ভৈরবীতে জাগিয়েছিলো গান ॥

এ গানগুলি তোমার ব'লে চিন্বে কখনো কি ?
 ক্ষতি কি তায়, নাই চিনিলে, সখী ।
 তবু তোমায় গাইতে হবে, নাই তাহে সংশয়,
 তোমার কণ্ঠে বাজ্বে তখন আমার পরিচয় ;

যারে তুমি বাসবে ভালো, আমার গানের সুরে
বরণ ক'রে নিতে হবে সেই তব বন্ধুরে।

রোদন খুঁজে ফিরবে তোমার প্রাণের বেদনখানি,
আমার গানে মিলবে তাহার বাণী ॥

তোমার ফাগুন উঠবে জেগে, ভ'রবে আমার বোলে,
তখন আমি কোথায় যাবো চ'লে ?

পূর্ণচাঁদের আসবে আসর, মুগ্ধ বসুন্ধরা,
বকুল-বীথির ছায়াখানি মধুর মূর্ছাভরা ;
হয়-তো সে-দিন বন্ধে তোমার মিলন-মালা গাঁথা ;
হয়-তো সে-দিন ব্যর্থ আশায় সিক্ত চোখের পাতা ;
সে-দিন আমি আসব না তো নিয়ে আমার দান ;
তোমার লাগি' রেখে গেলেম গান ॥

আন্দেস্ত জাহাজ,
১৮ অক্টোবর, ১৯২৪

আন্-মনা

আন্-মনা গো, আন্-মনা,
তোমার কাছে আমার বাণীর মালাখানি আন্বো না ।
বার্তা আমার ব্যর্থ হবে, সত্য আমার বুঝবে কবে ?
তোমারো মন জান্‌বোনা,
আন্-মনা গো আন্-মনা ।
লগ্ন যদি হয় অনুকূল মৌন মধুর সাঁঝে
নয়ন তোমার মগ্ন যখন স্নান আলোর মাঝে,
দেবো তোমায় শাস্ত্রসুরের সাস্ত্রনা
আন্-মনা গো আন্-মনা ॥

জনশূন্য তটের পানে ফির্বে হাঁসের দল ;
স্বচ্ছ নদীর জল
আকাশ পানে র'ইবে পেতে কান,
বুকের তলে শুন্বে ব'লে গ্রহতারার গান ;
কুলায়-ফেরা পাখী
নীল আকাশের বিরামখানি রাখ্বে ডানায় ঢাকি' ;
বেগুশাখার অস্তুরালে অস্তপারের রবি
আঁক্বে মেঘে মুছ্বে আবার শেষ বিদায়ের ছবি ;

সুতক হবে দিনের বেলার ক্ষুর হাওয়ার দোলা,
তখন তোমার মন যদি রয় খোলা;—

তখন সক্ষাতারা

পায় যদি তা'র সাড়া

তোমার উদার আঁখি-তারার পারে;

কনক চাঁপার গন্ধ-ছোঁওয়া বনের অন্ধকারে

ক্লান্তি-অলস ভাবনা যদি ফুল-বিছানো ভুঁয়ে

মেলিয়ে ছায়া এলিয়ে থাকে শুয়ে;

ছন্দে গাঁথা বাণী তখন পড়বে তোমার কানে

মন্দ মৃদুল তানে,

ঝিল্লি যেমন শালের বনে নিজা-নীরব রাতে

অন্ধকারের জপের মালায় একটানা সুর গাঁথে।

একলা তোমার বিজন প্রাণের প্রাঙ্গণে

প্রান্তে ব'সে একমনে

এঁকে যাবো আমার গানের আল্পনা,

আন্-মনা গো আন্-মনা ॥

আগেস্ জাহাজ,

১৮ অক্টোবর, ১৯২৪।

বিস্মরণ

মনে আছে কার দেওয়া সেই ফুল ?
সে-ফুল যদি শুকিয়ে গিয়ে থাকে
তবে তা'রে সাজিয়ে রাখাই ভুল,
মিথ্যে কেন কাঁদিয়ে রাখো তা'কে ?
ধূলায় তা'রি শান্তি, তা'রি গতি,
এই সমাদর কোরো তাহার প্রতি
সময় যখন গেছে, তখন তা'রে
ভুলো একেবারে ॥

মাঘের শেষে নাগ-কেশরের ফুলে
আকাশে বয় মন-হারানো হাওয়া ;
বনের বক্ষ উঠেছে আজ তুলে,
চামেলি ঐ কার যেন পথ-চাওয়া ।
ছায়ায় ছায়ায় কাদের কানাকানি,
চোখেচোখে নীরব জানাজানি,
এ উৎসবে শুকনো ফুলের লাজ
ঘুচিয়ে দিয়ো আজ ॥

যদি বা তা'র ফুরিয়ে থাকে বেলা,
মনে জেনো দুঃখ তাহে নাই ;
ক'রেছিলো ক্ষণকালের খেলা,
পেয়েছিলো ক্ষণকালের ঠাই ।

অলকে সে কানের কাছে ছলি’
ব’লেছিলো নীরব কথাগুলি,
গন্ধ তাহার ফিরেছে পথ-ভুলে
তোমার এলোচুলে ॥

সেই মাধুরী আজ কি হবে ফাঁকি ?
লুকিয়ে সে কি রয়নি কোনোখানে ?
কাহিনী তা’র থাকবে না আর বাকি
কোনো স্বপ্নে, কোনো গন্ধে গানে ?
আরেক দিনের বনচ্ছায়ায় লিখা
ফিরবে না কি তাহার মরীচিকা ?
অশ্রুতে তা’র আভাস্ দিবে নাকি
আরেক দিনের আঁখি ॥

না-হয় তা-ও লুপ্ত যদিই হয়,
তা’র লাগি’ শোক, সে-ও তো সেই পথে ।
এ জগতে সদাই ঘটে ক্ষয়,
ক্ষতি তবু হয় না কোনোমতে ।
শুকিয়ে-পড়া পুষ্পদলের ধূলি
এ ধরণী যায় যদি বা ভুলি’—
সেই ধূলারি বিস্মরণের কোলে
নতুন কুসুম দোলে ॥

আণ্ডেস্ জাহাজ,
১৯ অক্টোবর, ১৯২৪ ।

আশা

মস্ত যে-সব কাণ্ড করি, শক্ত তেমন নয়;
জগৎ-হিতের তরে ফিরি বিশ্বজগৎময়।
সঙ্গীর ভিড় বেড়ে চলে; অনেক লেখা-পড়া,
অনেক ভাষায় বকাবকি, অনেক ভাঙা গড়া।
ক্রমে ক্রমে জাল গাঁথে যায়, গিঁঠের পরে গিঁঠ,
মহল পরে মহল উঠে, ইটের পরে ইট।
কীর্তিরে কেউ ভালো বলে, মন্দ বলে কেহ,
বিশ্বাসে কেউ কাছে আসে, কেউ করে সন্দেহ।
কিছু খাঁটি, কিছু ভেজাল, মশলা যেমন জোটে,
মোটের পরে একটা কিছু হ'য়ে ওঠেই ওঠে ॥

কিন্তু যে-সব ছোটো আশা করণ অতিশয়,
সহজ বটে শূন্যে লাগে, মোটেই সহজ নয়।
একটুকু স্থখ গানের সুরে ফুলের গন্ধে মেশা,
গাছের-ছায়ায়-স্বপ্ন-দেখা অবকাশের নেশা,
মনে ভাবি চাইলে পাবো; যখন তা'রে চাহি,
তখন দেখি চঞ্চলা সে কোনখানেই নাহি।
অরূপ অকূল বাষ্পমাবো বিধি কোমর বেঁধে
আকাশটারে কাঁপিয়ে যখন সৃষ্টি দিলেন ফেঁদে,
আগ্নয়ুগের খাটুনিতে পাহাড় হ'লো উচ্চ,
লক্ষ্যযুগের স্বপ্নে পেলেন প্রথম ফুলের গুচ্ছ ॥

বহুদিন মনে ছিলো আশা
 ধরণীর এক কোণে
 রহিব আপন মনে ;
 ধন নয়, মান নয়, একটুকু বাসা
 ক'রেছিছু আশা ।

গাছটির শিথল ছায়া, নদীটির ধারা,
 ঘরে-আনা গোখুলিতে সন্ধ্যাটির তারা,
 চামেলির গন্ধটুকু জানালার ধারে,
 ভোরের প্রথম আলো জলের ওপারে ।
 তাহারে জড়ায়ে ঘিরে
 ভরিয়া তুলিব ধীরে
 জীবনের ক'দিনের কাঁদা আর হাসা ;
 ধন নয়, মান নয়, এইটুকু বাসা
 ক'রেছিছু আশা ॥

বহুদিন মনে ছিলো আশা
 অন্তরের ধ্যানখানি
 লভিবে সম্পূর্ণ বাণী ;
 ধন নয়, মান নয়, আপনার ভাষা
 ক'রেছিছু আশা ।
 মেঘে মেঘে এঁকে যায় অন্তগামী রবি
 কল্পনার শেষ রঙে সমাপ্তির ছবি,

আপন স্বপন-লোক আলোকে ছায়ায়
 রঙে রসে রচি' দিব তেমনি মায়ায় ।
 তাহারে জড়ায়ে ঘিরে
 ভরিয়া তুলিব ধীরে
 জীবনের ক'দিনের কাঁদা আর হাসা ।
 ধন নয়, মান নয়, ধৈর্যের ভাষা
 ক'রেছিছু আশা ॥

বহুদিন মনে ছিলো আশা
 প্রাণের গভীর ক্ষুধা
 পাবে তা'র শেষ সুখা ;
 ধন নয়, মান নয়, কিছু ভালোবাসা
 ক'রেছিছু আশা ।

হৃদয়ের সুর দিয়ে নামটুকু ডাকা,
 অকাবণে কাছে এসে হাতে হাত বাখা,
 দূরে গেলে একা ব'সে মনে মনে ভাবা,
 কাছে এলে দুই চোখে কথা-ভবা আভা ।
 তাহারে জড়ায়ে ঘিরে
 ভরিয়া তুলিব ধীরে
 জীবনের ক'দিনের কাঁদা আর হাসা ।
 ধন নয়, মান নয়, কিছু ভালোবাসা
 ক'রেছিছু আশা ॥

আগুস্ট জাহাজ,
 ১৯ অক্টোবর, ১৯২৪ ।

বাতাস

গোলাপ বলে, ওগো বাতাস, প্রলাপ তোমার বুঝতে কেবা পারে,
কেন এসে ঘা দিলে মোব দ্বাবে ?
বাতাস বলে, ওগো গোলাপ, আমার ভাষা বোঝো বা নাই বোঝো.
আমি জানি কাচাব পবন খোঁজো ,
সেই প্রভাতের আলো এলো, আমি কেবল ভাঙিয়ে দিলাম ঘুম
হে মোব কুসুম ॥

পাখী বলে, ওগো বাতাস, কী তুমি চাও বুঝিয়ে বলো মোরে,
কুলায় আমার ছুলাও কেন ভোবে ?
বাতাস বলে, ওগো পাখী, আমার ভাষা বোঝো বা নাই বোঝো,
আমি জানি তুমি কারে খোঁজো
সেই আকাশে জাগল আলো, আমি কেবল দিছু তোমায আনি'
সীমাহীনের দাণী ॥

নদী বলে, ওগো বাতাস, বুঝ্তে নারি কী যে তোমার কথা,
কিসের লাগি' এতই চঞ্চলতা ।

বাতাস বলে, ওগো নদী, আমার ভাষা বোঝো বা নাই বোঝো,
জানি তোমার বিলয় যেথা খোঁজো ;
সেই সাগরের ছন্দ আমি এনে দিলাম তোমার বুকের কাছে,
তোমার ঢেউয়ের নাচে ॥

অরণ্য কয়, ওগো বাতাস, নাহি জানি বুঝি কি নাই বুঝি
তোমার ভাষায় কাহার চরণ পূজি ।
বাতাস বলে, হে অরণ্য, আমার ভাষা বোঝো বা নাই বোঝো,
আমি জানি কাহার মিলন খোঁজো ;
সেই বসন্ত এলো পথে, আমি কেবল মূর জাগাতে পারি
তাহার পূর্ণতারি ॥

শুধায় সবে, ওগো বাতাস, তবে তোমার আপন কথা কী যে
বলো মোদের, কি চাও তুমি নিজে ?
বাতাস বলে, আমি পথিক, আমার ভাষা বোঝো বা নাই বোঝো
আমি বুঝি তোমরা কারে খোঁজো,—
আমি শুধু যাই চ'লে আর সেই অজানার আভাস করি দান,
আমার শুধু গান ॥

আণ্ডেন্স জাহাজ,
২০ অক্টোবর, ১৯২৪ ।

স্বপ্ন

(১)

তোমায় আমি দেখিনা কো, শুধু তোমার স্বপ্ন দেখি,
তুমি আমায় বাবে ব শুধাও,র “ওগো সত্য সে কি ?”
কি জানি গো, হয়-তো বুঝি
তোমাব মাঝে কেবল খুঁজি
এই-জনমের কপের তলে আব-জনমের ভাবেব স্মৃতি ।
হয়-তো হেবি তোমার চোখে
আদি যুগেব ইন্দ্রলোকে
শিশু চাঁদের পথ-ভোলানো পারিজাতের ছায়া-বীধি ।
এই কূলেতে ডাকি যখন সাড়া যে দাও সেই ও-পারে,
পরশ তোমার ছাড়িয়ে কায়া বাজে মায়াব বীণার তারে ।
হয়-তো হবে সত্য তাই,
হয়-তো তোমার স্বপন, আমার আপন মনেব মস্ততাই ॥

(২)

আমি বলি স্বপ্ন যাহা তা’র চেয়ে কি সত্য আছে ?
ষে-তুমি মোর দূরের মানুষ সেই-তুমি মোর কাছের কাছে

সেই-তুমি আর নও তো বাঁধন,
 স্বপ্নরূপে মুক্তি-সাধন,
 ফুলের সাথে তারার সাথে তোমার সাথে সেথায় মেলা।
 নিত্যকালের বিদেশিনী,
 তোমায় চিনি, নাই বা চিনি,
 তোমার লীলায় ঢেউ তুলে যায় কভু সোহাগ, কভু হেলা।
 চিন্তে তোমার মূর্তি নিয়ে ভাবসাগরের খেয়ায় চড়ি।
 বিধির মনের কল্পনারে আপন মনে নতুন গড়ি।
 আমার কাছে সত্য তাই,
 মন-ভরানো পাওয়ায় ভরা বাইরে-পাওয়ার ব্যর্থতাই ॥

(৩)

আপ্নি তুমি দেখেছো কি আপন মাঝে সত্য কি যে?
 দিতে যদি চাও তা কা'রে, দিতে কি তাই পারো নিজে?
 হয়-তো তা'রে ছুঁখ দিনে
 অগ্নি-আলোয় পাবে চিনে,
 তখন তোমার নিবিড় বেদন নিবেদনের জ্বলে শিখা।
 অমৃত যে হয়নি মখন,
 তাই তোমাতে এই অযতন;
 তাই তোমারে ঘিরে আছে ছলন-ছায়ার কুহেলিকা।

নিত্যকালের আপন তোমায় লুকিয়ে বেড়ায় মিথ্যা সাজে ।

ক্ষণে ক্ষণে ধরা পড়ে শুধু আমার স্বপন-মাঝে ।

আমি জানি সত্য তাই,

মরণ-হুঃখে অমর জাগে, অমৃতেরি তত্ত্ব তাই ॥

(৪)

পুষ্পমালার গ্রন্থিখানা অনাদবে পড়ুক ছিঁড়ে,
কুরাক্ বেলা, জীর্ণ খেলা হাবাক হেলা-ফেলাব ভিড়ে ।

ছল ক'বে যা পিছু ডাকে

পিছন ফিবে চাস্নে তা'কে,

ডাকে না যে যাবাব বেলায় যাস্নে তাহাব পিছে পিছে ।

যাওয়া-আসা-পথেব ধূলায়

চপল পায়েব চিহ্নগুলায়

গ'ণে গ'ণে আপন মনে কাটাস্নে দিন মিছে মিছে ।

কি হ'বে তোব বোঝাই ক'বে ব্যর্থ দিনেব আবর্জনা,

স্বপ্ন শুধুই মর্ত্যে অমব, আব সকলি বিড়ম্বনা ।

নিত্য প্রাণের সত্য তাই,

প্রাণ দিয়ে তুই রচিস যা'বে,— অসীম পথেব পথ্য তাই ॥

আগুস্ত জাহাজ,

২০ অক্টোবর, ১৯২৪

সমুদ্রে

১

হে সমুদ্রে, স্তব্ধচিহ্নে শুনেছিষু গজ্জন তোমার
রাত্রিবেলা ; মনে হ'লো গাঢ় নীল নিঃসীম নিদ্রার
স্বপ্ন ওঠে কেঁদে কেঁদে। নাই, নাই তোমার সাস্থনা ;
যুগ-যুগান্তর ধরি' নিরন্তর সৃষ্টির যন্ত্রণা
তোমার রহস্য-গর্ভে ছিল করি' কৃষ্ণ আবরণ
প্রকাশ সন্ধান করে। কত মহা-দ্বীপ মহা-বন
এ তরল রঙ্গশালে রূপে প্রাণে কত নৃত্যে গানে
দেখা দিয়ে কিছুকাল, ডুবে গেছে নেপথ্যের পানে
নিঃশব্দ গভীরে। হারানো সে চিহ্ন-হারা যুগগুলি
মূর্ত্তিহীন ব্যর্থতায় নিত্য অন্ধ আন্দোলন তুলি'
হানিছে তরঙ্গ তব। সব রূপ সব নৃত্য তা'র
ফেনিল তোমার নীলে বিলীন হুলিছে একাকার।
স্থলে তুমি নানা গান উৎক্ষেপে করেছ আবর্জন,
জলে তব এক গান, অব্যক্তের অস্থির গজ্জন ॥

২

হে সমুদ্র, একা আমি মধ্যরাতে নিদ্রাহীন চোখে
কল্লোল-মরুর মধ্যে দাঁড়াইয়া, স্তব্ধ উৰ্দ্ধলোকে
চাহিলাম; শুনিলাম নক্ষত্রের রঞ্জে রঞ্জে বাজে
আকাশের বিপুল ক্রন্দন; দেখিলাম শূন্য-মাঝে
আঁধারের আলোক-ব্যগ্রতা। কত শত মঘন্তরে
কত জ্যোতির্লোক গৃঢ় বহিময় বেদনার ভরে
অক্ষুটের আচ্ছাদন দীর্ণ করি' তীক্ষ্ণ রশ্মিঘাতে
কালের বন্ধের মাঝে পেল স্থান প্রোজ্জ্বল প্রভাতে
প্রকাশ-উৎসব দিনে। যুগ-সঙ্ক্যা কবে এল তা'র,
ডুবে গেল অলক্ষ্যে অতলে। রূপ-নিঃস্ব হাহাকার
অদৃশ্য বৃদ্ধক্ষু ভিক্ষু ফিরিছে বিশ্বের তীরে তীরে,
ধুলায় ধুলায় তা'র আঘাত লাগিছে ফিরে ফিরে।
ছিল যা প্রদীপ্তরূপে নানা ছন্দে বিচিত্র চঞ্চল
আজ অন্ধ তরঙ্গের কম্পনে হানিছে শূন্যতল ॥

৩

হে সমুদ্র, চাহিলাম আপন গহন চিন্তপানে;
কোথায় সঞ্চয় তা'র, অন্ত তা'র কোথায় কে জানে।

ওই শোনো সংখ্যা-হীন সংজ্ঞা-হীন অজানা ক্রন্দন
 অমূর্ত আঁধারে ফিরে, অকারণে জাগায় স্পন্দন
 বক্ষতলে। এক কালে ছিল' রূপ, ছিল' বুঝি ভাষা ;
 বিশ্বগীতি-নির্ব্বরের তীরে তীরে বুঝি কত বাসা
 বেঁধেছিল কোন জন্মে ;—ছুঃখে স্থখে নানা বর্ণে রাঙি'
 তাহাদের রঙ্গমঞ্চ হঠাৎ পড়িল কবে ভাঙি'
 অতৃপ্ত আশার ধূলিতুপে। আকার হারাল তা'রা,
 আবাস তা'দের নাহি। খ্যাতি-হাবা সেই স্মৃতি-হারা
 সৃষ্টি-ছাড়া ব্যর্থ ব্যথা প্রাণের নিভৃত লীলা ঘরে
 কোণে কোণে ঘোরে শুধু মূর্তি তরে, আশ্রয়ের তরে।
 রাগে অমুরাগে যারা বিচিত্র আছিল কত রূপে,
 আজ শূন্য দীর্ঘশ্বাস আঁধারে ফিরিছে চূপে চূপে ॥

অণ্ডেস্ জাহাজ ,

২১ অক্টোবর, ১৯২৪ ।

মুক্তি

মুক্তি নানা মূর্তি ধরি' দেখা দিতে আসে নানা জনে,—

এক পস্থা নহে ।

পরিপূর্ণতার সুখা নানা স্বাদে ভুবনে ভুবনে

নানা স্রোতে বহে ।

সৃষ্টি মোর সৃষ্টি সাথে মেলে যেথা, সেথা পাই ছাড়া,

মুক্তি যে আমারে তাই সঙ্গীতের মাঝে দেয় সাড়া,

সেথা আমি খেলা-ক্ষাপা বালকের মতো লক্ষ্মীছাড়া,

লক্ষ্যহীন নগ্ন নিরুদ্দেশ ।

সেথা মোর চির নব, সেথা মোর চিরন্তন শেষ ॥

মাঝে মাঝে গানে মোর সুর আসে, যে সুরে, হে গুণী,

তোমাতে চিনায় ।

বেঁধে দিয়েছি নিজ হাতে সেই নিত্য সুরের ফাস্তনী

আমার বীণায় ।

তা-হ'লে বুঝিব আমি ধূলি কোন্‌ ছন্দে হয় ফুল
বসন্তের ইন্দ্রজালে অরণ্যেরে করিয়া ব্যাকুল ;
নব নব মায়াচ্ছায়া কোন্‌ নৃত্যে নিয়ত দোহুল
বর্ণ বর্ণ ঋতুর দোলায় ।
তোমারি আপন সুর কোন্‌ তালে তোমায়ে ভোলায় ॥

যেদিন আমার গান মিলে যাবে তোমার গানের
 সুরের ভঙ্গীতে
 মুক্তির সঙ্গম-তীর্থ পাবো আমি আমারি প্রাণের
 আপন সঙ্গীতে ।
 সেদিন বুঝিব মনে নাই নাই বস্তুর বন্ধন,
 শূণ্যে শূণ্যে রূপ ধরে তোমারি এ বীণার স্পন্দন,
 নেমে যাবে সব বোঝা, থেমে যাবে সকল ক্রন্দন,
 ছন্দে তালে ভুলিব আপন ।
 বিশ্বগীত পদ্যদলে স্তব্ধ হবে অশান্ত ভাবনা ॥

সঁপি' দিব সুখ দুঃখ আশা ও নৈরাশ্য যত কিছু
 তব বীণাতারে,—
 ধরিবে গানের মূর্তি, একান্তে করিয়া মাথা নীচু
 শুনিব তাহারে ।

দেখিব তাদের যেথা ইল্লখম্ অকস্মাৎ ফুটে ;
 দিগন্তে বনের প্রান্তে উষার উত্তরী যেথা লুটে ;
 বিবাগী ফুলের গন্ধ মধ্যাহ্নে যেথায় যায় ছুটে ;
 নীড়ে-ধাওয়া পাখীর ডানায়
 সায়ারুগগন যেথা দিবসেরে বিদায় জানায় ॥

সেদিন আমার রক্তে শুনা যাবে দিবস রাত্রির
 নৃত্যের নৃপূর ।
 নক্ষত্র বাজাবে বক্ষে বংশীধ্বনি আকাশ-যাত্রীর
 আলোক বেণুর ।
 সেদিন বিশ্বের তৃণ মোর অঙ্গে হ'বে বোমাঞ্চিত,
 আমার হৃদয় হবে কিংগুকের রক্তমা-লাঞ্চিত ;
 সেদিন আমার মুক্তি, যবে হবে, হে চিব-বাঞ্চিত,
 তোমার লীলায় মোর লীলা,—
 যেদিন তোমার সঙ্গে গীতরঙ্গে তালে তালে মিলে ॥

আগেই জাহাজ,
 ২২ অক্টোবর, ১৯২৪ ।

ঝড়

অন্ধ কেবিন আলোয় আঁধার গোলা,
বন্ধ বাতাস কিসের গন্ধে ঘোলা।
মুখ-ধোবার ঐ ব্যাপারখানা দাঁড়িয়ে আছে সোজা,
ক্লান্ত চোখের বোঝা।
তুলছে কাপড় pegএ,
বিজলি-পাথার হাওয়ার ঝাপটু লেগে।
গায়ে গায়ে ঘেঁষে
জিনিষ-পত্র আছে কায়-ক্লেশে।
বিছানাটা রূপণ-গতিকের,
অনিচ্ছাতে ক্ষণকালের সহায় পথিকের।
ঘরে আছে যে-কটা আস্‌বাব্
নিত্য যতই দেখি, ভাবি ওদের মুখের ভাব
নারাজ ভূত্যসম,
পাশেই থাকে মম,
কোনোমতে করে কেবল কাজ-চলাগোছ সেবা।
এমন ঘরে আঠারো দিন থাকতে পারে কেবা?
কষ্ট ব'লে একটা দানব ছোট্টো খাঁচায় পূরে
নিয়ে চলে আমায় কত দূরে।
নীল আকাশে নীল সাগরে অসীম আছে ব'সে,
কি জানি কোন্ দোষে

ঠেলেঠেলে চেপেচুপে মোরে
 সেধান হ'তে ক'রেছে এক-ঘরে।
 হেনকালে ক্ষুদ্রদুখেব ক্ষুদ্রফাটল্ বেয়ে
 কেমন ক'রে এলো হঠাৎ ধয়ে
 বিশ্বধরার বক্ষ হ'তে বিপুল দুখেব প্রবল বজ্রাধারা,
 এক নিমেষে আমারে সে ক'রুলে আত্মহাবা
 আনলে আপন বৃহৎ সাস্তনারে,
 আনলে আপন গর্জনেতে ইন্দ্রলোকেব অভয়-ধোষণারে।
 মহাদেবেব তপেব জটা হ'তে
 মুক্তি-মন্দাকিনী এলো কুল-ভোবানো স্রোতে,
 ব'ল্লে আমার চিত্ত যিবে যিবে—
 ভস্ম আবাব ফিরে পাবে জীবন-অগ্নিবে।
 ব'ল্লে, আমি স্রবলোকেব অশ্রুজলেব দান,
 মরুব পাথব গলিয়ে ফেলে ফলাই অমব প্রাণ।
 মৃত্যুজয়েব ডমক-বব শোনাই কলস্ববে,
 মহাকালেব তাণ্ডব-তাল সদাই বাজাই উদ্দাম নির্ঝরে।

স্বপ্নসম টুটে
 এই কেবিনেব দেওয়াল গেলো ছুটে।
 বোগশয্যা মম
 হ'লো উদাব কৈলাসেবি শৈলশিখর সম।
 আমার মন-প্রাণ
 উঠল গেয়ে ঋত্রেবি জয়গান :—

সুপ্তির জড়িমা-ঘোরে
 তীরে থেকে তোরা ও'রে
 ক'রেছিস্ ভয়,
 যে-ঝড় সহসা কানে
 বজ্রের গর্জন আনে—
 “নয়, নয়, নয়।”

তোরা ব'লেছিলি তাকে
 “বাঁধিয়াছি ঘর।
 মিলেছে পাখীর ডাকে
 তরুর মর্ম্মর।
 পেয়েছি তৃষ্ণার জল,
 ফ'লেছে ক্ষুধার ফল,
 ভাঙারে হ'য়েছে ভরা লক্ষ্মীর সঞ্চয়।”
 ঝড়, বিদ্যুতের ছন্দে
 ডেকে ওঠে মেঘ-মন্ড্রে,—
 “নয়, নয়, নয়॥”

সমুদ্রে আমার তরী ;
 আসিয়াছি ছিন্ন করি'
 তীরের আশ্রয়।
 ঝড় বন্ধু তাই কানে

মাঙ্গল্যের মন্ত্র আনে—

“জয়, জয়, জয়।”

আমি যে সে প্রচণ্ডে

ক’রেছি বিশ্বাস,—

তরীর পালে সে যে রে

রুদ্ধেরি নিঃশ্বাস।

বলে সে বন্ধের কাছে,—

“আছে আছে, পার আছে,

সন্দেহ-বন্ধন ছিঁড়ি’, লহ পরিচয়।”

বলে ঝড় অবিশ্রান্ত—

“তুমি পান্থ, আমি পান্থ,

জয়, জয়, জয়॥”

যায় ছিঁড়ে, যায় উড়ে,—

ব’লেছিলি মাথা খুঁড়ে,—

“এ দেখি প্রলয়।”

ঝড় বলে, “ভয় নাই,

যাহা দিতে পারো, তাই

রয়, রয়, রয়।”

চ’লেছি সম্মুখ-পানে

চাহিব না পিছু।

ভাসিল বজ্রার টানে
 ছিল যত কিছু ।
 রাখি যাহা, তাই বোঝা,
 তা'রে খোওয়া তা'রে খোঁজা,
 নিত্যই গণনা তা'রে, তা'রি নিত্য ক্ষয় ।
 ঝড় বলে, “এ তরঙ্গে
 যাহা ফেলে দাও রঙ্গে
 রয়, রয়, রয় ॥”

এ মোর যাত্রীর বাঁশি
 বজ্রার উদ্দাম হাসি
 নিয়ে গাঁথে সুর—
 বলে সে, “বাসনা অন্ধ,
 নিশ্চল শৃঙ্খল-বন্ধ
 দূর, দূর, দূর ।”
 গাহে “পশ্চাতের কীর্তি,
 সম্মুখের আশা,
 তা'র মধ্যে ফেঁদে ভিত্তি
 বাঁধিস্নে বাসা ।
 নে তোর মৃদঙ্গে শিখে
 তরঙ্গের ছন্দটিকে,
 বৈরাগীর নৃত্যভঙ্গী চঞ্চল সিক্কুর ।

যত লোভ, যত শঙ্কা,
দাসত্বের জয়-ডঙ্কা
দূর, দূর, দূর ॥”

এসো গো ধ্বংসের নাড়া,
পথ-ভোলা, ঘর-ছাড়া,
এসো গো ছুজ্জয়।
ঝাপটি মৃত্যুর ডানা
শূন্যে দিয়ে যাও হানা—
“নয়, নয়, নয়।”

আবেশের রসে মত্ত
আবাম-শয্যায়
বিজড়িত যে-জড়ত্ব
মজ্জায় মজ্জায়,—
কার্পণ্যের বন্ধ দ্বারে,
সংগ্রহের অন্ধকাবে
যে আত্ম-সঙ্কোচ নিত্য গুপ্ত হ’য়ে রয়,
হানো তা’রে, হে নিঃশঙ্ক,
ঘোষুক তোমার শঙ্খ—
“নয়, নয়, নয় ॥”

আগুস্ট জাহাজ,
২৪ অক্টোবর, ১৯২৪।

পদধ্বনি

আঁধারে প্রচ্ছন্ন ঘন বনে
আশঙ্কার পরশনে
হরিণের থরথর ছুৎপিণ্ড যেমন—
সেই-মতো রাত্রি দ্বিপ্রহরে
শয্যা মোর ক্ষণতরে
সহসা কাঁপিল অকারণ ।
পদধ্বনি, কার পদধ্বনি
শুনিবু তখনি ?
মোর জন্ম-নক্ষত্রের অদৃশ্য জগতে
মোর ভাগ্য মোর তরে বার্তা ল'য়ে ফিরিছে কি পথে ?
পদধ্বনি, কার পদধ্বনি ?
অজানার যাত্রী কে গো ? ভয়ে কেঁপে উঠিল ধরণী ।

এই কি নিশ্চয় সেই যে আপন চরণের তলে
 পদে পদে চির দিন
 উদাসীন
 পিছনের পথ মুছে চলে ?
 এ কি সেই নিত্য শিশু, কিছু নাহি চাহে,—
 নিজের খেলনা-চূর্ণ
 ভাসাইছে অসম্পূর্ণ
 খেলাব প্রবাহে ?
 ভাঙিয়া স্বপ্নের ঘোর,
 ছিঁড়ি' মোর
 শয্যার বন্ধন মোহ, এ বাত্রি বেলায়
 মোরে কি করিবে সঙ্গী প্রলয়ের ভাসান-খেলায় ?
 হোক তাই
 ভয় নাই, ভয় নাই,
 এ খেলা খেলেছি বারম্বার
 জীবনে আমাব ।
 জানি, জানি, ভাঙিয়া নূতন করে তোলা ;
 ভুলায়ে পূর্বের পথ অপূর্বের পথে দ্বার খোলা ;
 বাঁধন গিয়েছে যবে চুকে
 তা'রি ছিন্ন রসিগুলি কুড়ায়ে কোঁতুকে

বার বার গাঁথা হ'লো দোলা ।
 নিয়ে যত মুহূর্তের ভোলা
 চির-স্মরণের ধন
 গোপনে হ'য়েছে আয়োজন ।
 পদধ্বনি, কার পদধ্বনি
 চিরদিন শুনেছি এমনি
 বারেবারে ?
 একি বাজে মৃত্যু-সিঙ্কু-পারে ?
 একি মোর আপন বন্ধেতে ?
 ভাকে মোরে ক্ষণে ক্ষণে কিসের সন্ধেতে ?
 তবে কি হবেই যেতে ?
 সব বন্ধ করিব ছেদন ?
 ওগো কোন্ বন্ধু তুমি, কোন্ সঙ্গী দিতেছে বেদন
 বিচ্ছেদের তীর হ'তে ?
 তরী কি ভাসাবো স্রোতে ?
 হে বিরহী,
 আমার অন্তরে দাও কহি'
 ডাকো মোরে কি খেলা খেলাতে
 আতঙ্কিত নিশীথ বেলাতে ?

বারে বারে দিয়েছে নিঃসঙ্গ করি' ;
 এ শূন্য প্রাণের পাত্র কোন্ সঙ্গসুখা দিয়ে ভরি'
 তুলে নেবে মিলন-উৎসবে ?
 সূর্য্যাস্তের পথ দিয়ে যবে
 সঙ্ঘাতারা উঠে আসে নক্ষত্র-সভায়,
 প্রহর না যেতে যেতে
 কি সঙ্কেতে
 সব সঙ্গ ফেলে রেখে অন্তপথে ফিরে চ'লে যায় ?
 সেও কি এমনি
 শোনে পদধ্বনি ?
 তা'রে কি বিরহী
 বলে কিছু দিগন্তের অন্তরালে রহি ?
 পদধ্বনি, কার পদধ্বনি ?
 দিনশেষে
 কম্পিত বক্ষের মাঝে এসে
 কি শব্দে ডাকিছে কোন্ অজানা রজনী ?

আণ্ডেজ্ জাহাজ,
 ২৪ অক্টোবর, ১৯২৪ ।

প্রকাশ

খুঁজতে যখন এলাম সেদিন কোথায় তোমার গোপন অশ্রুজল,
সে পথ আমায় দাওনি তুমি ব'লে ।
বাহির দ্বারে অধীর খেলা, ভিড়ের মাঝে হাসির কোলাহল,
দেখে এলেম চ'লে ।
এই ছবি মোর ছিল মনে,—
নির্জ্জন মন্দিরের কোণে
দিনের অবসানে
সন্ধ্যা-প্রদীপ আছে চেয়ে ধ্যানের চোখে সন্ধ্যা-তারার পানে ।
নিভৃত ঘর কাহার লাগি'
নিশীথ রাতে র'ইলো জাগি',
খুল্লো না তা'র দ্বার ।
হে চঞ্চলা, তুমি বুঝি
আপ্নিও পথ পাওনি খুঁজি',
তোমার কাছে সে ঘর অন্ধকার ॥

জানি তোমার নিকুঞ্জে আজ পলাশ শাখায় রঙের নেশা লাগে,
 আপন গন্ধে বকুল মাতোয়ারা ।
 কাঙাল সুরে দখিন বাতাস বনে বনে গুপ্ত কি ধন মাগে,
 বেড়ায় নিজ্রাহাবা ।
 হায় গো তুমি জানো না যে
 তোমার মনেব তীর্থ-মাঝে
 পূজা হয়নি আজো ।
 দেবতা তোমার বুভুক্ষিত, মিথ্যা-ভুষায় কি সাজ তুমি সাজো ।
 হ'লো সুরের শয়ন পাতা,
 কণ্ঠ-হাবেব মানিক গাঁথা,
 প্রমোদ রাতের গান,
 হয়নি কেবল চোখের জলে
 লুটিয়ে মাথা ধুলার তলে
 আপন ভোলা সকল-শেষের-দান ॥

ভোলাও যখন, তখন সে কোন্‌ মায়ার ঢাকা পড়ে তোমার পরে ;
 ভুলবে যখন, তখন প্রকাশ পাবে,—
 উষার মতো অমল হাসি জাগবে তোমার আঁখির নীলাশ্বরে
 গভীর অন্ধুভাবে ।

ভোগ সে নহে, নয় বাসনা,
 নয় আপনার উপাসনা,
 নয়কো অভিমান ;
 সরল প্রেমের সহজ প্রকাশ, বাইরে যে তা'র নাইরে পরিমাণ ।
 আপন প্রাণের চরম কথা
 বুঝবে যখন, চঞ্চলতা
 তখন হবে চূপ ।
 তখন দুঃখ-সাগর তীরে
 লক্ষ্মী উঠে আসবে ধীরে
 রূপের কোলে পরম অপরূপ ॥

আণ্ডেজ্ জাহাজ,
 ২৬ অক্টোবর, ১৯২৪ ।

শেষ

হে অশেষ, তব হাতে শেষ
ধরে কী অপূর্ব বেশ,
কী মহিমা !
জ্যোতিহীন সীমা
মৃত্যুর অগ্নিতে জ্বলি'
যায় গলি',
গ'ড়ে তোলে অসীমের অলঙ্কার ।
হয় সে অমৃত-পাত্র, সীমার ফুরালে অহঙ্কার ।
শেষের দীপালী রাত্রে, হে অশেষ
অমা-অঙ্ককার-রক্তে দেখা যায় তোমার উদ্দেশ ॥

ভোরের বাতাসে
শেফালি ঝরিয়া পড়ে ঘাসে,
তারা-হারা রাত্রির বীণার
চরম ঝঙ্কার ।

যামিনীর তল্লাহীন দীর্ঘ-পথ ঘুরি'
 প্রভাত-আকাশে চল্ল, করুণ মাধুরী
 শেষ ক'রে যায় তা'র,
 উদয়-সূর্য্যের পানে শাস্ত্র নমস্কার ।
 যখন কস্মের দিন
 স্নান ক্ষীণ,
 গোষ্ঠে-চলা ধেমুসম সন্ধ্যার-সমীরে
 চলে ধীরে আঁধারের তীরে—
 তখন সোনার পাত্র হ'তে
 কি অজস্র স্রোতে
 তাহারে করাও স্নান অস্ত্রিমের সৌন্দর্য্য-ধারায় ?
 যখন বর্ষার মেঘ নিঃশেষে হারায়
 বর্ষণের সকল সম্বল,
 শরতে শিশুর জন্ম দাও তা'রে শুভ্র সমুজ্জ্বল ।—
 হে অশেষ, তোমার অঙ্গনে
 ভার-যুক্ত তা'র সাথে ক্ষণে ক্ষণে
 খেলায়ে রঙের খেলা,
 ভাসায়ে আলোর ভেলা,
 বিচিত্র করিয়া তোলো তা'র শেষ বেলা ।

ক্লান্ত আমি তা'রি লাগি', অন্তর তৃষিত—
 কতদূরে আছে সেই খেলা-ভরা মুক্তির অমৃত ।
 বধু যথা গোধূলিতে শেষ ঘট ভ'রে,
 বেণু-চ্ছায়া-ঘন পথে অঙ্ককারে ফিরে যায় ঘরে,
 সেই মতো, হে সুন্দর, মোর অবসান
 তোমার মাধুরী হ'তে
 সুধা-স্রোতে
 ভ'রে নিতে চায় তা'র দিনান্তের গান ।
 হে ভীষণ, তব স্পর্শ-ঘাত
 অকস্মাৎ
 মোর গৃঢ় চিত্ত হ'তে কবে
 চরম বেদনা-উৎস মুক্ত করি' অগ্নি-মহোৎসবে
 অপূর্ণের যত দুঃখ, যত অসম্মান
 উচ্ছাসিত রুদ্র হাশ্বে করি' দিবে শেষ দীপ্যমান ॥

আণ্ডেস্ জাহাজ,
 ২৬ অক্টোবর, ১৯২৪ ।

দোসর

দোসর আমার, দোসর ওগো, কোথা থেকে
কোন শিশুকাল হ'তে আমায় গেলে ডেকে ।
তাই তো আমি চির-জনম একলা থাকি,
সকল বাঁধন টুটলো আমার, একটি কেবল রইলো বাকি—
সেই তো তোমার ডাকার বাঁধন, অলখ ডোরে
দিনে দিনে বাঁধুলো মোরে ॥

দোসর ওগো, দোসর আমার, সে ডাক তব
কত ভাষায় কয় যে কথা নব নব ।
চ'ম্কে উঠে ছুটি যে তাই বাতায়নে,
সকল কাজে বাধা পড়ে, ব'সে থাকি আপন মনে ;—
পারের পাখী আকাশে ধায় উধাও গানে
চেয়ে থাকি তাহাব পানে ॥

দোসর আমার, দোসর ওগো, যে বাতাসে
বসন্ত তা'র পুলক জাগায় ঘাসে ঘাসে,
ফুল-ফোটারো তোমার লিপি সেই কি আনে ?
গুঞ্জরিয়া মর্ম্মরিয়া কী ব'লে যায় কানে কানে,
কে যেন তা বোঝে আমার বক্ষতলে,
ভাসে নয়ন অশ্রুজলে ॥

দোসর ওগো, দোসর আমার, কোন সুদূরে
 ঘর-ছাড়া মোর ভাবনা বাউল বেড়ায় ঘুরে।
 তা'রে যখন শুধাই, সে তো কয় না কথা,
 নিয়ে আসে স্তব্ধ গভীর নীলাশ্বরের নীরবতা।
 একতারা তা'র বাজায় কভু গুণ্গুণিয়ে,
 রাত কেটে যায় তাই শুনিয়ে ॥

দোসর ওগো, দোসর আমার, উঠলো হাওয়া,—
 এবার তবে হোক আমাদের তরী বাওয়া।
 দিনে দিনে পূর্ণ হ'লো ব্যথার বোঝা,
 তীরে তীরে ভাঙন লাগে, মিথ্যে কিসের বাসা খোঁজা।
 একে একে সকল রসি গেছে খুলে,
 ভাসিয়ে এবার দাও অকূলে ॥

দোসর ওগো, দোসর আমার, দাওনা দেখা,
 সময় হ'লো একার সাথে মিলুক একা।
 নিবিড় নীরব অন্ধকারে রাতের বেলায়
 অনেক দিনের দূরের ডাকা পূর্ণ করো কাছের খেলায়।
 তোমায় আমায় নতুন পালা হোক না এবার
 হাতে হাতে দেবার নেবার ॥

আগেষ্ জাহাজ,
 ২৮ অক্টোবর, ১৯২৪।

অবসান

পারের ঘাটা পাঠালো তরী ছায়ার পাল তুলে

আজি আমার প্রাণের উপকূলে ।

মনের মাঝে কে কয় ফিরে ফিরে—

বাঁশির সুরে ভরিয়া দাও গোধূলি আলোটিরে ।

সাঁঝের হাওয়া করুণ হোক দিনের অবসানে

পাড়ি দেবার গানে ॥

সময় যদি এসেছে তবে সময় যেন পাই,

নিভৃত খনে আপন মনে গাই ।

আভাস যত বেড়ায় ঘুরে মনে —

অশ্রু-ঘন কুহেলিকায় লুকায় কোণে কোণে,—

আজিকে তা'রা পড়ুক ধরা, মিলুক পূরবীতে

একটি সঙ্গীতে ॥

সন্ধ্যা মম, কোন্ কথ্যটি প্রাণের কথা তব,
বলো, কী আমি কবো ।

দিনের শেষে যে ফুল পড়ে ঝরে
তাহারি শেষ নিঃশ্বাসে কি বাঁশিটি নেবো ভরে ?
অথবা ব'সে বাঁধিব সুর যে-তার। ওঠে বাতে
তাহারি মহিমাতে ॥

সন্ধ্যা মম, যে পাব হ'তে ভাসিল মোব তরী
গাবো কি আজি বিদায় গান ওরি ?
অথবা সেই অদেখা দূব পাবে
প্রাণের চিরদিনের আশা পাঠাবো অজানারে ?
বলিব,—যত হাবানো বাণী তোমাব রজনীতে
চলিছে খুঁজে নিতে ॥

আগুস্ত জাহাজ,
৩০ অক্টোবর, ১৯২৪ ।

তারা

আকাশ-ভরা তারার মাঝে আমার তারা কই ?

ওই হবে কি ওই ?

রাঙা আভার আভাস মাঝে, সন্ধ্যা-রবির রাগে
সিঁদু-পারের ঢেউয়ের ছিটে ওই যাহারে লাগে,
ওই যে লাজুক আলোখানি, ওই যে গো নাম-হারা,
ওই কি আমার হবে আপন তারা ?

জোয়ার ভাঁটার স্রোতের টানে আমার বেলা কাটে
কেবল ঘাটে ঘাটে ।

এমনি ক'রে পথে পথে অনেক হ'লো খোঁজা,
এমনি ক'রে হাটে হাটে জমলো অনেক বোঝা ;—
ইমনে আজ বাঁশি বাজে, মন যে কেমন করে
আকাশে মোর আপন তারার তরে ।

দূরে এসে তা'র ভাষা কি ভুলেছি কোন্-খনে ?
 প'ড়বে না কি মনে ?
 ঘরে-ফেরার প্রদীপ আমার রাখলো কোথায় জ্বলে
 পথে-চাওয়া করুণ চোখের কিরণখানি মেলে ?
 কোন্ রাত্রে যে মেটাবে মোর তপ্ত দিনের তৃষা,
 খুঁজে খুঁজে পাবো না তা'র দিশা ?

ক্ষণে ক্ষণে কাজের মাঝে দেয়নি কি দ্বার নাড়া—
 পাইনি কি তা'র সাভা ?
 বাতায়নের মুক্ত-পথে স্বচ্ছ শরৎ রাত্রে
 তা'র আলোটি মেশেনি কি মোর স্বপনের সাথে ?
 হঠাৎ তা'রি সুরখানি কি ফাগুন হাওয়া বেয়ে
 আসেনি মোর গানের পরে ধেয়ে ?

কানে-কানে কথাটি তা'র অনেক স্মৃথে ছুখে
 বেজেছে মোর বুকে ।
 মাঝে মাঝে তা'রি বাতাস আমার পালে এসে
 নিয়ে গেছে হঠাৎ আমায় আন্-মনাদের দেশে,
 পথ-হারানো বনের ছায়ায় কোন্ মায়াতে ভুলে
 গৌথেছি হার নাম-না-জানা ফুলে ।

আমার তারার মন্ত্র নিয়ে এলেন ধরাতলে
লক্ষ্য-হারার দলে ।

বাসায় এলো পথের হাওয়া, কাজের মাঝে খেলা,
ভাস্কর্য ভিড়ের মুখের স্রোতে একলা প্রাণের ভেলা,
বিচ্ছেদেরি লাগলো বাদল মিলন-ঘন রাতে
বাঁধন-হারা শ্রাবণ-ধারা পাতে ।

ফিরে যাবার সময় হ'লো তাইতো চেয়ে রই,
আমার তারা কই ?
গভীর রাতে প্রদীপগুলি নিবেছে এই পারে
বাসা-হারা গন্ধ বেড়ায় বনের অন্ধকারে ;
সুর ঘুমালো নীরব নীড়ে, গান হ'লো মোর সারা,
কোন্ আকাশে আমার আপন তারা ?

আণ্ডেস্ জাহাজ,
১ নভেম্বর, ১৯২৪ ।

কৃতজ্ঞ

ব'লেছিলাম “ভুলিব না”, যবে তব ছল-ছল আঁখি
নীরবে চাহিল মুখে । ক্ষমা কোরো যদি ভুলে থাকি ।
সে যে বহুদিন হ'লো । সেদিনের চুস্বনের পরে
কত নব বসন্তের মাধবী-মঞ্জরী থরে থরে
শুকায়ে পড়িয়া গেছে ; মধ্যাহ্নের কপোত-কাকলি
তা'রি পরে ক্লান্ত ঘুম চাপা দিয়ে এলো গেলো চলি'
কতদিন ফিরে ফিরে । তব কালো নয়নের দিঠি
মোর প্রাণে লিখেছিলো প্রথম প্রেমের সেই চিঠি
লজ্জাভয়ে ; তোমার সে হৃদয়ের স্বাক্ষরের পরে
চঞ্চল আলোক ছায়া কত কাল প্রহরে প্রহরে
বুলায়ে গিয়েছে তুলি, কত সন্ধ্যা দিয়ে গেছে এঁকে
তা'রি পরে সোনার বিস্মৃতি, কত রাত্রি গেছে রেখে
অস্পষ্ট রেখার জালে আপনার স্বপনলিখন,
তাহারে আচ্ছন্ন করি । প্রতি মুহূর্তটি প্রতিক্ষণ
বাঁকা-চোর; নানা চিন্তে চিন্তাহীন বালকের প্রায়
আপনার স্মৃতি-লিপি চিত্ত-পটে এঁকে এঁকে যায়,
লুপ্ত করি' পরস্পরে বিস্মৃতির জাল দেয় বুনে ।
সেদিনের ফাস্কনের বাণী যদি আজি এ ফাস্কনে
ভুলে থাকি, বেদনার দীপ হ'তে কখন নীরবে
অগ্নিশিখা নিবে গিয়ে থাকে যদি, ক্ষমা কোরো তবে ।

তবু জানি, এক দিন তুমি দেখা দিয়েছিলে ব'লে
 গানের ফসল মোর এ জীবনে উঠেছিলো ফ'লে,
 আজো নাই শেষ ; রবির আলোক হ'তে একদিন
 ধনিয়া তুলেছে তা'র মর্ষবাণী, বাজায়েছে বীণ
 তোমার আঁখির আলো । তোমার পরশ নাই আর,
 কিন্তু কি পরশ-মণি রেখে গেছে। অন্তরে আমার,—
 বিশ্বের অমৃত-ছবি আজিও তো দেখা দেয় মোরে
 ক্ষণে ক্ষণে,—অকারণ আনন্দের সুধাপাত্র ভ'রে
 আমারে করায় পান । ক্ষমা কোরে যদি ভুলে থাকি ।
 তবু জানি একদিন তুমি মোরে নিয়েছিলে ডাকি'
 হৃদি-মাঝে ; আমি তাই আমার ভাগ্যেরে ক্ষমা করি,—
 যত ছুঁখে যত শোকে দিন মোর দিয়েছে সে ভরি'
 সব ভুলে গিয়ে । পিপাসার জল-পাত্র নিয়েছে সে
 মুখ হ'তে, কতবার ছলনা ক'রেছে হেসে হেসে,
 ভেঙেছে বিশ্বাস, অকস্মাৎ ডুবিয়েছে ভরা তরী
 তীরের সম্মুখে নিয়ে এসে,—সব তা'র ক্ষমা করি ।
 আজ তুমি আর নাই, দূর হতে গেছে তুমি দূরে,
 বিধুর হয়েছে সন্ধ্যা মুছে-ঘাওয়া তোমার সিন্দূরে,
 সঙ্গীহীন এ জীবন শূন্যঘরে হয়েছে শ্রী-হীন,
 সব মানি,—সব চেয়ে মানি তুমি ছিলে একদিন ॥

আণ্ডেস্ জাহাজ,

২ নবেম্বর, ১৯২৪ ।

দুঃখ-সম্পদ

দুঃখ, তব যন্ত্রণায় যে-হৃদ্দিনে চিস্ত উঠে ভরি',
দেহে মনে চতুর্দিকে তোমার প্রহরী
রোধ করে বাহিরের সাস্থনার দ্বার,
সেইক্ষণে প্রাণ আপনার
নিগূঢ় ভাণ্ডার হ'তে গভীর সাস্থনা
বাহির করিয়া আনে ; অমৃতের কণা
গ'লে আসে অশ্রুজলে ;
সে-আনন্দ দেখা দেয় অস্তরের তলে
যে আপন পরিপূর্ণতায়
আপন করিয়া লয় দুঃখ-বেদনায় ।
তখন সে মহা অন্ধকারে
অনির্ব্বাণ আলোকের পাই দেখা অস্তর-মাঝারে ।
তখন বুঝিতে পারি আপনার মাঝে
আপন অমরাবতী চিরদিন গোপনে বিরাজে ॥

আণ্ডেস্ জাহাজ,
৪ নভেম্বর, ১৯২৪ ।

মৃত্যুর আহ্বান

জন্ম হ'য়েছিলো তোর সকলের কোলে

আনন্দ-কল্লোলে ।

নীলাকাশ, আলো, ফুল, পাখী,

জননীর আঁখি,

শ্রাবণের বৃষ্টি-ধারা, শরতের শিশিরের কণা,

প্রাণের প্রথম অভ্যর্থনা ।

জন্ম সেই

এক নিমিষেই

অন্তহীন দান,

জন্ম সে যে গৃহ-মাঝে গৃহীরে আহ্বান ॥

মৃত্যু তোর হোক দূরে নিশীথে নির্জনে,

হোক সেই পথে যেথা সমুদ্রের তরঙ্গ গর্জনে

গৃহহীন পথিকেরি

মৃত্যু-ছন্দে নিত্য-কাল বাজিতেছে ভেরী ।

অজানা অরণ্যে যেথা উঠিতেছে উদাস মন্দির,
 বিদেশের বিবাগী নির্ঝর
 বিদায় গানের তালে হাসিয়া বাজায় করতালি ।
 যেথায় অপরিচিত নক্ষত্রের আরতির থালি
 চলিয়াছে অনন্তের মন্দির সঙ্কানে,
 পিছু ফিরে চাহিবার কিছু যেথা নাই কোনোখানে ।
 ছয়ার রহিবে খোলা ; ধরিত্রীর সমুদ্র-পর্বত
 কেহ ডাকিবে না কাছে, সকলেই দেখাইবে পথ ।
 শিয়রে নিশীথ-রাত্রি রহিবে নির্ঝরক,
 মৃত্যু সে যে পথিকেরে ডাক ॥

আগুস্ট জাহাজ,

৪ নভেম্বর, ১৯২৪ ।

দান

কাঁকন-জোড়া এনে দিলেম যবে
ভেবেছিলেম হয় তো খুসি হবে।
তুলে তুমি নিলে হাতের পরে,
ঘুরিয়ে তুমি দেখলে ক্ষণেক তরে,
প'রেছিলে হয়-তো গিয়ে ঘরে,
হয় তো বা তা রেখেছিলে খুলে।
এলে যেদিন বিদায় নেবার রাতে
কাঁকন দুটী দেখি নাই তো হাতে,
হয়-তো এলে ভুলে ॥

দেয় যে জনা কি দশা পায় তাকে ?
দেওয়ার কথা কেনই মনে রাখে ?
পাকা যে ফল পড়লো মাটির টানে
শাখা আবার চায় কি তাহার পানে ?
বাতাসেতে উড়িয়ে-দেওয়া গানে
তা'রে কি আর স্মরণ করে পাখী ?
দিতে যারা জানে এ সংসারে
এমন ক'রেই তা'রা দিতে পারে
কিছু না রয় বাকি ॥

নিতে যারা জানে তা'রাই জানে,
 বোঝে তা'রা মূল্যটি কোন্-খানে।
 তা'রাই জানে বৃকের রক্ত-হারে
 সেই মণিটি ক'জন দিতে পারে
 হৃদয় দিয়ে দেখিতে হয় যারে
 যে পায় তা'বে পায় সে অবহেলে।
 পাওয়াব মতন পাওয়া যা'রে কহে
 সহজ ব'লেই সহজ তাহা নহে,
 দৈবে তা'রে মেলে ॥

ভাবি যখন ভেবে না পাই তবে
 দেবার মতো কী আছে এই ভবে।
 কোন্ খনিতে কোন্ ধন-ভাণ্ডারে,
 সাগর-তলে কিম্বা সাগর-পারে,
 যক্ষরাজের লক্ষ মণির হারে
 যা আছে তা কিছুই তো নয়, প্রিয়ে।
 তাই-তো বলি যা কিছু মোর দান
 গ্রহণ ক'রেই কর্বে মূল্যবান,
 আপন হৃদয় দিয়ে ॥

আণ্ডল্ জাহাজ,
 ৩ নভেম্বর, ১৯২৪।

সমাপন

এবারের মতো করো শেষ
প্রাণে যদি পেয়ে থাকো চরমের পরম উদ্দেশ ;
যদি অবসান স্তম্ভুর
আপন বীণার তারে সকল বেসুর
সুরে বেঁধে তুলে থাকে ;
অস্ত-রবি যদি তোরে ডাকে
দিনেরে মাঠেঃ ব'লে যেমন সে ডেকে নিয়ে যায়
অন্ধকার অজানায় ;
সুন্দরের শেষ অর্চনায়
আপনার রশ্মিচ্ছটা সম্পূর্ণ করিয়া দেয় সারা ;
যদি সন্ধ্যা-তারা
অসীমের বাতায়ন-তলে
শান্তির প্রদীপ-শিখা দেখায় কেমন ক'রে জ্বলে ;
যদি রাত্রি তা'র
খুলে দেয় নীরবের দ্বার,
নিয়ে যায় নিঃশব্দ সঙ্কেতে ধীরে ধীরে
সকল বাণীর শেষ সাগর-সঙ্গম তীর্থ-তীরে ;
সেই শতদল হ'তে যদি গন্ধ পেয়ে থাকো তা'র
মানস সরসে যাহা শেষ অর্ঘ্য, শেষ নমস্কার ॥

আগুস্ত জাহাজ,

৫ নভেম্বর, ১৯২৪ ।

ভাবী কাল

ক্ষমা কোরো যদি গর্ব-ভরে
মনে মনে ছবি দেখি,—মোর কাব্যখানি ল'য়ে করে
দূর ভাবী শতাব্দীর অগ্নি সপ্তদশী
একেলা পড়িছ তব বাতায়নে বসি' ।
আকাশেতে শশী
ছন্দের ভরিয়া রক্ত ঢালিছে গভীর নীরবতা
কথার অতীত সুরে পূর্ণ করি কথা ;
হয়তো উঠিছে বক্ষ নেচে
হয়-তো ভাবিছো, “যদি থাকিত সে বেঁচে,
আমারে বাসিত বুঝি ভালো ।”
হয়-তো বলিছ মনে, “সে নাহি আসিবে আর কভু,
তা'রি লাগি” তবু
মোর বাতায়ন তলে আজ রাত্রে জ্বলিলাম আলো ।”

আগুস্ট জাহাজ,
৬ অক্টোবর, ১৯২৪ ।

অতীত কাল

সেই ভালো প্রতি যুগ আনে না আপন অবসান,
সম্পূর্ণ করে না তা'র গান ;
অতৃপ্তির দীর্ঘ-শ্বাস রেখে দিয়ে যায় সে বাতাসে ।
তাই যবে পরযুগে বাঁশির উচ্ছ্বাসে
বেজে ওঠে গানখানি
তা'র মাঝে সুদূরের বাণী
কোথায় লুকায়ে থাকে, কি বলে সে বুঝিতে কে পারে ;
যুগান্তরের ব্যথা প্রত্যাহের ব্যথার মাঝারে
মিলায় অশ্রুর বাষ্পজাল ;
অতীতের সূর্য্যাস্তের কাল
আপনার সকল বর্ণ-ছটা মেলে
মৃত্যুর ঐশ্বর্য্য দেয় ঢেলে,
নিমেষের বেদনারে করে সুবিপুল ।
তাই বসন্তের ফুল
নাম-ভুলে-যাওয়া
প্রেয়সীর নিঃশ্বাসের হাওয়া
যুগান্তর সাগরের দ্বীপান্তর হ'তে বহি' আনে ।
যেন কি অজানা ভাষা মিশে যায় প্রণয়ীর কানে
পরিচিত ভাষাটির সাথে,—
মিলনের রাতে ॥

আগেই জাহাজ,

৭ নভেম্বর, ১৯২৪ ।

বেদনার লীলা

গানগুলি বেদনার খেলা যে আমার,
কিছুতে ফুরায় না সে আর ।
যেখানে স্রোতের জল গীড়নের পাকে
আবর্তে ঘুরিতে থাকে,—
সূর্য্যের কিরণ সেথা নৃত্য করে ;—
ফেন-পুঞ্জ স্তরে স্তরে
দিবারাতি
রঙের খেলায় ওঠে মাতি ।
শিশু রুদ্র হাসে খল খল,
দোলে টল মল
লীলাভরে ।
প্রচণ্ডের সৃষ্টিগুলি প্রহরে প্রহরে
ওঠে পড়ে আসে যায় একান্ত হেলায়,
নিরর্থ খেলায় ।
গানগুলি সেই-মতো বেদনার খেলা যে আমার,
কিছুতে ফুরায় না সে আর ॥

আগস্টে জাহাজ,

৭ নভেম্বর, ১৯২৪ ।

শীত

কেন শীতের হাওয়া হঠাৎ ছুটে এলো
গানের বেলা শেষ না হ'তে হ'তে ?
আমার মনের কথা ছড়িয়ে এলোমেলো
ভাসিয়ে দিলো শুকনো পাতার স্রোতে ।
আমার মনের কথা যত
তা'রা উজান তরীর মতো ;
পালে যখন হাওয়ার বলে
মরণ-পারে নিয়ে চলে,
চোখের জলের স্রোত যে তাদের টানে
পিছু ঘাটের পানে
যেথায় তুমি, প্রিয়ে,
একলা ব'সে আপন মনে
অঁচল মাথায় দিয়ে ॥

কেন ঘোরে তা'রা শুকনো পাতার পাকে,
কাঁপন-ভরা হিমের বায়ুভরে ?
কেন ঝরা ফুলের পাপড়ি তা'দের ঢাকে,
লুটায় কেন মরা ঘাসের পরে ?
তাদের হ'লো কি দিন সারা ?
এখন বিদায় নেবে তা'রা ?

এবার বুঝি কুয়াশাতে
 লুকিয়ে তা'রা পোউষ রাতে
 ধুলার ডাকে সাড়া দিতে চলে
 যেথায় ভূমিতলে
 একলা তুমি, প্রিয়ে,
 ব'সে আছো আপন মনে
 অঁচল মাথায় দিয়ে ?
 আমার মন যে বলে, নয় কখনই নয়,
 ফুরায়নি তো, ফুরাবার এই ভান ;
 আমার মন যে বলে, শুনি আকাশময়
 যাবার মুখে, ফিরে আসার গান ।
 আমার ভরা-মনের কথা ;
 তাদের শীর্ণ শীতের লতা
 হিমের রাতে লুকিয়ে রাখে
 নগ্ন শাখার ফাঁকে ফাঁকে,
 ফাস্তনেতে ফিরিয়ে দেবে ফুলে
 তোমার চরণ মূলে
 যেথায় তুমি, প্রিয়ে,
 একলা ব'সে আপন মনে
 অঁচল মাথায় দিয়ে ॥

বুয়েনোস্ এয়ারিস্,
 ১০ নভেম্বর, ১৯২৪ ।

কিশোর প্রেম

অনেক দিনের কথা সে যে অনেক দিনের কথা ;
পুরানো এই ঘাটের ধারে
ফিরে এলো কোন্ জোয়ারে
পুরানো সেই কিশোর প্রেমের করুণ ব্যাকুলতা ?
সে যে অনেক দিনের কথা ॥

আজকে মনে প'ড়েছে সেই নির্জ্জন অঙ্গন ।
সেই প্রদোষের অন্ধকারে
এলো আমার অধর পারে
ক্লান্ত ভীকু পাখীর মতো কল্পিত চুস্বন ।
সেদিন নির্জ্জন অঙ্গন ॥

তখন জানা ছিল না তো ভালোবাসার ভাষা ।
যেন প্রথম দখিন বায়ে
শিহর লেগেছিলো গায়ে ;
চাঁপা কুঁড়ির বকের মাঝে অস্ফুট কোন্ আশা,
সে যে অজানা কোন্ ভাষা ॥

সেই সেদিনের আসা-যাওয়া, আধেক জানাজানি,
হঠাৎ হাতে হাতে ঠেকা,
বোবা চোখের চেয়ে দেখা,

মনে পড়ে ভীৰু হিয়ার না-বলা সেই বাণী,
সেই আধেক জানাজানি ॥

এই জীবনে সেই তো আমার প্রথম ফাগুন মাস।
ফুটলো না তা'র মুকুলগুলি,
শুধু তা'রা হাওয়ায় ছলি'
অবেলাতে ফেলে গেছে চরম দীর্ঘশ্বাস,
আমার প্রথম ফাগুন মাস ॥

ঝ'রে-পড়া সেই মুকুলের শেষ-না-করা কথা
আজকে আমার স্নবে গানে
পায় খুঁজে তা'র গোপন মানে,
আজ বেদনায় উঠলো ফুটে তা'র সে-দিনের ব্যথা,
সেই শেষ-না-করা কথা ॥

পারে যাওয়ার উধাও পাখী সেই কিশোরের ভাষা,
প্রাণের পারের কুলায় ছাড়ি'
শূন্য আকাশ দিলো পাড়ি,
আজ এসে মোর স্বপন মাঝে পেয়েছে তা'র বাসা,
আমার সেই কিশোরের ভাষা ॥

বুয়েনোস্ এয়ারিস্ ,
১১ নভেম্বর, ১৯২৪।

প্রভাত

স্বর্ণ-সুধা-ঢালা এই প্রভাতের বৃকে
যাপিলাম স্নেহে,
পরিপূর্ণ অবকাশ করিলাম পান ।
মুদিল অলস পাখা মুগ্ধ মোর গান ।
যেন আমি নিস্তরক মৌমাছি
আকাশ-পথের মাঝে একান্ত একেলা ব'সে আছি ।
যেন আমি আলোকের নিঃশব্দ নির্ঝরে
মহুর মুহূর্ত্তগুলি ভাসায়ে দিতেছি লীলাভরে ।
ধরণীর বক্ষ ভেদি' যেথা হ'তে উঠিতেছে ধারা
পুষ্পের ফোয়ারা,
তৃণের লহরী,
সেখানে হৃদয় মোর রাখিয়াছি ধরি' ;
ধীরে চিত্ত উঠিতেছে ভরি'

সৌরভের শ্রোতে ।
 ধূলি-উৎস হ'তে
 প্রকাশের অক্লান্ত উৎসাহ,
 জন্ম-মৃত্যু-তরঙ্গিত রূপের প্রবাহ
 স্পন্দিত করিছে মোর বক্ষস্থল আজি ।
 রক্তে মোর উঠে বাজি'
 তরঙ্গের অরণ্যের সম্মিলিত স্বর,
 নিখিল মর্শ্বর ।
 এ বিশ্বের স্পর্শের সাগর
 আজ মোর সর্ব্ব অঙ্গ ক'রেছে মগন ।
 এই স্বচ্ছ উদার গগন
 বাজায় অদৃশ্য শব্দ শব্দহীন সুর ।
 আমার নয়নে মনে ঢেলে দেয় সুনীল সূদূর ॥

বুয়েনোস্ এয়ারিস্,
 ১১ নভেম্বর, ১৯২৪ ।

বিদেশী ফুল

হে বিদেশী ফুল, যবে আমি পুছিলাম—

“কী তোমার নাম”,

হাসিয়া ছললে মাথা, বুঝিলাম তবে

নামেতে কী হবে।

আর কিছু নয়,

হাসিতে তোমার পরিচয় ॥

হে বিদেশী ফুল, যবে তোমারে বুকের কাছে ধ’রে

শুধালেম, বলো বলো মোরে

কোথা তুমি থাকো,

হাসিয়া ছললে মাথা, কহিলে, “জানি না, জানি নাকো”।

বুঝিলাম তবে
 গুনিয়া কী হবে
 থাকো কোন্ দেশে ।
 যে তোমারে বোঝে ভালোবেসে
 তাহার হৃদয়ে তব ঠাঁই,
 আর কোথা নাই ॥

হে বিদেশী ফুল, আমি কানে কানে শুধানু আবার,
 “ভাষা কী তোমার ?”
 হাসিয়া ছুলালে শুধু মাথা,
 চারিদিকে মশ্মরিল পাতা ।
 আমি কহিলাম, “জানি, জানি,
 সৌরভের বাণী
 নীরবে জানায় তব আশা ।
 নিঃশ্বাসে ভ’রেছে মোর সেই তব নিশ্বাসের ভাষা” ॥

হে বিদেশী ফুল, আমি যেদিন প্রথম এমু ভোরে—
 শুধালেম, “চেনো তুমি মোরে ?”
 হাসিয়া ছুলালে মাথা, ভাবিলাম, তাহে এক রতি
 নাহি কারো ক্ষতি ।

কহিলাম, বোঝোনি কি তোমার পরশে
 হৃদয় ভ'রেছে মোর রসে ?
 কেই বা আমারে চেনে এর চেয়ে বেশি,
 হে ফুল বিদেশী ॥

হে বিদেশী ফুল, যবে তোমারে শুধাই, বলো দেখি,
 মোরে ভুলিবে কি ?
 হাসিয়া ছুলাও মাথা ; জানি জানি মোরে ক্ষণে ক্ষণে
 পড়িবে যে মনে ।
 দুই দিন পরে
 চ'লে যাবো দেশান্তরে,
 তখন দূরের টানে স্বপ্নে আমি হবো তব চেনা ;—
 মোরে ভুলিবে না ॥

নুয়েনোস্ এয়ারিস্,
 ১২ নভেম্বর, ১৯২৪ ।

অতিথি

প্রবাসের দিন মোর পরিপূর্ণ করি' দিলে, নারী,
মাধুর্য্য সুধায় ; কত সহজে করিলে আপনারি
দূর-দেশী পথিকেরে ; যেমন সহজে সঙ্ক্যাকাশে
আমার অজানা তারা স্বর্গ হ'তে স্থির স্নিগ্ধ হাসে
আমারে করিল অভ্যর্থনা ; নির্জ্জন এ বাতায়নে
একেলা দাঁড়িয়ে যবে চাহিলাম দক্ষিণ গগনে
উর্দ্ধ হ'তে একতানে এলো প্রাণে আলোকেরি বাণী,—
শুনিহু গম্ভীর স্বর, “তোমাবে যে জানি মোরা জানি ;
আঁধারের কোল হ'তে যেদিন কোলেতে নিলো ক্ষিতি
মোদের অতিথি তুমি, চিরদিন আলোর অতিথি ।”
তেমনি তারার মতো মুখে মোর চাহিলে, কল্যাণী,
কহিলে তেমনি স্বরে, “তোমাবে যে জানি আমি জানি ।”
জানি না তো ভাষা তব, হে নারী, শুনেছি তব গীতি,
“প্রেমের অতিথি কবি, চিরদিন আমারি অতিথি ।”

বুয়েনোস্‌ এয়াবিস্ ,

১৫ নভেম্বর, ১৯২৪ ।

অন্তর্হিতা

প্রদীপ যখন নিবেছিলো,
 আঁধার যখন রাত্তি,
দুয়ার যখন বন্ধ ছিলো,
 ছিলো না কেউ মাথী ।
মনে হ'লো অন্ধকারে
 কে এসেছে বাহির দ্বারে,
মনে হ'লো গুনি যেন
 পায়ের ধ্বনি কার,
রাতের হাওয়ায় বাজ'লো বুঝি
 কঙ্কণ-ঝঙ্কার ॥

বারেক শুধু মনে হ'লো
 খুলি, দুয়ার খুলি ।
ক্ষণেক পরে ঘুমের ঘোরে
 কখন গেছু ভুলি' ।
“কোন্ অতিথি দ্বারের কাছে
 একলা রাতে ব'সে আছে ?”
ক্ষণে ক্ষণে তন্দ্রা ভেঙে
 মন শুধালো যবে,
ব'লেছিলেম আর কিছু নয়,
 স্বপ্ন আমার হবে ॥

মাঝ-গগনে সপ্ত-ঋষি
 স্তব্ধ গভীর রাতে
 জান্‌লা হ'তে আমায় যেন
 ডাক্‌লো ইসারাতে ।
 মনে হ'লো, শয়ন ফেলে
 দিই না কেন আলো জ্বলে,
 আলসভরে রইলু শুয়ে
 হ'লো না দীপ জ্বালা ।
 প্রহর পরে কাটলো প্রহর,
 বন্ধ রইলো তালা ॥

জাগলো কখন দখিন হাওয়া
 কাঁপলো বনের হিয়া,
 স্বপ্নে কথা-কওয়ার মতো
 উঠলো মর্ম্মরিয়া ।
 যুথীর গন্ধ ক্ষণে ক্ষণে
 মুচ্ছিল মোর বাতায়নে,
 শিহর দিয়ে গেলো, আমার
 সকল অঙ্গ চুমে ।
 জেগে উঠে আবার কখন
 ভ'রলো নয়ন ঘুমে ॥

ভোরের তারা পূব-গগনে
 যখন হ'লো গত
 বিদায় রাতির একটি ফোঁটা
 চোখের জলের মতো,
 হঠাৎ মনে হ'লো তবে,
 যেন কাহার করুণ-রবে
 শিরীষ ফুলের গন্ধে আকুল
 বনের বীথি ব্যোপে
 শিশির-ভেজা তৃণগুলি
 উঠলো কেঁপে কেঁপে ॥

শয়ন ছেড়ে উঠে তখন
 খুলে দিলেম দ্বার,
 হায় রে, ধূলায় বিছিয়ে গেছে
 যুথীর মালা কার।
 ঐ যে দূরে, নয়ন নত
 বনের ছায়ায় ছায়ার মতো
 মায়ার মতো মিলিয়ে গেলো
 অরুণ আলোয় মিশে,
 ঐ বুঝি মোর বাহির দ্বারের
 রাতের অতিথি সে ॥

আজ হ'তে মোর ঘরের ছয়ার
 রাখবো খুলে রাতে ।
 প্রদীপখানি র'ইবে জ্বালা
 বাহির জানালাতে ।
 আজ হ'তে কার পরশ লাগি'
 পথ তাকিয়ে র'ইবো জাগি' ;
 আর কোনোদিন আসবে না কি
 আমার পরাণ ছেয়ে
 যুথীর মালার গন্ধখানি
 রাতের বাতাস বেয়ে ?

বুয়েনোস্ এয়ারিস্,
 ১৬ নভেম্বর, ১৯২৪ ।

আশঙ্কা

ভালোবাসার মূল্য আমায় ছুঁহাত ভ'রে
যতই দেবে বেশি ক'রে,
ততই আমার অন্তরের এই গভীর ফাঁকি
আপ্নি ধরা প'ড়বে না কি ?
তাহার চেয়ে ঋণের রাশি রিক্ত করি'
যাইনা নিয়ে শূন্য তরী ।
বরং রবো ক্ষুধায় কাতর ভালো সে-ও,
সুধায় ভরা হৃদয় তোমার
ফিরিয়ে নিয়ে চ'লে যেয়ো ॥

পাছে আমার আপন ব্যথা মিটাইতে
ব্যথা জাগাই তোমার চিতে,
পাছে আমার আপন বোঝা লাঘব তরে
চাপাই বোঝা তোমার পরে,
পাছে আমার একলা প্রাণের ক্ষুর ডাকে
রাত্রে তোমায় জাগিয়ে রাখে,
সেই ভয়েতেই মনের কথা কইনে খুলে ;
ভুলতে যদি পারো তবে
সেই ভালো গো যেয়ো ভুলে ॥

বিজন পথে চ'লেছিলেম, তুমি এলে
 মুখে আমার নয়ন মেলে ।
 ভেবেছিলেম বলি তোমায় সঙ্গে চলো,
 আমায় কিছু কথা বলো ।
 হঠাৎ তোমাব মুখে চেয়ে কী কাবণে
 ভয় হ'লো যে আমাব মনে ।
 দেখেছিলেম সুপ্ত আগুন লুকিয়ে জ্বলে
 তোমাব প্রাণের নিশীথ বাতের
 অন্ধকারেব গভীর তলে ॥

তপস্বিনী, তোমার তপের শিখাগুলি
 হঠাৎ যদি জাগিয়ে তুলি,
 তবে যে সেই দীপ্ত আলোয় আড়াল টুটে
 দৈন্ত আমাব উঠবে ফুটে ।
 হবি হবে তোমাব প্রেমের হোমায়িত্তে
 এমন কী মোর আছে দিতে ।
 তাই-তো আমি বলি তোমায় নত শিবে
 তোমাব দেখার স্মৃতি নিয়ে
 একলা আমি যাবো ফিরে ॥

বুয়েনোস্ এয়াবিস্,
 ১৭ নভেম্বর, ১৯২৪ ।

শেষ বসন্ত

আজিকার দিন না ফুরাতে
হবে মোর এ আশা পূরাতে—
শুধু এবারের মতো
বসন্তের ফুল যত
যাবো মোরা হুজনে কুড়াতে ।
তোমার কানন-তলে ফাঙ্কন আসিবে বারম্বার,
তাহারি একটি শুধু মাগি আমি ছয়ারে তোমার ॥

বেলা কবে গিয়াছে বুথাই
এত কাল ভুলে ছিনু তাই ।
ইঠাৎ তোমার চোখে
দেখিয়াছি সন্ধ্যালোকে
আমার সময় আর নাই ।
তাই আমি একে একে গণিতেছি কৃপণের সম
ব্যাকুল সঙ্কোচভরে বসন্ত-শেষের দিন মম ॥

ভয় রাখিয়ো না তুমি মনে ;
তোমার বিকচ ফুল-বনে
দেরি করিব না মিছে
ফিরে চাহিব না পিছে,
দিন শেষে বিদায়ের ক্ষণে ।

চাবো না তোমার চোখে আঁখি জল পাবো আশা করি',
রাখিবারে চিরদিন স্মৃতিবে করুণা রসে ভরি' ॥

ফিরিয়া যেয়োনা, শোনো শোনো,
সূর্য্য অস্ত যায়নি এখনো ।
সময় ব'য়েছে বাকি ;
সময়েবে দিতে ফাঁকি
ভাবনা বেখো না মনে কোনো ।

পাতার আড়াল হ'তে বিকালের আলোটুকু এসে
আরো কিছুখন ধ'রে, ঝলুক তোমাব কালো কেশে ॥

হাসিয়ো মধুব উচ্চহাসে
অকারণ নিশ্চয় উল্লাসে,
বন-সরসীব তীরে
ভীক কাঠ-বিড়ালীরে
সহসা চকিত কোবো ত্রাসে ।

ভুলে-যাওয়া কথাগুলি কানে কানে করায় স্মরণ
দিব না মস্তুর করি' ওই তব চঞ্চল চরণ ॥

তা'র-পরে যেয়ো তুমি চ'লে
 ঝরা-পাতা দ্রুতপদে দ'লে
 নীড়ে-ফেরা পাখী যবে
 অক্ষুট কাকলী রবে
 দিনান্তেরে ক্ষুব্ধ করি' তোলে ।
 বেগুনছায়া-ঘন সঙ্কায় তোমার ছবি দূরে
 মিলাইবে গোধূলির বাঁশরীর সর্বশেষ সুরে ॥

রাত্রি যবে হবে অন্ধকার
 বাতায়নে বসিয়ে তোমার ।
 সব ছেড়ে যাবো, প্রিয়ে,
 স্মৃতির পথ দিয়ে,
 ফিরে দেখা হবে না তো আর ।
 ফেলে দিয়ে ভোরে-গাঁথা ম্লান মল্লিকার মালাখানি ।
 সেই হবে স্পর্শ তব, সেই হবে বিদায়ের বাণী ॥

বুয়েনোস এয়ারিস,
 ২২ নভেম্বর, ১৯২৪ ।

বিপাশা

মায়া-মৃগী, নাই-বা তুমি
প'ড়লে প্রেমের কঁাদে ।
ফাগুন রাতে চোরা মেঘে
নাই হরিল চাঁদে ।
বাঁধন-কাটা ভাবনা তোমার
হাওয়ায় পাখা মেলে,
দেহ মনে চঞ্চলতার
নিত্য যে ঢেউ খেলে ।
ঝরণা-ধারার মতো সদাই
মুক্ত তোমার গতি,
নাই-বা নিলে তটের শরণ
তায় বা কিসের ক্ষতি ?
শরণ প্রান্তের মেঘ যে তুমি
শুভ্র আলোয় ধোওয়া,
একটুখানি অরুণ আভার
সোনার হাসি-ছোঁওয়া ;
শুভ্র পথে মনোরথে
ফেরো আকাশ পার,
বুকের মাঝে নাই বহিলে
অশ্রু জলের ভার ?

এমনি ক'রেই যাও খেলে যাও
 অকারণের খেলা ;
 ছুটির স্রোতে যাক না ভেসে
 হাল্কা খুসীর ভেলা ।
 পথে চাওয়ার ক্লাস্তি কেন
 নাম্বে আঁখির পাতে,
 কাছের সোহাগ ছাড়বে কেন
 দূরের ছরাশাতে ;
 তোমার পায়ের নুপুর খানি
 বাজাক্ নিত্য কাল
 অশোক বনের চিকণ পাতার
 চমক-আলোর তাল ।
 রাতের গায়ে পুলক দিয়ে
 জোনাক যেমন জ্বলে
 তেমনি তোমার খেয়ালগুলি
 উড়ুক স্বপন তলে ।
 যারা তোমার সঙ্গ-কাঙাল
 বাইরে বেড়ায় ঘুরে,
 ভিড় যেন না করে তোমার
 মনের অন্তঃপুরে ।

সরোবরের পদ্ম তুমি,
 আপন চারিদিকে
 মেলে রেখো তরল জলের
 সরল বিশ্বটিকে ।
 গন্ধ তোমার হোক না সবার,
 মনে রেখো তবু
 বৃন্ত যেন চুরির ছুরি
 নাগাল না পায় কভু ।
 আমার কথা শুধাও যদি—
 চাবার তবেই চাই,
 পাবার তরে চিন্তে আমার
 ভাবনা কিছুই নাই ।
 তোমার পানে নিবিড় টানের
 বেদন-ভরা সুখ
 মনকে আমার রাখে যেন
 নিয়ত উৎসুক ।
 চাই না তোমায় ধ'রতে আমি
 মোর বাসনায় ঢেকে,
 আকাশ থেকেই গান গেয়ে যাও
 নয় খাঁচাটার থেকে ॥

বুয়েনোস্ এয়াবিস্ ,
 ২২ নভেম্বর, ১৯২৪ ।

চাবি

বিধাতা যেদিন মোর মন
করিল। সৃজন
বহু কক্ষে ভাগ করা হর্ম্যের মতন
গুপ্ত তা'র বাহিরের ঘরে
প্রস্তুত রহিল সজ্জা নানা-মতো অতিথির তরে ;
নীরব নির্জন অন্তঃপুরে
তালা তা'র বন্ধ করি' চাবিখানি ফেলি' দিলা দূরে ।
মাঝে মাঝে পাস্থ এসে দাঁড়ায়েছে দ্বারে,
বলিয়াছে, “খুলে দাও” । উপায় জানিনা খুলিবারে ।
বাহিরে আকাশ তাই ধূলায় আকুল করে হাওয়া ;
সেখানেই যত খেলা, যত মেলা, যত আসা-যাওয়া ।

অন্তরের জনহীন পথে
হিমে-ভেজা ঘাসে ঘাসে শেফালিকা লুটায় শরতে ।
আঘাটের আর্দ্র বায়ু ভরে
কদম্ব কেশরে
চিহ্ন তা'র পড়ে ঢাকা ।
চৈত্র সে বিচিত্র বর্ণে কুসুমের আলিম্পনে আঁকা ।

সেথায় লাজুক পাখী ছায়া-ঘন শাখে,
 মধ্যাহ্নে করুণ কণ্ঠে উদাসীন প্রেয়সীরে ডাকে।
 সন্ধ্যা তারা দিগন্তের কোণে -
 শিরীষ পাতার ফাঁকে কান পেতে শোনে
 যেন কার পদ-ধ্বনি দক্ষিণ বাতাসে।
 ঝরাপাতা-বিছানো সে ঘাসে
 বাঁশরী বাজাই আমি কুসুম-সুগন্ধি অবকাশে।

দূরে চেয়ে থাকি একা
 মনে করি যদি কভু পাই তা'র দেখা
 যে পথিক একদিন অজানা সমুদ্র উপকূলে
 কুড়িয়ে পেয়েছে চাবি; বক্ষে নিয়ে তুলে
 গুনিতে পেয়েছে যেন অনাদি কালের কোন্ বাণী;
 সেই হ'তে ফিরিতেছে বিরাম না জানি'।
 অবশেষে
 মোমাছির পরিচিত এ নিভৃত পথ-প্রান্তে এসে
 যাত্রা তা'র হবে অবসান;
 খুলিবে সে গুপ্ত দ্বার কেহ যার পায়নি সন্ধান ॥

বুয়েনোস্‌ এয়াইন্স,
 ২৬ নভেম্বর, ১৯২৪।

বৈতরনী

ওগো বৈতরনী,
তরল খড়্গের মতো ধারা তব, নাই তা'র ধ্বনি,
নাই তা'র তরঙ্গ-ভঙ্গিমা;
নাই রূপ, নাই স্পর্শ, ছন্দে তা'র নাই কোনো সীমা;
অমাবস্তা রজনীর
সুপ্তি - সুগভীর
মৌনীর গ্রহরের মতো
নিরাকার পদচায়ে শূন্যে শূন্যে ধায় অবিরত।
প্রাণের অরণ্য-তট হ'তে
দণ্ড পল খ'সে খ'সে পড়ে তব অন্ধকার স্রোতে।
রূপের না থাকে চিহ্ন, নাহি থাকে বর্ণের বর্ণনা,
বাণীর না থাকে এক কণা।

ওগো বৈতরনী,
কতবার খেয়ার তরনী
এসেছিলো এই ঘাটে আমার এ বিশ্বের আলোতে।
নিয়ে গেলো কালহীন তোমার কালোতে
কত মোর উৎসবের বাতি,
আমার প্রাণের আশা, আমার গানের কত সাথী,

দিবসেরে রিক্ত করি', তিক্ত করি' আমার রাত্রিরে ।
সেই হ'তে চিত্ত মোর নিয়েছে আশ্রয় তব তীরে ।

ওগো বৈতরণী,
অদৃশের উপকূলে থেমে গেছে যেথায় ধরণী
সেথায় নির্জনে
দেখি আমি আপনার মনে
তোমার অরূপ-তলে সব রূপ পূর্ণ হ'য়ে ফুটে,
সব গান দীপ্ত হ'য়ে উঠে
শ্রবণের পর-পারে
তব নিঃশব্দের কণ্ঠহারে ।
যে সুন্দর ব'সেছিলো মোর পাশে এসে
ক্ষণিকের ক্ষীণ ছদ্ম-বেশে,
যে চির-মধুর
ক্রতপদে চ'লে গেলো নিমেষের বাজায় নূপুর,
প্রলয়ের অন্তরালে গাহে তা'রা অনন্তের সুর ।
চোখের জলের মতো
একটি বর্ষণে যারা হ'য়ে গেছে গত,
চিত্তের নিশীথ রাত্রে গাঁথে তা'রা নক্ষত্র-মালিকা ;
অনির্বাক আলোকেতে সাজায় অক্ষয় দীপালিকা ॥

ব্রেনোন্স এয়ারিস্,
২৭ নভেম্বর, ১৯২৪ ।

প্রভাতী

চপল ভ্রমর, হে কালো কাজল আঁখি,
খনে খনে এসে চ'লে যাও থাকি থাকি ।
হৃদয় কমল টুটিয়া সকল বন্ধ
বাতাসে বাতাসে মেলি' দেয় তা'র গন্ধ,
তোমারে পাঠায় ডাকি',
হে কালো কাজল আঁখি ॥

যেথায় তাহার গোপন সোনার রেণু
সেথা বাজে তা'র বেণু ;
বলে, এসো, এসো, লও খুঁজে লও মোরে,
মধু সঞ্চয় দিয়ো না ব্যর্থ ক'রে,
এসো এ-বক্ষ মাঝে,
কবে হবে দিন আঁধারে বিলীন সাঁঝে ॥

দেখো চেয়ে কোন্ উতলা পবন-বেগে
 সুরের আঘাত লেগে
 মোর সরোবরে জলতল ছল-ছলি'
 এ-পারে ও-পারে করে কী যে বলাবলি,
 তরঙ্গ উঠে জেগে।
 গিয়েছে আঁধার গোপনে-কাঁদার রাতি,
 নিখিল ভূবন হের' কী আশায় মাতি'
 আছে অঞ্জলি পাতি' ॥

হের গগনের নীল শতদলখানি
 মেলিল নীরব বাণী।
 অক্ষণ-পক্ষ প্রসারি' সকৌতুকে
 সোনার ভ্রমর আসিল তাহার বৃকে
 কোথা হ'তে নাহি জানি ॥

চপল ভ্রমর, হে কালো কাজল আঁখি,
 এখনো তোমার সময় আসিল না কি ?
 মোর রজনীর ভেঙেছে তিমির বাঁধ
 পাওনি কি সংবাদ ?

জেগে-ওঠা প্রাণে উথলিছে ব্যাকুলতা,
 দিকে দিকে আজি রটেনি কি সে বারতা ?
 শোনোনি কৌ গাহে পাখী ?
 হে কালো কাজল আঁখি ॥

শিশির-শিহরা পল্লব ঝলমল,
 বেণু শাখাগুলি খনে খনে টল মল,
 অকুপণ বনে ছেয়ে গেলো ফুল দল
 কিছু না রহিল বাকি ।
 এলো যে আমার মন-বিলাবার বেলা,
 খেলিব এবার সব-হারাবার খেলা,
 যা-কিছু দেবার রাখিব না আর ঢাকি',
 হে কালো কাজল আঁখি ॥

বুয়েনোস্ এয়ারিস্,
 ১ ডিসেম্বর, ১৯২৪ ।

মধু

মৌমাছির মতো আমি চাহি না ভাঙার ভরিবারে
বসন্তেরে ব্যর্থ করিবারে ।
সে তো কভু পায় না সন্ধান
কোথা আছে প্রভাতের পরিপূর্ণ দান ।
তাহাব শ্রবণ ভরে
আপন গুঞ্জন-স্বরে,
হারায় সে নিখিলের গান ।

জানে না ফুলের গন্ধে আছে কোন্ করুণ বিষাদ,
সে জানে তা সংগ্রহের পথের সংবাদ ।
চাহে নি সে অরণ্যের পানে,
লতার লাবণ্য নাহি জানে,
পড়েনি ফুলের বর্ণে বসন্তের মর্ম্মবাণী লেখা ।
মধুকণা লক্ষ্য তা'র, তা'রি কক্ষ আছে শুধু শেখা ॥

পাখীর মতন মন শুধু উড়িবার সুখ চাহে
 উধাও উৎসাহে ;
 আকাশের বক্ষ হ'তে ডানা ভরি' তার
 স্বর্ণ-আলোকের মধু নিতে চায়, নাহি যার ভার,
 নাহি যার ক্ষয়,
 নাহি যার নিরুদ্ধ সঞ্চয়,
 যার বাধা নাই,
 যারে পাই তবু নাহি পাই,
 যার তরে নহে লোভ, নহে ক্লেভ, নহে তীক্ষ্ণ রীষ,
 নহে শূল, নহে গুপ্ত বিষ ॥

বুথেনোস্ এয়ারিস্,

৪ ডিসেম্বর, ১৯২৪ ।

তৃতীয়া

কাছের থেকে দেয় না ধরা, দূরের থেকে ডাকে
তিন বছরের প্রিয়া আমার, ছুঃখ জানাই কাকে ।
কঠেতে ওর দিয়ে গেছে দখিন হাওয়ার দান
তিন বসন্তে দোয়েল শ্রামার তিন বছরের গান ।
তবু কেন আমারে ওর এতই কৃপণতা,
বারেক ডেকে দৌড়ে পালায়, কইতে না চায় কথা ।
তবু ভাবি, যাই কেন হোক অদৃষ্ট মোর ভালো,
অমন সুরে ডাকে আমার মাণিক আমার আলো ।
কপাল মন্দ হ'লে টানে আরো নীচের তলায়,
হৃদয়টি ওর হোক না কঠোর, মিষ্টি তো ওর গলায় ॥

আলো যেমন চম্কে বেড়ায় আমলকির ঐ গাছে
তিন বছরের প্রিয়া আমার দূরের থেকে নাচে ।
লুকিয়ে কখন বিলিয়ে গেছে বনের হিল্লোল
অঙ্গে উহার বেণু-শাখার তিন ফাগুনের দোল ।
তবু ক্ষণিক হেলাভরে হৃদয় করি' লুট
শেষ না হ'তেই নাচের পালা কোন্‌খানে দেয় ছুট ।

আমি ভাবি এই বা কি কম, প্রাণে তো ঢেউ তোলে,
 ওর মনেতে যা হয় তা হোক আমার তো মন দোলে ।
 হৃদয় না হয় নাই বা পেলাম মাধুরী পাই নাচে,
 ভাবের অভাব রইলো না হয়, ছন্দটা তো আছে ॥

বন্দী হ'তে চাই যে কোমল ঐ বাহু বন্ধনে,
 তিন বছরের প্রিয়ার আমার নাই সে খেয়াল মনে ।
 সোনার প্রভাত দিয়েছে ওর সর্বদেহ ছুঁয়ে
 শিউলি ফুলের তিন শরতের পরশ দিয়ে ধুয়ে ৷
 বুঝতে নারি আমার বেলায় কেন টানাটানি ।
 ক্ষয় নাই যার সেই সুখা নয় দিতো একটুখানি ।
 তবু ভাবি বিধি আমায় নিতান্ত নয় বাম,
 মাঝে মাঝে দেয় সে দেখা তা'রি কি কম দাম ?
 পরশ না পাই, হরষ পাবো চোখের চাওয়া চেয়ে,
 রূপের ঝোঁরা বইবে আমার বুকের পাহাড় বেয়ে ॥

কবি ব'লে লোক-সমাজে আছে তো মোর ঠাই,
 তিন বছরের প্রিয়ার কাছে কবির আদর নাই ।
 জানে না যে ছন্দে আমার পাতি নাচের ফাঁদ,
 দোলার টানে বাঁধন মানে দূর আকাশের চাঁদ ।

পলাতকার দল যত সব দখিন হাওয়ার চেল
 আপনি তা'রা বশ মেনে যায় আমার গানের বেলা ।
 ছোট্টো ওরি হৃদয়খানি দেয় না শুধু ধরা,
 ঝগড়ু বোকার বরণ-মালা গাঁথে স্বয়ম্বর ।
 যখন দেখি এমন বুদ্ধি, এমন তাহাব রুচি,
 আমারে ওর পছন্দ নয়, যায় সে লজ্জা ঘুচি' ॥

এমন দিনও আসবে আমার, আছি সে-পথে চেয়ে,
 তিন বছরের প্রিয়া হবেন বিশ বছরের মেয়ে ।
 স্বর্গ-ভোলা পারিজাতের গন্ধখানি এসে
 ফ্যাপা হাওয়ায় বৃকের ভিতর ফিরবে ভেসে ভেসে ।
 কথায় যারে যায় না ধরা এমন আভাস যত
 মর্ম্মরিবে বাদল-রাতের রিমিঝিমিব মতো ।
 সৃষ্টিছাড়া ব্যথা যত, নাই যাহাদের বাসা,
 ঘুরে ঘুরে গানের সুবে খুঁজবে আপন ভাষা ।
 দেখবে তখন ঝগড়ু বোকা কী ক'রতে বা পারে,
 শেষকালে সেই আসতে হবেই এই কবিটির দ্বারে ॥

বুয়েনোস্ এয়াবিস্,

৪ ডিসেম্বর, ১৯২৪ ।

অদেখা

আসিবে সে, আছি সেই আশাতে ।
শোনো নি কি, ছুজনাকে
নাম ধ'রে ঐ ডাকে
নিশিদিন আকাশের ভাষাতে ?
সুর বুকে আসে ভাসি',
পথ চেনাবার বাঁশি
বাজে কোন্ ও-পারের বাসাতে ।
ফুল ফোটে বন-তলে
ইসারায় মোরে বলে
“আসিবে সে”; আছি সেই আশাতে ॥

এলো না তো এখনো সে এলো না ।
আলো-অঁধারের ঘোরে
যে ডাক শুনিছে ভোরে,
সে শুধু স্বপন, সে কি ছিলনা ?
হায় বেড়ে যায় বেলা,
কবে সুরু হবে খেলা,
সাজায়ে বসিয়া আছি খেলনা,
কিছু ভালো কিছু ভাঙা,
কিছু কালো, কিছু রাঙা,
যারে নিয়ে খেলা সে তো এলো না ॥

আসে নি তো এখনো সে আসে নি ।

ভেবেছিলাম আসে যদি,

পাড়ি দেবো ভরা নদী,

ব'সে আছি, আজো তরী ভাসেনি ।

মিলায় সিঁচুর আলো,

গোধূলি সে হয় কালো,

কোথা সে স্বপন-বন-বাসিনী ?

মালতীর মালাগাছি,

কোলে নিয়ে ব'সে আছি,

যারে দেবো, এখনো সে আসেনি ॥

এসেছে সে, মন বলে, এসেছে ।

সুবাস-আভাসখানি

মনে হয় যেন জানি,

রাতের বাতাসে আজ ভেসেছে ।

বুঝিয়াছি অনুভবে

বন-মর্শ্বর-রবে

সে তা'র গোপন হাসি হেসেছে ।

অদেখার পরশেতে

আঁধার উঠেছে মেতে,

মন জানে, এসেছে সে এসেছে ॥

বুয়েনোস্ এয়ারিস্,

৭ ডিসেম্বর, ১৯২৪ ।

চঞ্চল

হায়রে তোরে রাখবো ধ'রে,
ভালোবাসা,
মনে ছিল সেই ছরাশা ।
পাথর দিয়ে ভিত্তি কেঁদে
বাসা যে তোর দিলেম বেঁধে
এলো তুফান সর্বনাশা ।
মনে আমার ছিল যে রে
ঘিরবো তোরে হাসির ঘেরে;—
চোখের জলে হ'লো ভাসা ।
অনেক ছুঁখে গেছে বোঝা
বেঁধে রাখা নয় তো সোজা,
সুখের ভিত্তে নহে তোমার
অচল কাসা ॥

এবার আমি সব-ফুরানো
পথের শেষে
বাঁধবো বাসা মেঘের দেশে ।
ক্ষণে ক্ষণে নিত্য নব
বদল কো'রো মূর্ত্তি তব
রঙ-ফেরানো মায়ার বেশে ।

কখনো বা জোৎস্না-ভরা
 কখনো বা বাদল-ঝরা
 খেয়াল তোমার কেঁদে হেসে ।
 যেই হাওয়াতে হেলাভরে
 মিলিয়ে যাবে দিগন্তরে
 সেই হাওয়াতেই ফিরে ফিরে
 আসবে ভেসে ॥

কঠিন মাটি বানের জলে
 যায় যে ব'য়ে,
 শৈল-পাষণ যায় তো ক্ষ'য়ে ।
 কালের ঘায়ে সেই তো মরে
 অটল বলের গর্ব-ভরে
 থাকতে যে চায় অচল হ'য়ে ।
 জানে যারা চলার ধারা
 নিত্য থাকে নূতন তা'রা,
 হারায় যারা র'য়ে র'য়ে ।
 ভালোবাসা, তোমারে তাই
 মরণ দিয়ে বরিতে চাই,
 চঞ্চলতার লীলা তোমার
 রইবো স'য়ে ॥

বুয়েনোস্ এয়ারিস্,
 ১০ ডিসেম্বর, ১৯২৪ ।

প্রবাহিনী

দুর্গম দূর শৈল-শিরের
সুদূর তুষার নই তো আমি ;
আপ্না-হারা ঝরনা-ধারা
ধূলির ধরায় যাই যে নামি' ।
সরোবরে গম্ভীরতায়
ফেনিল নাচের মাতন ঢালি ;
অচল শিলার ক্র-ভঙ্গিমায়
বাজাই চপল করতালি ।
মল্ল-সুরের মন্ত্র শুনাই
গভীর গুহার আঁধার তলে,
গহন বনের ভাঙাই ধেয়ান
উচ্চ হাসির কোলাহলে ।
শুভ্র ফেনের কুন্দ-মালায়
বিদ্যাগিরির বক্ষ সাজাই,
যোগীশ্বরের জটায় মধ্যে
তরঙ্গিনীর নৃপুর বাজাই ।

বৃদ্ধ বটেব লুন্ধ শিকড়
 আমার বেণী ধবিতে চায়
 সূর্য্য-কিরণ শিশুর মতন
 অন্ধ আমার ভরিতে চায়।
 নাই কোনো মোর ভয়-ভাবনা,
 নাই কোনো মোর অচল রীতি।
 গতি আমার সকল দিকেই,
 শুভ আমার সকল তিথি।
 বক্ষে আমার কালোর ধারা,
 আলোর ধারা আমার চোখে,
 স্বর্গে আমার স্রব চ'লে যায়,
 নৃত্য আমার মর্ত্যলোকে।
 অশ্রু-হাসির যুগল ধারা
 ছোট্ট আমার ডাইনে বামে।
 অচল গানের সাগর-মাঝে
 চপল গানের যাত্রা থামে।

বুয়েনোস্‌ এয়ারিস্‌,
 ১১ ডিসেম্বর, ১৯২৩।

আকন্দ

সন্ধ্যা আলোর সোনার খেয়া পাড়ি যখন দিলো গগন পারে
অকূল অঙ্ককারে,
ছম্ছমিয়ে এলো রাত্তি ভুবন-ডাঙার মাঠে
একলা আমি গোয়াল-পাড়ার বাটে।
নতুন-ফোটা গানের কুঁড়ি দেবো ব'লে দিছুর হাতে আনি
মনে নিয়ে সুরের গুন্‌গুনানি
চ'লেছিলাম, এমন সময় যেন সে কোন্‌ পরীর কণ্ঠখানি
বাতাসেতে বাজিয়ে দিলো বিনা-ভাষার বাণী;
ব'ল্লে আমায় “দাঁড়াও ক্ষণেক তরে,
গুগো পথিক তোমার লাগি’ চেয়ে আছি যুগে যুগান্তরে।
আমায় নেবে চিনে।
সেই স্তলগন এলো এত দিনে।
পথের ধারে দাঁড়িয়ে আমি, মনে গোপন আশা,
কবির ছন্দে বাঁধ্বে। আমার বাসা।”
দেখা হ'লো, চেনা হ'লো সাঁঝের আধারেতে,
ব'লে এলো, তোমার আসন কাব্যে দেবো পেতে।
সেই কথা আজ প'ড়লো মনে হঠাৎ হেথায় এসে
সাগর-পারের দেশে,—

মন-কেমনের হাওয়ার পাকে অনেক স্থিতি বেড়ায় মনে ঘুরে

তা'র মধ্যে বাজলো করুণ সুরে—

“ভুলো না গো ভুলো না এই পথ-বাসিনীর কথা,
আজো আমি দাঁড়িয়ে আছি, বাসা আমার কোথা?”

শপথ আমার, তোমরা বোলো তা'রে

তা'র কথাটি দাঁড়িয়েছিলো মনের পথের ধারে,—
বোলো তা'রে চোখের দেখা ফুটেছে আজ গানে,—

লিখন খানি রাখিছু এইখানে।

১

যেদিন প্রথম কবি-গান

বসন্তের জাগালো আহ্বান

ছন্দের উৎসব সভা-তলে

সেদিন মালতী যুখী জাতি

কৌতূহলে উঠেছিলো মাতি'

ছুটে এসেছিলো দলে দলে।

আসিল মল্লিকা চম্পা কুরুবক কাঞ্চন করবী,

সুরের বরণ-মাল্যে সবারে বরিয়া নিলো কবি।

কি সঙ্কোচে এলে না যে, সভার দুয়ার হ'লো বন্ধ।

সব পিছে রহিলে আকন্দ ॥

২

মোরে তুমি লজ্জা করো নাই,
 আমার সম্মান মানি তাই,
 আমারে সহজে নিলে ডাকি' ।
 আপনারে আপনি জানালে ;
 উপেক্ষার ছায়ার আড়ালে
 পরিচয় রাখিলে না ঢাকি' ।

মনে পড়ে একদিন সন্ধ্যাবেলা চ'লেছিছু একা,
 তুমি বুঝি ভেবেছিলে কি জানি না পাই পাছে দেখা,
 অদৃশ্য লিখনখানি, তোমার করুণ ভীরা গন্ধ
 বায়ু ভরে পাঠালে আকন্দ ॥

৩

হিয়া মোর উঠিল চমকি'
 পথ মাঝে দাঁড়ানু থমকি',
 তোমাতে খুঁজিছু চারিধারে ।
 পল্লবের আবরণ টানি'
 আছিলে কাব্যের ছয়োরাণী
 পথ-প্রান্তে গোপন আঁধারে ।

সঙ্গী যারা ছিল ঘিরে তা'রা সবে নাম-গোত্র-হীন
 কাড়িতে জানে না তা'রা পথিকের আঁখি-উদাসীন ।
 ভরিল আমার চিত্ত বিশ্বয়ের গভীর আনন্দ
 চিনিলাম তোমাতে আকন্দ ॥

৪

দেখা হয় নাই তোমা সনে
 প্রাসাদের কুসুম কাননে,
 জনতার প্রগল্ভ আদরে ।
 নিদ্রাহীন প্রদীপ আলোকে
 পড়োনি অশাস্ত মোর চোখে
 প্রমোদের মুখর বাসরে ।
 অবজ্ঞার নির্জনতা তোমারে দিয়েছে কাছে আনি',
 সন্ধ্যার প্রথম তারা জানে তাহা, আর আমি জানি ।
 নিভূতে লেগেছে প্রাণে তোমার নিঃশ্বাস মৃদু মন্দ,
 নম্র-হাসি উদাসী আকন্দ ॥

৫

আকাশের একবিন্দু নীলে
 তোমার পরাণ ডুবাইলে,
 শিখে নিলে আনন্দের ভাষা ।
 বক্ষে তব শুভ্র রেখা একে
 আপন স্বাক্ষর গেছে রেখে
 রবির সুদূর ভালোবাসা ।
 দেবতার প্রিয় তুমি, গুপ্ত রাখো গৌরব তোমার,
 শাস্ত তুমি, তৃপ্ত তুমি, অনাদরে তোমার বিহার ।
 জেনেছি তোমারে, তাই জানাতে রচিছু এই ছন্দ
 মোমাছির বন্ধু হে আকন্দ ॥

চাপাড্ মালান্ ,
 ১৬ ডিসেম্বর, ১৯২৪ ।

কঙ্কাল

পশুর কঙ্কাল ওই মাঠের পথের এক পাশে
প'ড়ে আছে ঘাসে,
যে-ঘাস একদা তা'রে দিয়েছিলো বল,
দিয়েছিলো বিশ্রাম কোমল ॥

প'ড়ে আছে পাণ্ডু অস্থিরাশি,
কালের নীরস অট্টহাসি ।
সে যেন রে মরণের অঙ্গুলি-নির্দেশ,
ইঙ্গিতে কহিছে মোরে, “একদা পশুর যেথা শেষ,
সেথায় তোমারো অন্ত, ভেদ নাহি লেশ ।
তোমারো প্রাণের সুরা ফুরাইলে পরে
ভাঙা পাত্র প'ড়ে রবে অমনি ধূলায় অনাদরে ।”

আমি বলিলাম, “মৃত্যু, করি না বিশ্বাস
তব শূন্যতার উপহাস ।
মোর নহে শুধুমাত্র প্রাণ
সর্ব্ব বিস্ত রিক্ত করি' যার হয় যাত্রা অবসান ;
যাহা ফুরাইলে দিন
শূন্য অস্থি দিয়ে শোধে আহার-নিজার শেষ ঋণ ।

ভেবেছি জেনেছি যাহা, ব'লেছি, শুনেছি যাহা কানে,
 সহসা গেয়েছি যাহা গানে
 ধ'রেনি তা মরণের বেড়া-ঘেরা প্রাণে ;
 যা পেয়েছি, যা ক'রেছি দান
 মর্ত্যে তা'র কোথা পরিমাণ ?

আমার মনের নৃত্য, কতবার জীবন মৃত্যুরে
 লজিয়া চলিয়া গেছে চির-সুন্দরের সুর-পুরে ।
 চিরকাল তরে সে কি থেমে যাবে শেষে
 কঙ্কালের সীমানায় এসে ?
 যে আমার সত্য পরিচয়
 মাংসে তা'র পরিমাপ নয় ;
 পদাঘাতে জীর্ণ তা'রে নাহি করে দণ্ডপলগুলি,
 সর্বস্বাস্ত নাহি করে পথপ্রাস্তে ধূলি ॥

আমি যে রূপের পদ্মে ক'রেছি অরূপ-মধু পান,
 ছুঃখের বন্ধের মাঝে আনন্দের পেয়েছি সন্ধান,
 অনন্ত মৌনের বাণী শুনেছি অন্তরে,
 দেখেছি জ্যোতির পথ শূন্যময় আঁধার প্রান্তরে ।
 নহি আমি বিধির বৃহৎ পরিহাস,
 অসীম ঐশ্বর্য্য দিয়ে রচিত মহৎ সর্বনাশ ॥

চাপাড্ মালাল্ ,
 ১৭ ডিসেম্বর, ১৯২৪ ।

চিঠি

শ্রীমান্ দীনেশনাথ ঠাকুর

কল্যাণীয়েষু,

দূর প্রবাসে সন্ধ্যা বেলায় বাসায় ফিরে এম্ব,
হঠাৎ যেন বাজুলো কোথায় ফুলের বৃকের বেণু।
আতি-পাতি খুঁজে শেষে বুঝি ব্যাপারখানা,
বাগানে সেই জুঁই ফুটেছে চিবদিনের জানা।
গন্ধটি তা'র পুরোপুরি বাংলা দেশের বাগী,
একটুও তো দেয় না আভাস এই দেশী ইম্পানী।
প্রকাশে তা'র থাক না যতই শাদা মুখের ঢঙ,
কোমলতায় লুকিয়ে রাখে শ্রামল বৃকের রঙ।
হেথায় মুখর ফুলের হাটে আছে কি তা'র দাম ?
চারু কণ্ঠে ঠাই নাহি তা'র, ধূলায় পরিণাম ॥

যুথী বলে, “আতিথ্য লও, একটুখানি বোসো।”
আমি বলি চ'ম্কে উঠে, আরে রোসো, রোসো ;
জিৎবে গন্ধ, হারবে কি গান ? নৈব কদাচিত্।
তাড়াতাড়ি গান রচিলাম ; জানিনে কার জিৎ।
তিন্টে সাগর পাড়ি দিয়ে একদা এই গান,
অবশেষে বোলপুরে সে হবে বিস্তমান।
এই বিরহীর কথা স্মরি' গেয়ো সেদিন, দিহু,
জুঁই বাগানের আরেক দিনের গান যা র'চেছিহু।

ঘরের খবর পাইনে কিছুই, গুজোব শুনি নাকি
কুলিশ-পাগি পুলিশ সেথায় লাগায় হাঁকাহাঁকি।
শুন্ছি নাকি বাংলা দেশে গান হাসি সব ঠেলে
কুলুপ দিয়ে ক'রছে আটক আলিপুনের জেলে।
হিমালয়ে যোগীশ্বরের বোষের কথা জানি,
অনঙ্গেবে জালিয়েছিলেন চোখের আগুন হানি'।
এবার নাকি সেই ভূধবে কলির ভূদেব যাবা
বাংলা দেশে যৌবনের জালিয়ে ক'রবে সাবা।
সিম্লে নাকি দারুণ গবম শুন্ছি দার্জিলিঙে,
নকল শিবের তাণ্ডবে আজ পুলিশ বাজায় শিঙে॥

জানি তুমি ব'লবে আমায়, থামো একটুখানি,
বেণু-বীণার লগ্ন এ নয়, শিকল ঝাম্‌ঝামানি।
শুনে আমি বাগ্‌বো মনে, কোবো না সেই ভয়,
সময় আমাব আছে ব'লেই এখন সময় নয়।
যাদের নিয়ে কাণ্ড আমাব তা'বা তো নয় ফাঁকি,
গিল্টি-কবা তক্‌মা-ঝোলা নয় তাহাদের থাকী।
কপাল জুড়ে নেই তো তাদের পালোয়ানের টিকা,
তা'দের তিলক নিত্যকালের সোনার বঙে লিখা।
যেদিন ভবে সাক্ষ হবে পালোয়ানির পালা,
সেদিনো তো সাজাবে জুঁই দেবার্চনার থালা।
সেই থালাতে আপন ভাইয়ের বস্তু ছিটোয় যারা,
লড়্বে তা'রাই চিরটা কাল? গ'ড়বে পাষণ-কাবা?

রাজ-প্রতাপের দম্ভ সে তো এক-দম্ভের বায়ু,
 সবুর ক'রতে পারে এমন নাই তো তাহার আয়ু।
 ধৈর্য্য বীৰ্য্য ক্ষমা দয়া ক্রোধের বেড়া টুটে
 লোভের ক্ষোভের ক্রোধের তাড়ায় বেড়ায় ছুটে ছুটে।
 আজ আছে কাল নাই ব'লে তাই তাড়াতাড়ির তালে
 কড়া মেজাজ দাপিয়ে বেড়ায় বাড়াবাড়ির চালে।
 পাকা রাস্তা বানিয়ে বসে দুঃখীর বুক জুড়ি',
 ভগবানের ব্যথার পরে হাঁকায় সে চার-ঘুড়ি।
 তাই তো প্রেমের মাল্য গাঁথার নাইকো অবকাশ,
 হাত-কড়ারই কড়াঙ্কড়ি, দড়াদড়ির ফাঁস।
 শাস্ত হবার সাধনা কই, চলে কলের রথে,
 সংক্ষেপে তাই শাস্তি খোঁজে উল্টোদিকের পথে।
 জানে সেথায় বিধির নিষেধ, তবু সহ্য না তবু,
 ধর্ম্মের যায় ঠেলা মেরে গায়ের-জোরের প্রভু।
 রক্ত-রঙের ফসল ফলে তাড়াতাড়ির বীজে,
 বিনাশ তা'রে আপন গোলায় বোঝাই করে নিজে।
 বাহুর দম্ভ, রাহুর মতো, একটু সময় গেলে
 নিত্যকালের সূর্য্যকে সে এক-গরাসে গেলে।
 নিমেষ পরেই উগ্রে দিয়ে মেলায় ছায়ার মতো,
 সূর্য্য-দেবের গায়ে কোথাও রয় না কোনো ক্ষত।
 বারে বারে সহস্রবার হ'য়েছে এই খেলা,
 নতুন রাহু ভাবে তবু হবে না মোর বেলা।
 কাণ্ড দেখে পশুপক্ষী ফুকে ওঠে ভয়ে,
 অনন্ত মেঘ শাস্ত থাকেন কণিক অপচয়ে ॥

টুটলো কত বিজয়-ভোরণ, লুটলো প্রাসাদ-চূড়ো,
 কত রাজার কত গারদ ধুলোয় হ'লো গুঁড়ো ।
 আলিপুনের জেলখানাও মিলিয়ে যাবে যবে
 তখনো এই বিশ্ব-দুলাল ফুলের সবুর স'বে ।
 রঙীন কুষ্টি, সঙীন মৃষ্টি রইবে না কিছুই,
 তখনো এই বনের কোণে ফুটবে লাজুক জুঁই ।
 ভাঙবে শিকল টুকরো হ'য়ে, ছিঁড়বে রাঙা পাগ,
 চূর্ণ-করা দর্পে মরণ খেলবে হোলির ফাগ ।
 পাগলা আইন লোক হাসাবে কালের প্রহসনে,
 মধুর আমার বঁধু রবেন কাব্য-সিংহাসনে ।
 সময়েরে ছিনিয়ে নিলেই হয় সে অসময়,
 জুঁক প্রভুর সয় না সবুর, প্রেমের সবুর সয় ।
 প্রতাপ যখন চৈচিয়ে কবে দুঃখ দেবার বড়াই,
 জেনো মনে, তখন তাহার বিধির সঙ্গে লড়াই ।
 দুঃখ সহ্য তপস্বীতেই হোক বাঙালীর জয়,
 ভয়কে যারা মানে তা'রাই জাগিয়ে রাখে ভয় ।
 মৃত্যুকে যে এড়িয়ে চলে মৃত্যু তা'রেই টানে,
 মৃত্যু যারা বুক পেতে লয় বাঁচতে তা'রাই জানে ।
 পালোয়ানের চেলারা সব ওঠে যেদিন ক্ষেপে,
 ফৌসে সর্প হিংসা-দর্প সকল পৃথ্বী ব্যোপে,
 বীভৎস তা'র ক্ষুধার জ্বালায় জাগে দানব ভায়া,
 গর্জি' বলে আমিই সত্য, দেবতা মিথ্যা মায়া ;
 সেদিন যেন কৃপা আমায় করেন ভগবান,
 মেশীন্-গান্-এর সম্মুখে গাই জুঁই ফুলের এই গান—

স্বপ্নসম পরবাসে এলি পাশে কোথা হ'তে তুই,
ও আমার জুঁই।

অজানা ভাষার দেশে
সহসা বলিলি এসে,
“আমারে চেনো কি?”

তোর পানে চেয়ে চেয়ে
হৃদয় উঠিল গেয়ে,
চিনি, চিনি, সখী।

কত প্রাতে জানায়েছে চিরপরিচিত তোর হাসি,
“আমি ভালোবাসি।”

বিরহ-ব্যথার মতো এলি প্রাণে কোথা হ'তে তুই,
ও আমার জুঁই।

আজ তাই পড়ে মনে
বাদল-সাঁঝের বনে
ঝর ঝর ধারা,
মাঠে মাঠে ভিজে হাওয়া
যেন কি স্বপনে-পাওয়া,
ঘুরে ঘুরে সারা।

সজল তিমির-তলে তোর গন্ধ ব'লেছে নিঃশ্বাসি',
“আমি ভালোবাসি।”

মিলন-স্বপ্নের মতো কোথা হ'তে এসেছিল তুই,
ও আমার জুঁই।

মনে পড়ে কত রাতে
দীপ জ্বলে জানালাতে
বাতাসে চঞ্চল।

মাধুরী ধরে না প্রাণে,
কি বেদনা বক্ষে আনে,
চক্ষে আনে জল।

সে রাতে তোমার মালা ব'লেছে মর্শ্বের কাছে আসি',
“আমি ভালোবাসি।”

অসীম কালের যেন দীর্ঘশ্বাস ব'হেছিল তুই,
ও আমার জুঁই।

বক্ষে এনেছিল কার
যুগ-যুগান্তের ভার,
ব্যর্থ পথ-চাওয়া ;

বারে বারে দ্বারে এসে
কোন্ নীরবের দেশে
ফিরে ফিরে যাওয়া ?

তোর মাঝে কেঁদে বাজে চির-প্রত্যাশার কোন্ ধানী
“আমি ভালোবাসি।”

বুয়েনোস্‌ এয়ারিস্ ,
২০ ডিসেম্বর, ১৯২৪।

বিরহিণী

তিন বছরের বিরহিণী জান্‌লাখানি ধ'রে
কোন্ অলক্ষ্য তারার পানে তাকাও অমন ক'রে ?
অতীত কালের বোঝার তলায় আমরা চাপা থাকি,
ভাবী কালের প্রদোষ আলোয় মগ্ন তোমার আঁখি ।
তাই তোমার ঐ কঁাদন-হাসির সবটা বুঝি না যে,
স্বপন দেখে অনাগত তোমার প্রাণের মাঝে ।
কোন্ সাগরেব তীর দেখেছো জানে না তো কেউ,
হাসির আভায় নাচে সে কোন্ সুদূর অঙ্ক ঢেউ ।
সেখানে কোন রাজপুত্রুর চিরদিনের দেশে
তোমার লাগি' সাজতে গেছে প্রতিদিনের বেশে ।
সেখানে সে বাজায় বাঁশি রূপ-কথারি ছায়ে,
সেই রাগিণীর তালে তোমার নাচন লাগে গায়ে ।
আপনি তুমি জানো না তো আছো কাহার আশায়,
অনামারে ডাক দিয়েছো চোখের নীরব ভাষায় ।
হয়-তো সে কোন সকাল-বেলা শিশির-ঝালা পথে
জাগরণের কেতন তুলে আস্বে সোনার রথে,
কিন্তু পূর্ণ চাঁদের লগ্নে, বৃহস্পতির দশায় ;—
ছুঃখ আমার, আর সে যে হোক, নয় সে দাদামশায় ।

বুয়েনোস্ এয়ারিস্ ,
২০ ডিসেম্বর, ১৯২৪ ।

না-পাওয়া

ওগো মোর না-পাওয়া গো, ভোরের অরুণ-আভাসনে,
ঘুমে ছুঁয়ে যাও মোর পাওয়ার পাখীরে ক্ষণে ক্ষণে ।

সহসা স্বপন টুটে

তাই সে যে গেয়ে উঠে,

কিছু তা'র বুঝি নাহি বুঝি ।

তাই সে যে পাখা মেলে

উড়ে যায় ঘর ফেলে,

ফিরে আসে কারে খুঁজি' খুঁজি' ॥

ওগো মোর না-পাওয়া গো, সায়াহ্নের করুণ কিরণে
পুরবীতে ডাক দাও আমার পাওয়ারে ক্ষণে ক্ষণে ।

হিয়া তাই ওঠে কেঁদে,

রাখিতে পারিনা বেঁধে,

অকারণে দূরে থাকে চেয়ে,—

মলিন আকাশ তলে
 যেন কোন খেয়া চলে,
 কে যে যায় সারি গান গেয়ে ॥

ওগো মোর না-পাওয়া গো, বসন্ত-নিশীথ সমীরণে
 অভিসারে আসিতেছ আমার পাওয়ার কুঞ্জবনে ।
 কে জানালো সে কথা যে
 গোপন হৃদয় মাঝে
 আজো তাহা বুঝিতে পারিনি ।
 মনে হয় পলে পলে
 দূর পথে বেজে চলে
 ঝিল্লিরবে তাহার কিঙ্কণী ॥

ওগো মোর না-পাওয়া গো, কখন আসিয়া সজোপনে
 আমার পাওয়ার বীণা কাঁপাও অঙ্গুলি পরশনে ।
 কার গানে কার সুর
 মিলে গেছে সুমধুর
 ভাগ ক'রে কে লইবে চিনে ।
 ওরা এসে বলে, “এ কী,
 বুঝাইয়া বলো দেখি,”
 আমি বলি বুঝাতে পারিনে ।

ওগো মোর না-পাওয়া গো, শ্রাবণের অশান্ত পবনে
 কদম্ব - বনের গন্ধে জড়িত বৃষ্টির বরিষণে
 আমার পাওয়ার কানে
 জানিনে তো মোর গানে
 কার কথা বলি আমি কারে।
 “কি কহ,” সে যবে পুছে
 তখন সন্দেহ ঘুচে,
 আমার বন্দনা না-পাওয়ারে।

বুয়েনোস এয়ারিস্ ,
 ২৪ ডিসেম্বর, ১৯২৪।

সৃষ্টিকর্তা

জানি আমি মোর কাব্য ভালোবেসেছেন মোর বিধি,
ফিরে যে পেলেন তিনি দ্বিগুণ আপন-দেওয়া নিধি।
তঁর বসন্তের ফুল বাতাসে কেমন বলে বাণী
সে যে তিনি মোর গানে বারম্বার নিয়েছেন জানি।
আমি শুনায়েছি তাঁ'রে, শ্রাবণ রাত্রির বৃষ্টিধারা
কি অনাদি বিচ্ছেদের জাগায় বেদন সঙ্গীহারা।
যেদিন পূর্ণিমা রাতে পুষ্পিত শালের বনে বনে
শরীরী ছায়ার মতো একা ফিরি আপনার মনে
গুঞ্জরিয়া অসমাপ্ত সুর, শালের মঞ্জরী যত
কি যেন শুনিতে চাহে ব্যগ্রতায় করি' শির নত,
ছায়াতে তিনিও সাথে ফেরেন নিঃশব্দ পদচারে,
বাঁশির উত্তর তাঁ'র আমার বাঁশিতে শুনিবারে।
যেদিন প্রিয়ার কালো চক্ষুর সজল করুণায়
রাত্রির প্রহরমাঝে অন্ধকারে নিবিড় ঘনায়
নিঃশব্দ বেদনা, তা'র ছু'টি হাতে মোর হাত রাখি'
স্তিমিত প্রদীপালোকে মুখে তা'র স্তব্ধ চেয়ে থাকি,
তখন আঁধারে বসি' আকাশের তারকার মাঝে
অপেক্ষা করেন তিনি, শুনিতে কখন বীণা বাজে
যে সুরে আপনি তিনি উন্মাদিনী অভিসারিণী
ডাকিছেন সর্ব্বহারা মিলনের প্রলয়-তিমিরে ॥

বুয়েনোস এয়ারিস্ ,
২৫ ডিসেম্বর, ১৯২৪।

বীণা-হারা

যবে এসে নাড়া দিলে দ্বার
চমকি উঠিলু লাজে,
খুঁজে দেখি গৃহ মাঝে
বীণা ফেলে এসেছি আমার,
ওগো বীণ্-কার ।

সেদিন মেঘের ভাবে
নদীর পশ্চিম পারে
ঘন হ'লো দিগন্তের ভুরু,
বৃষ্টির নাচনে মাতা,
বনে মর্ম্মরিল পাতা,
দেয়া গরজিল গুরু গুরু ।

ভরা হ'লো আয়োজন,
ভাবিলু ভরিবে মন
বক্ষে জেগে উঠিবে মল্লার,
হায় লাগিল না সুর
কোথায় সে বহুদূর
বীণা ফেলে এসেছি আমার ॥

কণ্ঠে নিয়ে এলে পুষ্পহার ।
 পুষ্পস্কার পাবো আশে
 খুঁজে দেখি চারি পাশে
 বীণা ফেলে এসেছি আমার,
 ওগো বীণ-কার ।
 প্রবাসে বনের ছায়ে
 সহসা আমার গায়ে
 ফাস্তনের ছোঁওয়া লাগে একি ?
 এ-পারের যত পাখী
 সবাই কহিল ডাকি'
 ও-পারের গান গাও দেখি ।
 ভাবিলাম মোর ছন্দে
 মিলাবো ফুলের গন্ধে
 আনন্দের বসন্ত বাহার ।
 খুঁজিয়া দেখিছু বুকে,
 কহিলাম নত মুখে,
 “বীণা ফেলে এসেছি আমার ॥”

এলো বুঝি মিলনের বার
 আকাশ ভরিল ওই ;
 শুধাইলে, “স্নেহ কই ?”

বীণা ফেলে এসেছি আমার
 ওগো বীণ্-কার ।
 অস্ত-রবি গোখুলিতে
 ব'লে গেলো পূরবীতে
 আর তো অধিক নাই দেরি ।
 রাঙা আলোকের জবা
 সাজিয়ে তুলেছে সভা,
 সিংহদ্বারে বাজিয়াছে ভেরি ।
 সুদূর আকাশতলে
 ঞ্জবতারা ডেকে বলে,
 “তারে তারে লাগাও ঝঙ্কার ।”
 কানাড়াতে সাহানাতে
 জাগিতে হবে যে রাতে,—
 বীণা ফেলে এসেছি আমার ॥

এলে নিয়ে শিখা বেদনার ।
 গানে যে বরিবো তা'রে,—
 চাহিলাম চারিধারে,—
 বীণা ফেলে এসেছি আমার,
 ওগো বীণ্-কার ।

কাজ হ'য়ে গেছে সারা,
 নিশীথে উঠেছে তারা,
 মিলে গেছে বাটে আর মাঠে ।
 দীপহীন বাঁধা তরী
 সারা দীর্ঘ রাত ধরি'
 ছলিয়া ছলিয়া ওঠে ঘাটে ।
 যে শিখা গিয়েছে নিবে
 অগ্নি দিয়ে জ্বলে দিবে
 সে আলোতে হ'তে হবে পার ।
 শুনেছি গানের তালে
 স্রবাস লাগে পালে ;
 বীণা ফেলে এসেছি আমার ॥

সান্ ইসিডো,
 ২৭ ডিসেম্বর, ১৯২৪ ।

বনস্পতি

পূর্ণতার সাধনায় বনস্পতি চাহে উৰ্দ্ধপানে ;

পুঞ্জ পুঞ্জ পল্লবে পল্লবে

নিত্য তা'র সাড়া জাগে বিরাটের নিঃশব্দ আস্থানে,

মন্ত্র জপে মগ্নরিত রবে ।

ঋতুর মূর্তি সে যে, দৃঢ়তা শাখায় প্রশাখায়

বিপুল প্রাণের বহে ভার ।

তবু তা'র শ্যামলতা কম্পমান ভীকু বেদনায়

আন্দোলিয়া উঠে বারম্বার ॥

দয়া কোরো, দয়া কোরো, আরণ্যক এই তপস্বীরে,

ধৈর্য্য ধরো, ওগো দিগঙ্গনা,

ব্যর্থ করিবারে তায় অশাস্ত আবেগে ফিরে ফিরে

বনের অঙ্গনে মাতিয়ো না ।

এ কী তীব্র প্রেম, এ যে শিলাবৃষ্টি নির্মম হৃঃসহ,—

ছরস্তু চুষ্মন-বেগে তব

ছিঁড়িতে ঝরাতে চাও অন্ধ স্রুথে, কহ মোরে কহ,

কিশোর কোরক নব নব ॥

অকস্মাৎ দস্যুতায় তা'রে রিক্ত করি' নিতে চাও

সর্বস্ব তাহার তব সাথে ?

ছিন্ন করি' লবে যাহা চিহ্ন তা'র রবে না কোথাও,

হবে তা'রে মুহূর্ত্তে হারাতে ।

যে লুক্ক ধূলির তলে লুকাতে চাহিবে তব লাভ
 সে তোমারে ফাঁকি দেবে শেষে ।
 লুষ্ঠনের ধন লুষ্ঠি' সর্বগ্রাসী দারুণ অভাব
 উঠিবে কঠিন হাসি হেসে ॥

আশুক তোমার প্রেম দীপ্তিরূপে নীলাম্বর-তলে,
 শাস্তিরূপে এসো দিগঙ্গনা ।
 উঠুক স্পন্দিত হ'য়ে শাখে শাখে পল্লবে বকুলে
 সুগম্ভীর তোমার বন্দনা ।
 দাও তা'রে সেই তেজ মহাশ্বে যাহার সমাধান,
 সার্থক হোক সে বনস্পতি ।
 বিশ্বের অঞ্জলি যেন ভরিয়া করিতে পারে দান
 তপস্তার পূর্ণ পরিণতি ॥

উঠুক তোমার প্রেম রূপ ধরি' তা'র সর্বমাঝে
 নিত্য নব পত্রে ফলে ফুলে ।
 গোপনে আঁধারে তা'র যে-অনন্ত নিয়ত বিরাজে
 আবরণ দাও তা'র খুলে ।
 তাহার গৌরবে লহ তোমারি স্পর্শের পরিচয়,
 আপনার চরম বারতা ।
 তা'রি লাভে লাভ করো বিনা লোভে সম্পদ অক্ষয়,
 তা'রি ফলে তব সফলতা ॥

সান্ ইসিডো,
 ২৮ ডিসেম্বর, ১৯২৪ ।

পথ

আমি পথ, দূরে দূরে দেশে দেশে ফিরে ফিরে শেষে
ছুয়ার বাহিরে থামি এসে ।
ভিতরেতে গাঁথা চলে নানা সূত্রে রচনার ধারা,
আমি পাই ক্ষণে ক্ষণে তা'রি ছিন্ন অংশ অর্থহারা ,
সেথা হ'তে লেখে মোর ধূলিপটে দীপ-রশ্মি-রেখা
অসম্পূর্ণ লেখা ॥

জীবনের সৌধমাঝে কত কক্ষ কত-না মহলা,
তলার উপরে কত তলা ।
আজন্ম-বিধবা তা'রি এক প্রান্তে র'য়েছি একাকী,
সবার নিকটে থেকে তবুও অসীম-দূরে থাকি,
লক্ষ্য নহি, উপলক্ষ্য, দেশ নহি আমি যে উদ্দেশ্য,
মোর নাহি শেষ ॥

উৎসব সভায় যেতে যে পায় আহ্বান-পত্রখানি
 তাহারে বহন ক'রে আনি ।
 সে লিপির খণ্ডগুলি মোর বক্ষে উড়ে এসে পড়ে,
 ধূলায় করিয়া লুপ্ত তাদের উড়ায়ে দিই ঝড়ে,
 আমি মালা গাঁথে চলি শত শত জীর্ণ শতাব্দীর
 বহু বিস্মৃতির ॥

কেহ যারে নাহি শোনে, সবাই যাহারে বলে, “জানি,”
 আমি সেই পুরাতন বাণী ।
 বণিকের পণ্য-মান, হে তুমি রাজার জয়-রথ,
 আমি চলিবার পথ, সেই আমি ভুলিবার পথ,
 তীব্র-দুঃখ মহা-দম্ভ, চিহ্ন মুছে গিয়েছে সবাই
 কিছু নাই, নাই ॥

কভু স্মৃতি, কভু দুঃখে নিয়ে চলি; স্মৃতি হুঁদিন
 নাহি বুঝি আমি উদাসীন ।
 বার বার কচি ঘাস কোথা হ'তে আসে মোর কোলে,
 চ'লে যায়,—সে-ও যায় যে যায় তাহারে দ'লে দ'লে,
 বিচিত্রের প্রয়োজনে অবিচিত্র আমি শূন্যময়,
 কিছু নাহি রয় ॥

বসিতে না চাহে কেহ, কাহারো কিছু না সহে দেবী,
 কারো নই, তাই সকলেরি ।
 বামে মোর শস্ত্র-ক্ষেত্র দক্ষিণে আমার লোকালয়,
 প্রাণ সেথা ছুই হস্তে বর্তমান আঁকড়িয়া বয় ।
 আমি সর্ব-বন্ধ-হীন নিত্য চলি তা'রি মধ্যখানে,
 ভবিষ্যের পানে ॥

তাই আমি চিব-বিক্ত কিছু নাহি থাকে মোর পুঁজি,
 কিছু নাহি পাই, নাহি খুঁজি ।
 আমারে ভুলিবে ব'লে যাত্রীদল গান গাহে সুরে,
 পারিনে বাখিতে তাহা, সে গান চলিয়া যায় দূরে ।
 বসন্ত আমার বুকে আসে যবে ধূলায় আকুল,
 নাহি দেয় ফুল ॥

পৌছিয়া ক্ষতির প্রান্তে বিত্তহীন একদিন শেষে
 শয্যা পাতে মোর পাশে এসে ।
 পাছের পাথেয় হ'তে থ'সে পড়ে যাহা ভাঙাচোরা,
 ধুলিরে বন্ধনা করি' কাড়িয়া তুলিয়া লয় ওরা ;
 আমি বিকৃত, ওরা রিক্ত, মোর পরে নাই প্রীতিলেশ,
 মোরে করে দ্বেষ ॥

শুধু শিশু বোঝে মোরে, আমারে সে জানে ছুটি ব'লে,
 ঘর ছেড়ে আসে তাই চ'লে।
 নিষেধ বা অনুমতি মোর মাঝে না দেয় পাহারা,
 আবশ্যকে নাহি রচে বিবিধের বস্তুময় কারা,
 বিধাতার মতো শিশু লীলা দিয়ে শূণ্য দেয় ভ'রে
 শিশু বোঝে মোরে ॥

বিলুপ্তির ধূলি দিয়ে যাহা খুঁসি সৃষ্টি করে তাই,
 এই আছে এই তাহা নাই।
 ভিত্তিহীন ঘর বেঁধে আনন্দে কাটায়ে দেয় বেলা,
 মূল্য যার কিছু নাই তাই দিয়ে মূল্যহীন খেলা,
 ভাঙা-গড়া ছুই নিয়ে নৃত্য তা'র অখণ্ড উল্লাসে,
 মোরে ভালোবাসে ॥

সান্ ইসিডো,
 ২২ ডিসেম্বর, ১৯২৪।

মিলন

জীবন-মরণের স্রোতের ধারা
যেখানে এসে গেছে থামি'
সেখানে মিলেছিছু সময়-হারা
একদা তুমি আর আমি।
চ'লেছি আজ একা ভেসে
কোথা যে কত দূর দেশে,
তরগী ছলিতেছে ঝড়ে ;—
এখন কেন মনে পড়ে
যেখানে ধরণীর সীমার শেষে
স্বর্গ আসিয়াছে নামি'
সেখানে একদিন মিলেছি এসে
কেবল তুমি আর আমি ॥

সেখানে ব'সেছিছু আপনা-ভোলা
আমরা দৌঁছে পাশে পাশে।
সেদিন বুঝেছিছু কিসের দোলা
ছলিয়া উঠে ঘাসে ঘাসে।

কিসের খুসি উঠে কেঁপে
 নিখিল চরাচর ব্যেপে,
 কেমনে আলোকের জয়
 আঁধারে হ'লো তারাময় ;
 প্রাণের নিশ্বাস কী মহা-বেগে
 ছুটেছে দশদিক-গামী,
 সেদিন বুঝেছিলাম যেদিন জেগে
 চাহিলাম তুমি আর আমি ॥

বিজনে ব'সেছিলাম আকাশ চাহি'
 তোমার হাত নিয়ে হাতে ।
 দৌহার কারো মুখে কথাটি নাহি,
 নিমেষ নাহি আঁখি-পাতে ।
 সেদিন বুঝেছিলাম প্রাণে
 ভাষার সীমা কোন্‌খানে,
 বিশ্ব-হৃদয়ের মাঝে
 বাণীর বীণা কোথা বাজে,
 কিসের বেদনা সে বনের বৃকে
 কুসুমের ফোটে দিন যামী,
 বুঝিলাম, যবে দৌছে ব্যাকুল স্নেহে
 কাঁদিলাম তুমি আর আমি ॥

বুঝিছ কী আশুনে ফাগুন হাওয়া
 গোপনে আপনারে দাহে ;—
 কেন যে অরুণের করুণ চাওয়া
 নিজেরে মিলাইতে চাহে ;
 অকূলে হারাইতে নদী
 কেন যে ধায় নিরবধি ;
 বিজুলি আপনার বাণে
 কেন যে আপনারে হানে ;
 রজনী কী খেলা যে প্রভাত সনে
 খেলিছে পরাজয়-কামী,
 বুঝিছ যবে দৌহে পরাণ-পণে
 খেলিছ তুমি আর আমি ॥

জুলিয়ো চেজারে জাহাজ,
 ৯ জাহ্নয়ারী, ১৯২৫ ।

অঙ্ককার

উদয়াস্ত দুই তটে অবিচ্ছিন্ন আসন তোমার,
নিগূঢ় সুন্দর অঙ্ককার ।
প্রভাত-আলোক-চ্ছটা শুভ্র তব আদি শঙ্খ-ধ্বনি
চিত্তের কন্দরে মোর বেজেছিলো, একদা যেমনি
নূতন চেয়েছি আঁখি তুলি' ;
সে তব সঙ্কেত-মন্ত্র ধ্বনিয়াছে, হে মৌনী মহান,
কর্ণের তরঙ্গে মোর ; স্বপ্ন-উৎস হ'তে মোর গান
উঠেছে ব্যাকুলি ॥

নিস্তব্ধের সে আশ্রানে, বাহিয়া জীবন-যাত্রা মম,
—সিদ্ধ-গামী তরঙ্গিনী সম—
এত-কাল চ'লেছিছু তোমারি সুদূর অভিসারে
বঙ্কিম জটিল পথে স্নেহে হৃৎখে বঙ্কুর সংসারে

অনির্দেশ অলঙ্কার পানে ।

কভু পথতরু-ছায়ে খেলা-ঘর ক'রেছি রচনা ,
শেষ না হইতে খেলা চলিয়া এসেছি অশ্রুমনা
অশেষের টানে ॥

আজি মোর ক্লাস্তি ঘেরি' দিবসের অন্তিম প্রহর
গোধূলির ছায়ায় ধূসব ।
হে গম্ভীর, আসিয়াছি তোমার সোনার সিংহদ্বারে
যেখানে দিনান্ত-রবি আপন চবম নমস্কাবে
তোমার চবণে নত হ'লো ।
যেথা রিক্ত নিঃশ্ব দিবা প্রাচীন ভিক্ষুর জীর্ণবেশে
নূতন প্রাণের লাগি' তোমাব প্রাঙ্গণ-তলে এসে
বলে “দ্বার খোলো” ॥

দিনের আড়ালে থেকে কি চেয়েছি পাইনি উদ্দেশ,
আজ সে সন্ধান হোক শেষ ।
হে চির-নির্মল, তব শাস্তি দিয়ে স্পর্শ করো চোখ,
দৃষ্টির সম্মুখে মম এইবার নির্ঝরিত তোক
আঁধারের আলোক ভাণ্ডার ।
নিয়ে যাও সেই-খানে নিঃশব্দের গুট গুহা হ'তে
যেখানে বিশ্বের কণ্ঠে নিঃসরিছে চিরন্তন শ্রোভে
সঙ্গীত তোমার ॥

দিনের সংগ্রহ হ'তে আজি কোন অর্থ্য নিয়ে যাই
 তোমার মন্দিরে ভাবি তাই।
 কত না শ্রেষ্ঠির হাতে পেয়েছি কীর্ত্তির পুরস্কার,
 সযত্নে এসেছি বহে সেই-সব রত্ন অলঙ্কার,
 ফিরিয়াছি দেশ হ'তে দেশে।
 শেষে আজ চেয়ে দেখি, যবে মোর যাত্রা হ'লো সারা,
 দিনের আলোর সাথে ম্লান হ'য়ে এসেছে তাহার।
 তব দ্বারে এসে ॥

রাত্রির নিকষে হায় কত সোনা হ'য়ে যায় মিছে,
 সে বোঝা ফেলিয়া যাবো পিছে।
 কিছু বাকি আছে তবু, প্রাতে মোর যাত্রা সহচরী
 অকারণে দিয়েছিলো মোর হাতে মাধবী-মঞ্জরী,
 আজো তাহা অম্লান বিরাজে।
 শিশিরেব ছোঁয়া যেন এখনো র'য়েছে তা'র গায়,
 এ জন্মের সেই দান রেখে দেবো তোমার থালায়
 নক্ষত্রের মাঝে ॥

হে নিত্য নবীন, কবে তোমারি গোপন কক্ষ হ'তে
 পাড়ি দিলো এ ফুল আলোতে।
 স্মৃতি হ'তে জেগে দেখি, বসন্তে একদা রাত্রি-শেষে
 অরুণ কিরণ সাথে এ মাপুরী আসিয়াছে ভেসে

হৃদয়ের বিজ্ঞান পুলিনে ।
 দিবসের ধূলা এরে কিছুতে পারেনি কাড়িবারে,
 সেই তব নিজ দান বহিয়া আনিমু তব দ্বারে,
 তুমি লও চিনে ॥

হে চরম, এরি গন্ধে তোমাবি আনন্দ এলো মিশে,
 বুঝেও তখন বুঝিনি সে ।
 তব লিপি বর্ণে বর্ণে লেখা ছিলো এরি পাতে পাতে,
 তাই নিয়ে গোপনে সে এসেছিলো তোমারে চিনাতে,
 কিছু যেন জেনেছি আভাসে ।
 আজিকে সন্ধ্যায় যবে সব শব্দ হ'লো অবসান
 আমার ধ্যান হ'তে জাগিয়া উঠিছে এবি গান
 তোমার আকাশে ॥

জুলিয়ো চেজারে জাহাজ,
 ১০ জানুয়ারি, ১৯২৫ ।

প্রাণ-গঙ্গা

প্রতিদিন নদীত্রোতে পুষ্প পত্র করি' অর্ঘ্য দান
পূজারীর পূজা অবসান ।
আমিও তেমনি যত্নে মোর ডালি ভরি'
গানের অঞ্জলি দান করি'
প্রাণের জাহুবী-জলধারে,
পূজি আমি তারে ॥

বিগলিত প্রেমের আনন্দ বারি সে যে,
এসেছে বৈকুণ্ঠধাম ত্যোজে ।
মৃত্যুঞ্জয় শিবের অসীম জটা-জালে
ঘুরে ঘুরে কালে কালে
তপস্কার তাপ লেগে প্রবাহ পবিত্র হ'লো তা'র ।
কত না যুগের পাপ-ভার
নিঃশেষে ভাসিয়ে দিলো অতলের মাঝে ।
তরঙ্গে তরঙ্গে তা'র বাজে
ভবিষ্যের মঙ্গল সঙ্গীত ।
তটে তটে বাঁকে বাঁকে অনন্তের চ'লেছে ইঙ্গিত ॥

দৈব-স্পর্শে তা'র
আমারে সে ধূলি হ'তে করিল উদ্ধার ;

অঙ্গে অঙ্গে দিলো তা'র তরঙ্গের দোল ,
কণ্ঠে দিলো আপন কল্লোল ।

আলোকের নৃত্যে মোর চক্ষু দিলো ভরি'
বর্ণের লহরী ।

খুলে গেলো অনন্তের কালো উত্তরীয়,
কত রূপে দেখা দিলো প্রিয়,
অনির্বচনীয় ॥

তাই মোর গান
কুসুম-অঞ্জলি-অর্ঘ্যদান
প্রাণ-জাহ্নবীরে ।

তাহারি আবর্তে ফিরে ফিরে
এ পূজার কোনো ফুল নাও যদি ভাসে চিরদিন,
বিশ্ব্বৃতির তলে হয় লান,
তবে তা'র লাগি', কহ
কার সাথে আমার কলহ ?
এই নীলাশ্বর-তলে তৃণ-রোমাঙ্কিত ধরণীতে,
বসন্তে বর্ষায় গ্রীষ্মে শীতে
প্রতিদিবসের পূজা প্রতিদিন করি' অবসান
ধন্য হ'য়ে ভেসে যাক গান ॥

জুলিয়ো চেজারে জাহাজ,
১৬ জাহ্নয়ারী, ১৯২৫ ।

বদল

হাসির কুসুম আনিল সে, ডালি ভরি',
আমি আনলাম তুখ-বাদলের ফল ।
জুথালেম তা'রে “যদি এ বদল করি
হার হ'বে কার বল ।”
হাসি কৌতুকে কহিল সে সুন্দরী
“এসোনা বদল করি ।
দিয়ে মোর হার লব ফল ভার
অশ্রুর রসে ভরা ।”
চাহিয়া দেখিছু মুখপানে ত'ার
নিদয়া সে মনোহরা ॥

সে লইল তুলে আমার ফলের ডালা,
 করতালি দিল' হাসিয়া সকৌতুকে ।
 আমি লইলাম তাহার ফুলের মালা
 তুলিয়া ধরিবু বৃকে ।
 “মোর হ'লো জয়” হেসে হেসে কয়,
 দূরে চ'লে গেল স্বরা ।
 উঠিল তপন মধ্যগগনদেশে,
 আসিল দারুণ খরা,
 সঙ্কায় দেখি তপ্ত দিনের শেষে
 ফুলগুলি সব ঝরা ॥

জুলিয়ো চেজারে জাহাজ,
 ১৭ জাহুয়ারী, ১৯২৫ ।

ইটালিয়া

কহিলাম, “ওগো রাগী,
কত কবি এলো চরণে তোমার উপহার দিলো আনি ।
এসেছি শুনিয়া তাই,
উষার ছুয়ারে পাখীর মতন গান গেয়ে চ’লে যাই ।”
শুনিয়া দাঁড়ালে তব বাতায়ন-পরে
ঘোম্টা আড়ালে কহিলে করুণ-স্বরে
“এখন শীতের দিন
কুয়াশায় ঢাকা আকাশ আমার কানন কুসুম-হীন ॥”

কহিলাম “ওগো রাগী,
সাগর-পারের নিকুঞ্জ হ’তে এনেছি বাঁশরীখানি ।
উতারো ঘোম্টা তব,
বারেক তোমার কালো নয়নের আলোখানি দেখে লবো ।”
কহিলে “আমার হয়নি রঙীন সাজ,
হে অধীর কবি, ফিরে যাও তুমি আজ ;
মধুর ফাগুন মাসে
কুসুম আসনে বসিব যখন ডেকে লবো মোর পাশে” ॥

কহিলাম “ওগো রাণী,
 সফল হ’য়েছে যাত্রা আমার শুনেছি আশার বাণী ।
 বসন্ত সমীরণে
 তব আহ্বান-মন্ত্র ফুটিবে কুসুমের আমার বনে ।
 মধুপ-মুখর গন্ধ-মাতাল দিনে
 ঐ জানালার পথখানি লবো চিনে,
 আসিবে সে সুসময় ।
 আজিকে বিদায় নেবার বেলায় গাহিব তোমার জয় ॥”

মিলান,
 ২৪ জানুয়ারী ১৯২৫ ।

সখিতা

অবসান

বিরহ-বৎসর পরে, মিলনের বীণা
তেমন উন্মাদ-মল্লৈ কেন বাজিলি না ?
কেন তোর সপ্তস্বব সপ্তস্বর্গ পানে
ছুটিয়া গেলো না উর্দ্ধে উদ্দাম পরাণে
বসন্তে মানস-যাত্রী বলাকার মতো ?
কেন তোর সর্বতত্ত্ব সবলে গ্রহিত
মিলিত ঝঙ্কার ভরে কাঁপিয়া কাঁদিয়া
আনন্দের আর্তরবে চিত্ত উন্মাদিয়া
উঠিল না বাজি' ? হতাশ্বাস মৃদুস্বরে
গুঞ্জরিয়া গুঞ্জরিয়া লাজে শঙ্কাভরে
কেন মৌন হ'লো ? তবে কি আমারি প্রিয়া
সে পরশ-নিপুণতা গিয়াছে ভুলিয়া ?
তবে কি আমারি বীণা ধূলিচ্ছন্ন-তার,
সেদিনের মতো ক'রে বাজেনাকো আর ?

(প্র—ভাদ্র, ১৩০৩)

অন্তিম প্রেম

ওরে পদ্মা, ওরে মোর রান্ধসী প্রেয়সী,
লুক বাছ বাড়াইয়া উচ্ছ্বসি' উল্লসি'
আমারে কি পেতে চাস চির আলিঙ্গনে ?
শুধু এক মুহূর্তের উন্মত্ত মিলনে
তোর বক্ষমাঝে চাস করিতে বিলয়
আমার বক্ষের যত সুখ দুঃখ ভয় ?
আমিও তো কতদিন ভাবিয়াছি মনে
বসি' তোর তটোপান্তে প্রশান্ত নিৰ্জনে,
বাহিরে চঞ্চলা তুই প্রমত্ত মুখরা
শাণিত অসির মতো ভীষণ প্রখরা,
অন্তরে নিভৃত স্নিগ্ধ শান্ত সুগম্ভীর,—
দীপহীন রুদ্ধদ্বার অর্ধ রজনীর
বাসর-ঘরের মতো নিস্পৃগ নিৰ্জনে ;—
সেথা কার তরে পাতা সূচির শয়ন ?

(প্র—১৩০৩)

পত্র

সৃষ্টি প্রলয়ের তব্ব,
ল'য়ে সদা আছ মত্ত,
দৃষ্টি শুধু আকাশে ফিরিছে,
এই তারকার পথে
যাইতেছ মনোরথে,
ছুটিছ উন্মত্ত পিছে পিছে ;
হাঁকায়ে ছ'চারি জোড়া
তাজা পক্ষীরাজ ঘোড়া,
কলপনা গগন-ভেদিনী
তোমারে করিয়া সঙ্গী
দেশ কাল যায় লজ্জি'
কোথা প'ড়ে থাকে এ মেদিনী ?
সেই তুমি ব্যোমচারী,
আকাশ-রবিরে ছাড়ি'
ধরার রবিরে করো মনে,
ছাড়িয়া নক্ষত্র গ্রহ
একি আজ অমুগ্রহ
জ্যোতির্হীন মর্তবাসী জনে ।

ভুলেছ ভুলেছ কক্ষ
 দূরবীণ ভ্রষ্ট-লক্ষ্য
 কোথা হ'তে কোথায় পতন ।
 ত্যজি' দীপ্ত ছায়া-পথে
 পড়িয়াছ কায়া-পথে,
 মেদ-মাংস-মজ্জা-নিকেতন ।
 বিধি বড়ো অশুকুল,
 মাঝে মাঝে হয় ভুল,
 ভুল থাক জন্ম জন্ম বেঁচে ।—
 তবু-তো ক্ষণেক তরে
 ধূলিময় খেলা ঘরে
 মাঝে মাঝে দেখা দাও কেঁচে ।
 তুমি অদ্ভুত কাশী-বাসী,
 সম্ভ্রান্তি লয়েছ আসি'
 বাবা ভোলানাথের শরণ ;
 দিব্য নেশা জ'মে ওঠে
 ছ'বেলা প্রসাদ জোটে,
 বিধিমতে ধুমোপকরণ ।
 জেগে উঠে মহানন্দ
 খুলে যায় ছন্দোবন্ধ,
 ছুটে যায় পেল্লিল উদ্দাম,

পরিপূর্ণ ভাবভরে
 লেফাফা ফাটিয়া পড়ে,
 বেড়ে যায় ইষ্টাম্পের দাম ।
 আমার সে কৰ্ম নাস্তি,
 দারুণ দৈবের শাস্তি,
 শ্লেষ্মা দেবী চেপেছেন বক্ষে,
 সহজেই দম কম
 তাহে লাগাইলে দম,
 কিছুতে রবে না আর রক্ষে ।
 নাহি গান নাহি বাঁশী,
 দিন রাত্রি শুধু কাশী,
 ছন্দ তাল কিছু নাহি তাহে ;
 নব-রস কবিত্বের
 চিত্তে ছিল জমা ঢের
 ব'হে গেল সন্দির প্রবাহে ।
 অতএব নমো নম
 অধম অক্ষমে ক্ষম
 ভঙ্গ আমি দিহু ছন্দরগে,
 মগধে কলিঙ্গে গৌড়ে
 কল্পনার ঘোড়দৌড়ে
 কে বলো পারিবে তোমাসনে ।

উজ্জ্বল, শিম্লা.

(* জ্যৈষ্ঠ, ১৩০৫)

বসন্তের দান

অচির বসন্ত হায় এলো, গেলো চ'লে,
এবার কিছু কি কবি ক'রেছো সঞ্চয় ?
ভ'রেছো কি কল্লনার কনক-অঞ্চলে
চঞ্চল-পবন-ক্লিষ্ট শ্যাম কিশলয় ,
ক্লাস্ত করবীর গুচ্ছ ? তপ্ত রৌদ্র হ'তে
নিয়েছো কি গলাইয়া ঘোবনের সুরা,
ঢেলেছো কি উচ্ছলিত তব ছন্দঃস্রোতে,
রেখেছো কি করি' তা'রে অনন্ত মধুরা !

এ বসন্তে প্রিয়া তব পূর্ণিমা নিশীথে
নব-মল্লিকার মালা জড়াইয়া কেশে ,
তোমার আকাঙ্ক্ষা-দীপ্ত অতৃপ্ত আঁখিতে
যে দৃষ্টি হানিয়াছিল একটি নিমেঘে ,
সে কি রাখো নাই গোঁথে অক্ষয় সঙ্গীতে ?
সে কি গেছে পুষ্পচ্যুত সৌরভের দেশে ?

(প্র—জ্যৈষ্ঠ, ১৩০৭ ।

প্রশ্রয়

দিয়েছে প্রশ্রয় মোরে, করুণা-নিময়,
হে প্রভু, প্রত্যহ মোরে দিয়েছে প্রশ্রয় !
ফিরেছি আপন-মনে আলসে লালসে
বিলাসে আবেশে ভেসে প্রবৃত্তির বশে
নানা পথে , নানা ব্যর্থ কাজে , তুমি তবু
তখনো যে সাথে সাথে ছিলে মোর, প্রভু,
আজ তাহা জানি ! যে অলস চিন্তালতা
প্রচুর পল্লবাকীর্ণ ঘন জটিলতা
হৃদয়ে বেষ্টিয়াছিল, তা'রিশাখাজালে
তোমার চিন্তার ফুল আপনি ফুটালে ,
নিগূঢ় শিকড়ে তা'র বিন্দু বিন্দু সুধা
গোপনে সিঞ্চন করি' । দিয়ে তৃষ্ণা-ক্ষুধা,
দিয়ে দণ্ড পুরস্কার , সুখ হুঃখ ভয়
নিয়ত টানিয়া কাছে দিয়েছে প্রশ্রয় ।

(২৩ ফাল্গুন, ১৩০৭)

সাগর সঙ্গম

হে পথিক কোন্‌ খানে
চ'লেছো কাহার পানে ?

পোহালো রজনী উঠে দিননগি
চ'লেছি সাগর স্নানে
উষার আভাসে ভূষার বাতাসে
পাখীর উদার গানে
শয়ন তেয়াগি উঠিয়াছি জাগি,
চ'লেছি সাগর স্নানে ।

২

সুধাই তোমার কাছে
সে সাগর কোথা আছে ?

যেথা এই নদী বহি' নিরবধি
নীল জলে মিশিয়াছে ।
যেথা হ'তে রবি উঠে নব ছবি
মিলায় যাহার পাছে ;
তপ্ত প্রাণের তীর্থ স্নানের
সাগর সেথায় আছে ।

৩

পথিক, তোমার দলে
যাত্রী ক'জন চলে ?

গণি তাহা ভাই শেষ নাহি পাই
চ'লেছে জলে স্থলে ।
তাহাদের বাতি জ্বলে সারারাত্তি
তিমির আকাশ তলে
তাহাদের গান সারা দিনমান
ধ্বনিছে জলে স্থলে ।

৪

সে সাগর कह তবে
আর কতদূরে হবে ?

আর কতদূরে আর কতদূরে
সেই তো শুধায় সবে ।
ধ্বনি তা'র আসে দখিন বাতাসে
ঘন ভৈরব রবে ।
কতু ভাবি কাছে, কতু দূরে আছে
আর কত দূরে হবে ।

৫

পথিক গগনে চাহ
বাড়িছে দিনের দাহ ।

বাড়ে যদি দুখ হবো না বিমুখ
নিবাবো না উৎসাহ ।
ওরে, ওরে ভীত, তৃষিত তাপিত
জয়-সঙ্গীত গাহ ।
মাথার উপরে খর রবি-করে
বাড়ুক দিনের দাহ ।

৬

কি কবাবে চ'লে চ'লে
পথেই সন্ধ্যা হ'লে ?

প্রভাতের আশে স্নিগ্ধ বাতাসে
ঘুমাবো পথের কোলে ।
উদবে অরুণ নবীন করুণ
বিহঙ্গ কলরোলে
সাগরের স্নান হবে সমাধান
নূতন প্রভাত হ'লে ।

(প্র—বৈশাখ, ১৩০৮)

সাগর-মস্থন

হে জনসমুদ্র, আমি ভাবিতেছি মনে
কে তোমারে আন্দোলিছে বিরাট মস্থনে
অনন্ত বরষ ধরি' ! দেব দৈত্য দলে
কী রঙ্গ সঙ্কান লাগি' তোমাব অতলে
অশাস্ত আবর্ত নিত্য রেখেছে জাগায়
পাপে পুণ্যে সুখে দুঃখে ক্ষুধায় তৃষ্ণায়
ফেনিল কল্লোল-ভঙ্গে ? ওগো দাও দাও
কী আছে তোমার গর্ভে—এ ক্ষোভ থামাও !
তোমার অন্তর-লক্ষ্মী যে শুভ প্রভাতে
উঠিবেন অমৃতের পাত্র বহি' হাতে
বিস্মিত ভুবন মাঝে, ল'য়ে বর-মালা
ত্রিলোক-নাথের কণ্ঠে পরাবেন বালা
সেদিন হইবে ক্ষান্ত এ মহামস্থন,
থেমে যাবে সমুদ্রের রুদ্ধ এ ক্রন্দন ।

(প্র— প্রাবণ, ১৩১০)

শিবাজী-উৎসব

১

কোন্ দূর শতাব্দের কোন্ এক অখ্যাত দিবসে
নাহি জানি আজি,
মারাঠাব কোন্ শৈলে অব্যেয় অঙ্ককারে ব'সে—
হে রাজা শিবাজি,
তব ভাল উদ্ভাসিয়া এ ভাবনা তড়িৎপ্রভাবং
এসেছিলো নামি'—
“এক ধর্ম-রাজ্য-পাশে খণ্ড-ছিন্ন-বিক্ষিপ্ত ভারত
বেঁধে দিব আমি।”

২

সেদিন এ বঙ্গদেশ উচ্চকিত জাগে নি স্বপনে,
পায়নি সংবাদ,
বাহিরে আসে নি ছুটে, উঠে নাই তাহাব প্রাঙ্গণে
শুভ শঙ্খ-নাদ !
শাস্ত্রমুখে বিছাইয়া আপনাব কোমল-নির্মল
শ্যামল উত্তরী
তল্লাতুর সন্ধ্যাকালে শত পল্লী-সন্তানের দল
ছিল বন্ধে করি'।

৩

তা'র পরে এক দিন মারাঠার প্রাস্তর হইতে
 তব বজ্রশিখা
 আঁকি' দিল দিগ্ দিগন্তে যুগান্তের বিদ্যাবহ্নিতে
 মহামন্ত্র-লিখা ।
 মোগল-উষীষ - শীর্ষ প্রক্ষুরিত প্রলয়-প্রদোষে
 পুরুপত্র যথা,—
 সেদিনো শোনে নি বঙ্গ মারাঠার সে বজ্র-নির্ঘোষে
 কী ছিল বারতা ।

৪

তা'র পরে শূন্য হ'ল ঝঞ্ঝাফুর নিবিড় নিশীথে
 দিল্লী-রাজ-শালা,—
 একে একে কক্ষে কক্ষে অন্ধকারে লাগিল মিশিতে
 দীপালোক-মালা ।
 শবলুর গৃধ্রদের উর্দ্ধস্বর বীভৎস চীৎকারে
 মোগল-মহিমা
 রচিল শ্মশানশয্যা,—মুষ্টিমেয় ভস্মরেখাকারে
 হ'ল তা'র সীমা ।

৫

সেদিন এ বঙ্গপ্রান্তে পণ্য-বিপণীর একধারে
 নিঃশব্দ চরণ
 আনিল বণিক্লঙ্ঘী সুরঙ্গ-পথের অঙ্ককারে
 রাজ-সিংহাসন ।
 বঙ্গ তারে আপনার গঙ্গোদকে অভিবিক্ত করি'
 নিল' চূপে চূপে ;
 বণিকেব মানদণ্ড দেখা দিল', পোহালে শর্ব্বরী
 রাজদণ্ডরূপে ।

৬

সেদিন কোথায় তুমি, হে ভাবুক, হে বীর মারাঠি
 কোথা তব নাম ।
 গৈরিক পতাকা তব কোথায় ধূলায় হ'ল মাটি—
 তুচ্ছ পরিণাম' ।
 বিদেশীর ইতিবৃত্ত দস্যু বলি' করে পরিহাস
 অট্টহাস্ত-রবে,—
 তব পুণ্যচেষ্টা যত তস্করের নিষ্ফল প্রয়াস —
 এই জানে সবে ।

৭

অয়ি ইতিবৃত্ত-কথা, ক্ষান্ত করো মুখর ভাষণ ।
 ওগো মিথ্যাময়ি,
 তোমার লিখন-পরে বিধাতার অব্যর্থ লিখন
 হবে আজি জয়ী ।
 যাহা মরিবার নহে তাহারে কেমনে চাপা দিবে
 তব ব্যঙ্গবাণী ?
 যে তপস্রা সত্য তা'রে কেহ বাধা দিবে না ত্রিদিবে
 নিশ্চয় সে জানি ।

৮

হে রাজ-তপস্বি বীর, তোমার সে উদার ভাবনা
 বিধির ভাঙারে
 সঞ্চিত হইয়া গেছে, কাল কভু তা'র এক কণা
 পারে হরিবারে ?
 তোমার সে প্রাণোৎসর্গ স্বদেশ-লক্ষ্মীর পূজাঘরে
 সে সত্যসাধন
 কে জানিত হ'য়ে গেছে চির-যুগযুগান্তর-তরে
 ভারতের ধন ।

৯

অখ্যাত অজ্ঞাত রহি' দীর্ঘকাল, হে রাজ-বৈরাগী
 গিবিদরীতলে,
 বর্ষার নির্ঝর যথা শৈল বিদ্যাবিয়া উঠে জাগি'
 পবিপূর্ণ বলে—
 সেই-মতো বাহিরিলে,—বিশ্বলোক ভাবিল বিশ্বয়ে,
 যাহার পতাকা
 অস্থর আচ্ছন্ন করে, এতকাল এত ক্ষুদ্র হ'য়ে
 কোথা ছিল ঢাকা।

১০

সেই-মতো ভাবিতেছি আমি কবি এ পূর্ব-ভারতে—
 কী অপূর্ব হেরি।
 বঙ্গের অঙ্গনদ্বারে কেমনে ধ্বনিল কোথা হ'তে
 তব জয়ভেরি ?
 তিন শত বৎসরের গাঢ়তম তমিস্রা বিদারি
 প্রতাপ তোমার
 এ প্রাচী-দিগন্তে আজি নবতর কী রশ্মি প্রসারি,
 উদিল আবার ?

১১

মরে না মরে না কভু সত্য যাহা, শত শতাব্দীর
 বিশ্ব্বতির তলে,
 নাহি মরে উপেক্ষায়, অপমানে না হয় অস্থির,
 আঘাতে না টলে।
 যারে ভেবেছিল' সবে কোন্‌কালে হ'য়েছে নিঃশেষ
 কর্ম - পরপারে,
 এলো সেই সত্য তব পূজ্য অতিথির ধরি' বেশ
 ভারতের দ্বারে।

১২

আজ্ঞো তা'র সেই মন্ত্র, সেই তা'র উদার নয়ান
 ভবিষ্যের পানে
 এক-দৃষ্টে চেয়ে আছে, সেথায় সে কী দৃশ্য মহান
 হেরিছে কে জানে।
 অশরীর হে তাপস, শুধু তব তপোমূর্তি ল'য়ে
 আসিয়াছ আজ,
 তবু তব পুরাতন সেই শক্তি আনিয়াছ ব'য়ে,
 সেই তব কাজ।

১৩

আজি তব নাহি ধ্বজা, নাই সৈন্ত, রণ-অশ্বদল,
 অস্ত্র খবতর,—
 আজি আর নাহি বাজে আকাশেরে করিয়া পাগল
 হব হর হব ।
 শুধু তব নাম আজি পিতৃলোক হ’তে এলো নামি’,
 কবিল আহ্বান,
 মুহূর্ত্তে হৃদয়াসনে তোমারেই ববিল, হে স্বামী,
 বাঙালীব প্রাণ ।

১৪

এ কথা ভাবেনি কেহ এ তিন শতাব্দ-কাল ধরি’—
 জানেনি স্বপনে—
 তোমার মহৎ নাম বঙ্গ-মাবাঠাবে এক কবি’
 দিবে বিনা রণে ।
 তোমার তপস্যা-তেজ দীর্ঘকাল করি’ অন্তর্দান
 আজি অকস্মাৎ
 মৃত্যুহীন - বাণীরূপে আনি দিবে নূতন পবাণ,
 নূতন প্রভাত ।

১৫

মারাঠার প্রাস্ত হ'তে এক দিন তুমি ধর্মরাজ,
 ডেকেছিলে যবে,
 রাজা ব'লে জানি নাই, মানি নাই, পাই নাই লাজ
 সে ভৈরব রবে
 তোমার কৃপাণ-দীপ্তি একদিন যবে চমকিলা
 বঙ্গের আকাশে
 সে ঘোর ছর্যোগ-দিনে না বুঝিলু রুজ সেই লীলা,
 লুকানু তরাসে।

১৬

মৃত্যু সিংহাসনে আজি বসিয়াছ অমর মুরতি—
 সমুন্নত ভালে
 যে রাজ-কিরীট শোভে লুকাবে না তা'র দিব্য-জ্যোতি
 কভু কোনোকালে।
 তোমারে চিনেছি আজি, চিনেছি চিনেছি, হে রাজন্,
 তুমি মহারাজ।
 তব রাজকর ল'য়ে আটকোটি বঙ্গের নন্দন
 দাঁড়াইবে আজ।

১৭

সে-দিন শুনি নি কথা—আজ মোরা তোমার আদেশ
 শির পাতি' লব।
 কণ্ঠে কণ্ঠে বন্ধে বন্ধে ভারতে মিলিবে সর্বদেশ
 ধ্যানমগ্নে তব।
 ধ্বজা করি' উড়াইব বৈরাগীর উত্তরী' বসন
 দরিদ্রের বল।
 “এক - ধর্ম - রাজ্য হবে এ ভারতে” এ মহাবচন
 করিব সম্বল।

১৮

মারাঠীর সাথে আজি হে বাঙালী, এক কণ্ঠে বলো
 “জয়তু শিবাজি।”
 মারাঠীর সাথে আজি, হে বাঙালী, এক সঙ্গে চলো
 মহোৎসবে সাজি।
 আজি এক সভাতলে ভারতের পশ্চিম - পূর্ব
 দক্ষিণে ও বামে
 একত্রে করুক ভোগ এক সাথে একটি গৌরব
 এক পুণ্য নামে।

(শিবাজী-উৎসব, ১৩৩০)

দুর্দিন

ঐ আকাশ-পরে আঁধার মেলে কি খেলা আজ খেলতে এলে
তোমার মনে কি আছে তা জানবো না ।
আমি তবুও হার মানবো না, হার মানবো না ।
তোমার সিংহ-ভীষণ রবে,
তোমাব সংহার-উৎসবে,
তোমার হুঁসুটি-হুঁসুটি—
তোমার তড়িৎশিখায় বজ্রলিখায় তোমায় লবো চিনে ;—
কোনো শঙ্কা মনে আনবো না গো আনবো না ।
যদি সঙ্গে চলি রঙ্গভরে কিম্বা পড়ি মাটির পরে
তবুও হার মানবো না হার মানবো না ।
কতু যদি আমার চিত্তমাঝে ছিন্ন-তারে বেনুর বাজে
জাগে যদি জাগুক প্রাণে যন্ত্রণা—
ওগো না পাই যদি নাইবা পেলেম সাস্থনা ।
যদি তোমার তরে আজি
ফুলে সাজিয়ে থাকি সাজি,
প্রদীপ জালিয়ে থাকি ঘরে,
তবে ছিঁড়ে গেলে পুষ্প, প্রদীপ নিবে গেলে ঝড়ে
তবু ছিন্ন ফুলে করবো তোমার বন্দনা ।
তবু নেবা-দীপের অন্ধকাবে করবো আঘাত তোমার দ্বারে,
জাগে যদি জাগুক প্রাণে যন্ত্রণা ।

আমি ভেবেছিলেম তোমায় ল'য়ে যাবে আমার জীবন ব'য়ে
 ছুঃখ তাপের পরশটুকু জানুবো না—
 তাই সুখের কোণে ছিলেম প'ড়ে আনমনা ।
 আজ হঠাৎ ভীষণ বেশে
 তুমি দাঁড়াও যদি এসে,
 তোমার মন্ত চরণ ভরে
 আমাব যত্নে-গড়া শয়নখানি ধুলায় ভেঙে পড়ে
 আমি তাই ব'লে তো কপালে কর হানুবো না ।
 তুমি যেমন ক'বে চেনাতে চাও তেমনি ক'বে চিনিয়ে যাও
 যে-ছুঃখ দাও ছুঃখ তা'বে জানুবো না ।
 তবে এসো হে মোর সুহৃঃসহ ছিন্ন ক'বে জীবন লহ
 বাজিয়ে তোলো ঝঙ্কা-ঝড়ের ঝঞ্ঝনা,
 আমায় ছুঃখ হ'তে ক'বো না আব বঞ্চনা ।
 আমাব বৃকেব পাঁজব টুটে
 উঠুক পূজার পদ্ম ফুটে ,
 যেন প্রলয়-বায়ু-বেগে
 আমার মর্ষকোষেব গন্ধ ছুটে বিশ্ব উঠে জেগে ।
 ওরে আয় রে ব্যথা সকল-বাধা-ভঞ্জন ।
 আজ আঁধারে ঐ শূন্য ব্যেপে কণ্ঠ আমার ফিকক কেঁপে,
 জাগিয়ে তোলো ঝঙ্কা-ঝড়ের ঝঞ্ঝনা ।

নমস্কার

অরবিন্দ, রবীন্দ্রের লহ নমস্কার ।
হে বন্ধু, হে দেশ-বন্ধু, স্বদেশ আত্মার
বাণী-মূর্ত্তি তুমি । তোমা লাগি' নহে মান,
নহে ধন, নহে সুখ ; কোনো ক্ষুদ্র দান
চাহ নাই কোনো ক্ষুদ্র কৃপা ; ভিক্ষা লাগি'
বাড়াওনি আতুর অঞ্জলি । আছ জাগি'
পরিপূর্ণতার তরে সৰ্ব্ববাধাহীন,—
যার লাগি' নর-দেব চির রাত্রি দিন
তপোমগ্ন ; যার লাগি' কবি বজ্ররবে
গেয়েছেন মহাগীত, মহাবীর সব
গিয়াছেন সঙ্কট-যাত্রায় ; যার কাছে
আরাম লজ্জিত শির নত করিয়াছে ;
মৃত্যু ভুলিয়াছে ভয় ;—সেই বিধাতার
শ্রেষ্ঠ দান আপনার পূর্ণ অধিকার—
চেয়েছো দেশের হ'য়ে অকুণ্ঠ আশায়,
সত্যের গৌরব-দৃপ্ত প্রদীপ্ত ভাষায়
অখণ্ড বিশ্বাসে । তোমার প্রার্থনা আজি
বিধাতা কি শুনেছেন ? তাই উঠে বাজি'

জয় শঙ্খ তাঁ'র ? তোমার দক্ষিণ করে
তাই কি দিলেন আজি কঠোর আদরে
ছুঃখের দারুণ দীপ, আলোক যাহার
অলিয়াছে, বিদ্ধ করি' দেশের আঁধার
ঋব তারকার মতো ? জয়, তব জয়।
কে আজি ফেলিবে অশ্রু, কে করিবে ভয়,
সত্যেরে করিবে খর্ব্ব কোন্ কাপুরুষ
নিজেরে করিতে রক্ষা ? কোন্ অমানুষ
তোমার বেদনা হ'তে না পাইবে বল ?
মোছরে, দুর্ব্বল চক্ষু, মোছ্ অশ্রুজল ।

দেবতার দীপ হস্তে যে আসিল ভবে
সেই রুদ্র দূতে, বলো, কোন্ রাজা কবে
পারে শাস্তি দিতে ? বন্ধন শৃঙ্খল তা'র
চরণ বন্দনা করি' করে নমস্কার—
কারাগার করে অভ্যর্থনা । রুষ্ট রাহু
বিধাতার সূর্য্যপানে বাড়াইয়া বাছ
আপনি বিলুপ্ত হয় মুহূর্ত্তেক পরে
ছায়ার মতন । শাস্তি ? শাস্তি তা'রি তরে
যে পারে না শাস্তি ভয়ে হইতে বাহির
লজিয়া নিজের গড়া মিথ্যার প্রাচীর,

কপট বেষ্টন ; যে নপুংস কোনোদিন
 চাহিয়া ধর্মের পানে নির্ভীক স্বাধীন
 অজ্ঞায়েরে বলেনি অজ্ঞায় ; আপনার
 মনুষ্যত্ব, বিধিদত্ত নিত্য অধিকার
 যে নির্লজ্জ ভয়ে লোভে করে অস্বীকার
 সভামাঝে ; দুর্গতির করে অহঙ্কার ;
 দেশের দুর্দশা ল'য়ে যার ব্যবসায়,
 অন্ন যার অকল্যাণ মাতুরক্ত প্রায় ;
 সেই ভীকু নতশির, চিরশাস্তি তা'রে
 রাজকারা বাহিরেতে নিত্য কারাগারে ।

বন্ধন পীড়ন ছুঃখ অসম্মান মাঝে
 হেরিয়া তোমাব মূর্তি, কর্ণে মোব বাজে
 আত্মার বন্ধনহীন আনন্দের গান,
 মহাতীর্থ যাত্রীর সঙ্গীত, চিরপ্রাণ
 আশার উল্লাস, গম্ভীর নির্ভয় বাণী
 উদার মৃত্যুর । ভারতের বীণা-পাণি
 হে কবি, তোমার মুখে রাখি' দৃষ্টি তাঁর
 তারে তারে দিয়াছেন বিপুল ঝঙ্কার,—
 নাহি তাহে ছুঃখ তান, নাহি ক্ষুদ্র লাজ,
 নাহি দৈন্ত, নাহি ত্রাস । তাই শুনি আজ

কোথা হ'তে ঝঙ্কাসাথে সিঙ্কুর গর্জন,
 অন্ধবেগে নির্ঝরির উদ্ভূত নর্ভন
 পাষণ পিঞ্জর টুটি',—বজ্র গর্জরব
 ভেরি মল্লৈ মেঘপুঞ্জ জাগায় ভৈরব
 এ উদাস্ত সঙ্গীতের তরঙ্গ মাঝার
 অরবিন্দ, রবীন্দ্রের লহ নমস্কার ।
 তা'র পরে তা'বে নমি যিনি ক্রীড়াচ্ছলে
 গড়েন নূতন সৃষ্টি প্রলয় অনলে,
 মৃত্যু হ'তে দেন প্রাণ, বিপদের বুকে
 সম্পদেবে কবেন লালন, হাসিমুখে
 ভক্তেরে পাঠায় দেন কণ্টক কাস্তুরে
 রিক্তহস্তে শত্রুমাঝে বাত্রি অন্ধকারে ।
 যিনি নানা কণ্ঠে কন্ নানা ইতিহাসে,
 সকল মহৎ কর্মে পবন প্রয়াসে,
 সকল চরমলাভে “ছুঃখ কিছু নয়,
 ক্ষত মিথ্যা, ক্ষতি মিথ্যা, মিথ্যা সর্ব ভয়;
 কোথা মিথ্যা রাজা কোথা রাজদণ্ড তা'র;
 কোথা মৃত্যু, অশ্রায়ের কোথা অত্যাচার ।
 ওরে ভীকু, ওবে মূঢ়, তোলো তোলো শির,
 আমি আছি, তুমি আছ, সত্য আছে স্থির ।”

সুপ্রভাত

রুদ্ধ, তোমার দারুণ দীপ্তি,
এসেছে ছয়ার ভেদিয়া ;
বক্ষে বেজেছে বিদ্যুৎবাণ
স্বপ্নের জাল ছেদিয়া।
ভাবিতেছিলাম উঠি কি না উঠি,
অন্ধ তামস গেছে কি না ছুটি',
রুদ্ধ নয়ন মেলি কি না মেলি
তন্দ্রা-জড়িমা মাজিয়া।
এমন সময়ে, ঈশান, তোমার
বিষাণ উঠেছে বাজিয়া।
বাজে রে গরজি' বাজে রে
দধি মেঘের রক্তে - রক্তে
দীপ্ত গগন-মাঝে রে।
চমকি' জাগিয়া পূর্ব ভুবন
রক্ত বদন লাজে রে।

ভৈরব, তুমি কী বেশে এসেছো,
 ললাটে ফুঁসিছে নাগিনী ;
 রুদ্র-বীণায় এই কি বাজিল
 সুপ্রভাতের রাগিনী ?
 মুগ্ধ কোকিল কই ডাকে ডালে,
 কই ফোটে ফুল বনের আড়ালে ?
 বহুকাল পরে হঠাৎ যেন রে
 অমানিশা গেলো ফাটিয়া ;
 তোমার খড়্গ অঁধার মহিষে
 দুখানা করিল কাটিয়া ।
 ব্যথায় ভুবন ভরিছে ;
 ঝর ঝর করি' রক্ত-আলোক
 গগনে-গগনে ঝরিছে ;
 কেহ বা জাগিয়া উঠিছে কাঁপিয়া
 কেহ বা স্বপনে ডরিছে ।

তোমার শ্মশান-কঙ্কর-দল
 দীর্ঘ নিশায় ভুখারী,
 শুষ্ক অধর লেহিয়া-লেহিয়া
 উঠিছে ফুকারি'-ফুকারি' ।

অতিথি তা'রা যে আমাদের ঘরে,
 করিছে নৃত্য প্রাঙ্গণ - পরে,
 খোলো খোলো দ্বার, ওগো গৃহস্থ,
 থেকো না থেকো না লুকায়ে,—
 যারা যাহা আছে আনো বহি আনো,
 সব দিতে হবে চুকায়ে।
 ঘুমায়ে না আর কেহ রে।
 হৃদয়পিণ্ড ছিন্ন করিয়া
 ভাঙ ভরিয়া দেহ রে।
 ওরে দীন প্রাণ, কী মোহের লাগি'
 রেখেছিস মিছে স্নেহ রে।
 উদয়ের পথে শুনি কার বাণী,
 “ভয় নাই, ওরে ভয় নাই।
 নিঃশেষে প্রাণ যে করিবে দান
 ক্ষয় নাই, তা'র ক্ষয় নাই।”
 হে রুদ্র, তব সঙ্গীত আমি
 কেমনে গাহিব কহি' দাও স্বামী,
 মরণ-নৃত্যে ছন্দ মিলায়ে
 হৃদয়-ডমরু বাজাব।
 ভীষণ ছুখে ডালি ভ'রে ল'য়ে
 তোমার অর্ঘ্য সাজাব।

এসেছে প্রভাত এসেছে ।
 তিমিরাস্তক শিব-শঙ্কর
 কী অটুহাস হেসেছে ।
 যে জাগিল তা'ব চিত্ত আজিকে
 ভীম আনন্দে ভেসেছে ।

জীবন সঁপিয়া, জীবনেশ্বর,
 পেতে হবে তব পরিচয়,
 তোমার ডঙ্কা হবে যে বাজাতে
 সকল শঙ্কা কবি' জয় ।
 ভালোই হ'য়েছে ঝঞ্ঝাব বায়ে
 প্রলয়েব জটা প'ড়েছে ছডায়ে,
 ভালোই হ'য়েছে প্রভাত এসেছে
 মেঘের সিংহবাহনে,—
 মিলন-যজ্ঞে অগ্নি জ্বালাবে
 বজ্রশিখার দাহনে ।
 তিমির রাত্রি পোহায়ে
 মহাসম্পদ তোমাবে লভিব
 সব সম্পদ খোয়ায়ে,
 মৃত্যুরে লব অমৃত করিয়া
 তোমার চরণে ছোঁয়ায়ে ।